

Хоза Кхаъ
Иийсас бена, Лукийс дГаязбаъ

Хьамсара дешархой!

Шоана хьалхашка Инжил яха книжка да. Товратаца, Забураца цхьана Инжил ший аргIах укх дунен тIа эггара хьалхара а дукхача адамашта дешаш а долча Библие доакъош да.

«Инжил», «Евангелие» яхача деша маIан «Хоза кхаъ» яхалга да. Иштта аьннад Ший хьехамах Иийса Пайхамаро. Инжило хьагойт Иийсай вахар, Цо Далла ду гIулакх, Цо ду хьехамаш, Цунна карагIдоалаш хинна тамашийна хIамаш, Из вийна а юха дийнвенна а хиларах, Из сигала хьалваьнна хиларах.

Инжила тIа яз деш дола хIамаш хиннад вай дунен тIа эзаршере цхьоалагIча Палестине. Цу хана Палестине доал деш хиннаб Рима кулгалхой. Бакъда цигача баха жугтий шоай ди лелабеш хиннаб, цунна корта хиннаб Муса пайхамарага гIолла Дала царна денна Товрат. Мусайна тIехьа хиннача дукхача пайхамарашта ховш хиннад, нах Iаьдалах а кьийнойх а, Iоажалах а мукъабоахаргбола Дала лаьрххIа вайта Къоабалваьр воагIаргволга. Иштта ваьв вай дахача Байтлахаме ваь дукхача шерашка хьийжа Иийса – Даьла лаьрххIа вайта Къоабалваьр. Адамаш кIалхара дахара вайтача Пайхамарах бола хоам миччахьа мара из ца вахарах, моллагIа мотт ховш мара ца хиларах из хIара сага бола хоам ба.

Инжил массехк дакъах латташ да. ХIанз цунна бе доаллар дукхача хана денз Иийсай никъ дIахо хьош хиннача Лукас яз даь да. Из эггара бакъахьа а бIарчча а дола Иийсай вувцар лоархIаш да. Кхувш воагIаш Лукас лорал дийша хиннад, лор хиннав из. Иийсас а Цун вахар а дайнача наха хьалхагIа яз даь хиннараш а

юкье лаца хьежав со – яхаш язду Лукас ший Хоза Кхаъ дIадолалуш.

Инжил яздаъ хиннад Греки меттал, бакъда из яздаъчул тIехьагIа 20 бIаьшерашка дунен тIа дахача къами бIаьнаш меттел таржам даъ а хиннад. ХIанз из арадоал гIалгIай меттала.

Даъла Йоазонаш дара йола институту баркал оал Лукас яздаъча Хозача кхаъа таржам деча редакторашта, а таржамхошта а, иштта из гIалгIай метталла даккхара новкъостал мел даьрашта а.

Тхона дика хетт из книжка шоай наьна метталла гIалгIай деша таро йолаш.

Библина таржам ду институт



Хоза Кхаъ

Иийсас бена, Лукийс дIаязбаъ

- 1** ЛоархIаш вола Теапил,
ХIанза дукха нах язде гIийртаб тхона юкье хиннача дика довзачох лаьца.
2. Эггара хьалха денз тхона а цу хIамах лаьца ма даггара дийцар, бIаргадайнача а Даъла Дош адамашта юкье дIа-хьа доаржадеча а наха.
3. Из хезар деррига лаьрххIа тахка а тахка, хьога цунах лаьца мадарра яздергда аьнна соцам бар са,
4. Iайха Iомадаьр хьона белгала бакъдий хайтара.

Яхьа дунен чу варгхиларах бола хоам

5. ЯхIуд-мехка ХIарон паччахь волча хана Авади цIи йолча тобах а волаш, Закре цIи йолаш цхьа Iалама саг вар. Элисат цIи йолаш цIен нана яр цун, ХIарона тIехьенах хьаяьнна.
6. Уж шиъ Везача Аьлано тIадилла гIулакх лаьрххIа кхоачашдеш а Далла хьалхашка цIена а дар.
7. Цар бераш дацар, Элисат берах ца хилар бахьан долаш, шаккхе а ханна доккха а дар уж.
8. Далла гIулакх дара йола аргIа кхаьчар Закре юкье а волаш йолча Iалама наьха тоабанга цкъа.
9. Iалама наьха IаьдалагIа доагIача бесси, Закречун кхадж бера Везача Аьлан цIагIа хоза хьадж йоагIа хIама йоагае, аьнна.
10. Цу хана цу цIенна хьалхашка дукха адам гулденнадар, мадарра цхьана ламаз дар духьа.

11. Закре волча Везача Аьлан малейк дера цу хана. Хоза хьадж йоагIа хIама йоагаячоа аьтта оагIорахьа дIаэттар из.

12. Из бIаргадайна Закре чоагIа кхеравелар.

13. Малейко аьлар цунга:

«Кхера ма лелахь, Закре! Хьа дуIан духьал жоп деннад хьона: хьа сесага Элисата кIаьнк вергва хьона. Iа цунах Яхьа, аьнна цIи а тулларгья.

14. Цунах чоагIа воаккхий а хургва хьо. Дукхача наха хозахетар хургда из дунен чу валарах,

15. хIана аьлча из Везача Аьлано везваь вайтав, цо чхьагIар а кхыдола корта бохабеш дола малар а мергдац. Наьна керахь волча хана денз Даьла Деза Са хургда цунца.

16. Дукха израилхой Везача Аьлана, цар Далла тIаберзоргба цо.

17. Везача Аьлана хьалха воагIаш хургва, ЭлияхIа пайхамара Iалашо кхоачашгьяь Яхьа, дай а берий а дегаш шоайла вIаши хьерчаргдолаш, харцбаьннараш нийсача наькъ тIа бахара, амалдара».

18. Закрес хаьттар малейкага: «Со мишта теша веза Iа яхачох? Со кьаьна а ва, са цIен нана а ха яьнна я».

19. Малейко жоп делар:

«Хьога из хоза кхаь бахьаш дайта Далла гарга дола Джабраил-малейк да со.

20. ХIанз денз хьа мотт соцаргба хьо са дешаех ца тешар бахьан долаш, хIаьта аз дийцар ший ханнахьа белгалдаргда».

21. Адамаш ара Закрега хьежаш дар из Везача Аьлан цIагIа хьеваларах цец а дувлаш.

22. Закре араваьлча йист хулалуш вацар, цудухьа кулга оамалца дувца дийзар цун. Масса вар а кхийтар цунна Даьла цIагIа сурт этта хиларах.

23. Далла гIулакх деш дола ший денош чакхдаьлча Закре цIавийрзар.

24. Дукха ха ялалехьа цун цIен нана Элисат дезалхочох кхийра. Пхе бетта нахах лежкьаш лийлар из.

25. Цо оолаш хиннад:

«Ер Даьлагара да! Дала кьахетам а баь са юхь кIай яьй Цо наха хьалхашка».

Иийса дунен чу вархиларах бола хоам

26. Элисат берах кхийна ялхлагIа бутт болча хана Дала Джабраил-малейк дахийтар Галилай-мехкара Назарет цIи йолча шахьаре,

27. Марем цIи йола йоI саг йолча. Дауд-паччахьа тIехьенах волча Ювсапага маьре яха кийчьеннаяр Марем.

28. Из йолча а дена малейка аьлар:

«Моаршал да хьога Дала хьайх кьахетамбаьр. Веза Аьла хьоца ва! Кхалнаха юкьера даькьальгьяь я хьо!»

29. Марема цун дешаех эхь хийтта ше фу дича бакьахьа да ца ховш уйла йора, фу маIан долаш да хьогI из моаршал яхаш.

30. Малейко йоахар: «Ма кхера, Марем. Дала хьо даькьальгьяь.

31. Хьо Берах кхувргья, КIаьнк вергва, Цунах Iа Иийса аьнна цIи а тулларгья.

32. Из сийлахь воккха Саг хургва Цунах Веза-Воаккхачун ВоI аргда. Везача Аьлано, Дала Цунна, Цун даьна Дауда паччахьал лургда.

33. Из Йоакьапа ерригача тIехьенна тIехь кулгадеш хургва. Цунгар паччахьал цIаккха а кхоачалургдац».

34. «Из мишта хургда, – хаьттар Марема, – со хIанз а йоI саг ма йий?»

35. Малейко жоп делар: «Хьона чу Даьла Са доссаргда, Веза-Воккхачун низ хургба хьона чухь, цудухьа хьа хургдола Деза Бер а Даьла ВоI аьнна цIи йоккхаш хургда.

36. ХIана аьлча, хьа гаргара йолча Элисата а кIаьнк вергва, ше ханна йоккха яле а. Цунах, из дезалхо

хулаш яц яхаш дувцар, бакъда из ялхлагIа бутт болаш дезалхочох я.

37. Дала Ше аьнна хIара дош а кхоачашдергда».

38. «Со Даьла лай я, – аьлар Марема, – Ia мел яхар хилда соца». Юха малейк дIадахар из йолчара.

Марем Элисат йолча хьоашалгIа йода

39. Цул тIехьагIа Марем сиха лоамарча ЯхIуд-мехка цхьан городе яхар.

40. Закречун цIагIа чу а яьнна Элисатага моаршал хаттар цо.

41. Марема моаршал хьахоззашехь а Элисата керара бер тохаделар. Цу ханна Элисата чудессар Даьла Са.

42. Цо аьлар чIоагIа: «Кхалнаха юкье даькъала я хьо! Хьа керара Бер а да даькъала!

43. Со йолча мичара енай са Аьлан нана?

44. Хьа моаршал хьахезача, са керара бер хоза хийтта тохаделар.

45. Даькъала я Даьлах тешар, хIана аьлча Дала цунга аьнна кхоачашхургда!»

Марема Далла хоастам бар.

46. ТIаккха Марема аьлар: «Са дего даькъалву Веза Аьла,

47. са дог гIададахад се КIалхьарайоккхачунна, цох доккхал а ду аз,

48. хIана аьлча, Дала селлара белгалйоалаш йоаца со теркал яьй. ХIанз масса йолча тIехьенаша Даьла лай йолча сох даькъальяр аргда.

49. ХIана аьлча, Низболчо сона из доккха дакъа даларах. Из Веза ва!

50. Цун къахьетам тIехьенашкара тIехьенашка, Ше мел долча адамга кхоачаргба, из мел лоархIачунга.

51. Ший низ болча кулгашца Цо дIа-юха баьхаб дагахь курал яраш,

52. паччахьаш шоай гIандаш тIара боссабаьб, мискача наьха хьал айдаьд.

53. Цо меца бараш дикача кхачах бузабаьб, хьалдараш теркал ца беш а битаб.

54. Цо новкъостал ду Ший Израила мехка, Цун дагахь да,

55. Ше ИбрахIима а цун тIехьенна а геттар къахетаме массаза а хургхилар, вай даьшка Цо ма-аллара».

56. Марем, кхаь бетта гаргга Элисат йолча хьоашалха а хинна цIаера.

Яхья дунен чу валар

57. Ха тIакхьача, Элисата кIаьнк вир.

58. Лоалахой а, гаргара бараш а Везача Аьлано цунна из дика болх барах Элисатаца цхьана хозахеташ, боккхийбеш бар.

59. БархIлагIча дийнахьа кIаьнк суматве баьхкараш цох, ший даь санна, Закре аьнна цIи тилла дагахь бар.

60. Бакъда, нанас аьлар: «ХIа-хIа! Цунах Яхья аргда».

61. Цунга аьлар: «Из цIи йолаш шун гаргара цхьаккха а мичав!»

62. Цар кулга оамалца даьга хьаттар кIаьнках цIи малагIа тилла лов хьона.

63. Закрес цхьа зIамига улг а дийха, масса вар цецвоаккхаш яздыр: «Цун цIи Яхья я».

64. Цу сахьате цун мотт паргIата а баьнна, цунга Даьла хестош хабар дувцадалар.

65. Лоалахой цецбаьннача латтийсар. Цунах лаьца дувцаш дар массайолча ЯхIуд-мехка лоамашка.

66. Массавар – из дIа мел хезар, шоай дагахь лоаттадеш а вIаши хетташ а бар: «Воккха хилча мала хургва-хьогI из кIаьнк?» – яхаш. ХIаьта Яхьяйца из ваьча дийнахьа денз Везача Аьлан низ бир.

Закрес Далла хоастам бар

67. Яхьяй да Закре Даьла Са чудесса Даьлера хоам бе волавелар:

68. «Даькъала хилва Аьла, Израила-халкъа Даьла, ва а вена, Ший халкъ паргIатадаьккха.

69. Шийна мутIахьа волча Дауда тIехьенах вола турпал саг вайтав Цо вай кIалхара даха,

70. Ший безача пайхамарашка яьххача бесса.

71. Цо кIалхардоахаргда вай воай моастагIех а вай ца дезарий кулгех а.

72. Цо вай даьх а къахетам бергба, Цунна дага да

73. вай даьна ИбрахIима Ше денна,

74. вай моастагIех кIалхардоахаргда аьнна, цхьаннех а ца кхераш, вайга Шийна гIулакх дайтара,

75. дунен чу йоккха ха Цунна хьалха цIена а дика а яккхийтара Ший деза баскет.

76. ХIаьта хьох, са бер, Веза Воккхачун пайхамар аргда, хIана аьлча, хьо Аьлана хьалха воагIаш хургва, Цунна никъ кечбеш.

77. Цун халкъага уж кIалхарабовлар, къеношта гештдар дIахойташ.

78. Даьлера безам а къахетам а бахьан Цо лаьрххIа къоабалваьр вай долча хьалкхета малх санна, воагIаргва.

79. Иоажала боадоне болчарна сердал а лургья, вай машара новкъа а доахаргда».

80. Зиамига бер доккха хулаш, дегIа низ чоагIлуш а дар. Из эрий ара адам доагача моттиге Iеш дар, Израила-халкъа гIулакх дара йола ший ха хьакхачарга хьежаш.

Ийса дунен чу валар

2 Цу деношка Август цIи йолча паччахьа амар арадаьлар, Рим-паччахьалкхене мел дола адам дIаязде аьнна.

2. Сири-областа Куйриос доал деча юкъа адамаш юхьанца дIаяздеш дар цу хана.

3. Цудухьа хIаравар ше ваьннача шахьаре вахар дIаязвала.

4. Ювсап а вахар Галилай мехкара, Назарет-шахьарера ЯхIуд-мехка Дауд-паччахь ваьча Байтлахам шахьаре, хIана аьлча из Дауда цIийх ваьнна вар.

5. Из шийна ийиха ягIаш йолча, хIаьта берах йолча Маремаца дIаязвала водаш вар.

6. Уж Байтлахаме болаш дезалхо дунен чу валара йола ха тIакхьачар.

7. Марема КIаьнк вир, ший хьалхара Дезалхо. Цо Из дIа а хьоарчаваь шоаш чуболча доахан хьай чу виллар, хIана аьлча, царна цIагIа моттиг кхача яцар.

Иуй а малейкаш а

8. Цу мехка ара шоай доахан лорадеш бийсана Иуй бар.

9. ЦIаьхха царна духьал Даьла малейк дессар, Везача Аьлангара долча нурца уж сийрда боахаш. ЧIоагIа кхерабелар Иуй.

10. Малейко аьлар царга:

«Кхера малелаш! Со шуга деррига адам доккхий деш бола хоза кхачь бахьаш денад!

11. Тахан Дауда шахьаре ваьв шо кIалхьардоахаргдар, Дала лаьрххIа белгалваь вола Аьла.

12. Из шоана вовзаргва укх белгалонах: дIа а хьоарчадаь бер корадергда шоана хьай чу».

13. ЦIаьхха малейка уллув сиглара дукха малейкаш Юдессар. Цар Далла хоастам а беш йоахар:

14. «Сигаленашкахь Далла хоастам ба, Дунен чу Даьла раьза волча адамашта машар ба!»

15. Малейкаш сигал хьалдаьлча, Иуша шоайла аьлар: «Байтлахьаме а даха, цига фу хиннад хьажа деза вай, вайга Дала байтар фу хоам ба».

16. Уж цига сихонца бахар. Царна корайир Марем а, Ювсап а, хьайна уллув уллаш Бер а.

17. Бер бIаргадайча цар дийцар, Цунах шоашка бена хиннача хоамах лаьца.

18. Массавар а ладувгIаш мел хиннар цецваьннавар Иуша дувчачох.

19. Бакъда, Марема шийна мел хезар ший дагахьа лоаттадора.

20. Иуй юха бийрзар, Далла хоастам а беш, хІана аьлча, царна хезар а дайнар а малейко аьннача бесса хилар.

Иийса Далла хьалхашка оттар

21. БархІлагІча дийнахьа КІаьнк суматве везаш вар. Цох цІи Иийса тиллар. Из цІи Цох малейко Из кхы а наьна керчу волча хана тиллаяр.

22. Дезалхо хинначул тІехьаГІа, массехк ди даьлча бер дарах цІенлуш йола Іадатан ха хьакхьаьчар. Муса-пайхамара ма хьеххара, Марем а, Ювсап а Иийса ийца Иерусалиме Из Везача Далла хьалхашка оттаве бахар,

23. хІана аьлча, Везача Дала Товрата тІа ма яздарра, моллагІа дола духьашха даь маІа бер Везача Аьлана лаьрхІа хила дезар.

24. Цул совГІа, цар е маІа е кхал шиь е кхокхан кьоригаш йийна кхокха цІий даьккхар Далла хьалхашка Везача Аьло Товрата тІа ма яздарра.

25. Цу хана Иерусалиме ШамІа цІи йолаш цхьа саг вар. Из чІоагІа Даьлах кхераш а дика лелаш а, Израила халкьа новкьостал дарга сатувсаш а вар. Даьла Са а дар цунца.

26. Цунга Даьла Сино хоам баьбар, Дала лаьрххІа везваь вайта Кьоабалваьр цунна бІаргавовлщца цун валар хургдац аьнна.

27. Даьла Сино волавир из Даьла цІен коа. Марем и Ювсапи зІамига Иийса а волавие цига баькхар Иийсайна Везача Аьло Товрата тІа ма-яздарра из гІулакх де лаьрхІа.

28. ШамІас, Иийса кулгашка хьа а ийца, Далла хоастам а беш, аьлар:

29. «ХІанз, Іайха ма-аллара, садалар атта долаш, Хьайна мутІахьа вола со дІаеца Іа, Аьла.

30. Са бІаргашта вайра Іа масса дола адам кІалхардаккха вайтар.

31. Іа массадолча адамашта кийчдаьр.

32. Цо лургья дерригача халкьашта Даьла тешарах йола сердало, Хьа Израила халкьа сий а лургда».

33. Ювсупи КІаьнка нанеи чІоагІа цецдаьлар шоай КІаьнках лаьца ШамІас дийцачох.

34. ШамІас Даьлагара дийхар уж кьоабалбе аьнна. Бера наьнага Маремага цо аьлар:

«Из Бер бахьан долаш Израила-мехка цхьаболча наха юкье дукха бараш из цавезарах дина духьале лелаергья, дукхабараш Далла тІаберзаргба, ди чІоагІабергба. Из бахьан долаш наха юкье кьовсамаш а хургда.

35. Уж кьовсамаш бахьан долаш дукхача адамий дег чу хиннар гучадаргда, тур чакхдаьккхача санна лазаш хургда балех хьа дог».

36. Укхазар яр Ашера цІийх йола, Дала дакьа денна йола Фануила йоІ Анна. Из чІоагІа кьаеннаяр. Мараца ворхІ шу мара даьккхатацар цо.

37. ДІахо йола ха жерал ягІаш яьккхаяр цо. ХІанз цун дезткьеи диь шу даьннадар. Из Даьла цІен коара дІа ца йоалаш, марха кхоабаш, дуІаш деш, дийнахь а бийсан а Далла гІулакх деш яр.

38. Цу хана царна тІаена, Далла хоастам а беш, Иерусалим паргІата яьккхарга сатувсача нахага цу Берах лаьца дийцар цо.

Назарете юхаверзар

39. Ювсап а Марем а Везача Аьлано Товрата тІа дилла гІулакх даь а баьнна шоай Галилай-мехкара Назарет-шахьаре юха бийрзар.

40. ХІаьта, Бер денгара ди мелдоал дегІа низ чІоагІлуш а хьаькьал тІакхеташ а доагІар, Даьла из везаш вар.

Замига Иийса Иерусалиме

41. ХІара шера Цун да-нана Дала кьахетам баьча дезача дийнахьа Пасахь Иерусалиме додар.

42. Иштта, КІаьнка шийтта шу кхаьчача а дезача дийнахьа Иерусалиме хьалбаьлар уж, шоай ІаьдалагІа ма-хиллара.

43. Деза ди чакхдаьлча, уж цІабоагІаш Іийса Иерусалиме висар. Даьнеи наннеи из ханзар.

44. Из кхычарца цІаваоагІаш ма вий яхаш бар уж. Сарахь из шоай гаргара нах болча а бовзаш нах болча а леха баьлар уж.

45. Из кхы кора а цавоагІаш Иерусалиме юха баьхкар уж, Из лохаш.

46. Кхо ди даьлча, коравир царна Из Даьла цІен коа. Іалама наха юкье Іеш вар Из, царга ла а дувгІаш, хаттараш а деш.

47. Ладувхаш мелвар цецвулар цун хьаькьалах, кхетамах, Цо жоп юха даларах.

48. Да-нана цецдаьлар из бІаргавайча. Нанас хаьттар Цунга: «ВоІ, ер фуд Іа тхона деш дар? Хьа да а со а чоагІа саготдеш Хьо лохаш ма лийннадий!»

49. «Оаш хІана лех Со? – хаьттар Цо. – Шоана хацарий Со Сай Даь коа хила везалга?»

50. Бакьда, уж кхийттанзар Цо яхачох.

51. Из царца Назарете хьавера. Цар яхар деш, царна мутІахьа вар Из. Бакьда, нанас мел нийсденнар, шемелдар ший дагахьа лоаттадора.

52. Іийса воккха хулаш а хьаькьали кхетаами совбоалаш а вар. Цунна Даьла а нах а раьза бар.

Яхьяс хьехам бар

3 Тибар паччахь вола пхийтталагІа шу долча хана Понтий Пилат ЯхІуд-областе кулгалдеш, ХІарон Галилаие диьлагІа доал кхоачаш паччахьа волаш, цун воша Пилап из санна Итурее а Тирахоне а иштта диьлагІа доал кхоачаш волаш, хІаьта Лусой Абали цІи йолча моттиге диьлагІа доал кхоачаш паччахь хиннав.

2. Дина керте латтараш бар Хьанас а Каиб а. Цу шера яьссача ара Закречун кІаьнка, Яхьяйна Даьлера хоам хезар.

3. Цудухьа Яхья, Иордана-хин йисте мехка гІолла чакхваьлар. Цо кхайкарал дора нахага: «Леладаьчох дехке а даьле, Далла гІа а дийрзе сога шоаш хих чакхдахийта, тІаккха Дала шун кьиношта гешт дергда», – яхаш.

4. Яздаь ма дий ЯсаІ пайхамара:

«Яьссача арара хеза оаз:

„Везача Аьлан никь кийчбе!

Нийсбе Цунна хьалхара никь

5. ХІара теІа моттиг хьалнийслургья,

хІара лоам а гув а ІотоІаргба.

Голаш етта наькьаш нийслургда,

дехараш шаьрлургда

6. ХІаранена гургда Дала ше кІалхарвоаккхаргволга!“»

7. Хих чакхбахийта баьхкача нахага Яхьяс йоахар: «Говза цхьаогалаш! Хьан аьннад шуга Даьла таІазарах довла аьнна?»

8. Шоаш леладаьчох дехкедовлар гойта. ХІаьта тха да ИбраХим пайхамар ва, тоам ма бе. Аз ях шуга Даьла таро я кхыметтел укх кхартІолгех а ИбраХима бераш де.

9. Гаьна овлах тохара диг уллув уллаш да, хІара сом ца луш йола га хьа а яьккхе цІерал кхосса».

10. «Оаха фу дергда?» – аьнна хаьттар наха.

11. Яхьяс жоп делар: «Шийга ши коч йолчо йоацачунна дІале, хІаьта яа хІама йолчо а из де», – аьнна.

12. Йоал йоаккхаш бараш а боагІар шоаш хих чакхбахийта, «Устаз! – хаьттар цар, – оаха фу де деза?»

13. «Нахагара ца йоагІа йоал ма яккха», – аьлар цо царга.

14. ТІемахоша а хаьттар цунга: «Оаха фу де деза?» Яхьяс жоп делар: «НизагІа нахагара хІамаш ма яха, бехке воацар бехке ма ве, шоай алапех кхоачам бе».

15. Адам цхьан хІаманга сатувсаш Іара, массане а дага дар: «Дала лаьрхІар вий теш Яхья?»

16. Яхъяс аьннад царга: «Аз шо хих чакх мара дахац, бакъда сол НизболашагІвар воагІа шоана, со Цун маьче бахтараш дІадехка а пайдана вац. Цо Даьла Сица, цІераца цІендергда шо.

17. Цун бел Цун бе йоал, Цо нувхаш дІа-юха яьха хьагулдергда цІена ялат, Ше чулестача моттиге, хІаьта йиса нувхаш йоагаергъя вІалла а йовргйоацача цІерал».

18. Кхы а дукха дараш дувцар цо наха, царна хьехам луш наха Хоза Кхаь дІалуш.

19. Яхъя раьза воацаш вар ХІарона воча гІулакхашта, цу юкье ший дийна волча веший сесаг ХІарона шийна йоалайрах.

20. ХІаьта, ХІарона ше мелдаьчунна тІатехар Яхъя чуволлар.

Ийса хих чакхваккхар

21. Хьавенар массавар а Яхъяс хих чакхвоаккхаш Ийса а ваьккхар цо. Цул тІехьагІа Ийсас дуІан ши култ хьалхьоккхашехь а сигле еллаелар.

22. Ийсайна кхокхан сибате Даьла Са ІотІадессар. Сигалара оаз хезар: «Хьо Са ВоІ ва! Сона Хьо чоагІа дукха веза! Хьоца ба Са лоІам!»

Ийсай дай

23. Ийсай ткъаб итт шу гарга дар из Даьлах лаьца хьехамаш де волалуча хана. Из массанена хеташ хиннача бесса Ювсапа ВоІ вар, хІаьта Ювсап Элий бар Цун дай а даь дай а:

24. Маттат, Леви, Малки, Яннай, Ювсап,
25. Маттитъя, Амоц, Наум, Хесли, Наггай,
26. Махат, Маттитяь, Шимьи, Иосех, Иода,
27. Иоханан, Реса, Зеруббавель, Шеальтиэль, Нери,
28. Малки, Адди, Кьоасам, Эльмадам, Эр,
29. Иошура, Элиезер, Иорим, Маттат, Леви,
30. ШамІа, Иуда, Ювсап, Ионам, Эльяким,
31. Малья, Минна, Маттата, Натан, Дауд,

32. Ишай, Овед, Боаз, Салман, Нахшон,
33. Амминадав, Админ, Арни, Хецрон, Перец, Иуда,
34. Иаков, Исаак, Авраам, Терах, Нахор,
35. Серуг, Реу, Пелег, Эвер, Шелах,
36. Кеинан, Арпахшад, Сим, Ной, Ламех,
37. Метушелах, Ханох, Иеред, Махалалэль, Кеинан,
38. Энош, Сет, Адам Дала хьакхеллав.

Иблисо Ийса зер

4 Даьла Синах визза вера Ийса Иордан-хи тІара. Даьла низаца Из яссача ара дІа а кхаьчар.

2. Цо шовзткъа диибийсеи даьккхар цу метте. Цу шовзткъа дийнахъеи-бийсанеи из волча цо фу ду хьожаш Цунах къа лотаде гІерташ, фу доал хьожаш иблис дар. Из еррига ха йоаккхаш Ийсас хІама а йиаяцар, юххера а мецвелар Из.

3. Иблисо аьлар Цунга: «Хье Даьла ВоІ вале укх кхерага маькх хила алат».

4. Ийсас жоп делар: «Духхьал маькхах, ялатах латташ дац сага вахар», – аьнна, яздаьд.

5. Юха лакхе хьал а ваьккха бІарганогІар тохача юкъя дунен тІара паччахьалкхенаш гойтар Цунга иблисо.

6. ТІаккха иблисо аьлар: «Деррига дунен тІара рузкъа, сий аз Хьона дІалургда. Ер деррига а Дала сайна даларах, сайна ловчунна ер дІадала йиш я са.

7. Из деррига хьа хургда, нагахьа санна Іа сона корта тохе».

8. Бакъда Ийсас аьлар: «Яздаьд хье хьакхеллача цхьа Даьла воацачунна корта ма бетта, Цунна мара гІулакх ма де», – аьнна.

9. Иблисо Ийса Иерусалиме а вига, Даьла цІен биххье Іоваьккхар. «Хье Даьла ВоІ вале, – аьлар иблисо, – укх тІера чукхоссале.

10. ХІана аьлча, яздаь да: „Дала Ший малейкашка аргда, хьо лаьрххІа лораве,

11. кхертIойх дIацакхетийташ, хьалаьце дIахьо“, – аьнна».
12. Бакъда Иийсас аьлар цунга: «Даьла карадар фуд ха, цун низ бовза ма гIерта, аьнна яздаьд».
13. Иийса зийна а даьнна, иблис дIадахар, юха ший аьттув баллалца.

Иийса Галилае хьехамаш де волалу

14. Иийса Даьла Син низ Шийца болаш, Галилай мехка юха вера. Цунах лаьца берригача мехка дувцаш дар.
15. Из гуллума цIеношка хьехамаш де волалу. Массане а хеставора Из.
16. Ше кхийнача Назарете вера Иийса. Массаз санна Дала лаьрхIача шоаттадийнахьа гуллама цIагIа чувера Из Даьла йоазонаш деша.
17. Из хьалгIеттар йоазонаш деша. Цунна хьаделар ЯсаI-пайхамара яздаь, хьоарчадаь йоазув. Из хьа а даьста, эша моттиг хьа леха, дIадийшар цо:
18. «Везача Аьлан Са дегца да Са. Дала кьоабалваь Со мискача наха хоза кхаь кхайкабе вайтав, чубохкараш паргIата баха, бIарга са дейначарна сердало хургья ала, Iазапах бараш мукъа баха,
19. Дала Ше наха кьахетам беш йола ха хьакхьачалга дIахайта».
20. Из дийша а ваьнна, йоазув дIа а хьоарчадаь цIагIа чу гIулакх деш волча сагага дIа а денна, Иийса Iохайра. Чухь мел хиннар, ше вар Укханга хьожаш вар.
21. Иийсас аьлар: «Тахан оаш ладувчача юкъя кхоачаш хилар укх тIа яздаь пайхамараша мел яхар».
22. Масса вар Укхо дувчачох цецваьнна Укханга хьожаш вар. Наха шоайла хеттар: «Ювсапа воI веций Из?» – яхаш.
23. ТIаккха Иийсас аьлар: «Оаш аргда оалаш ма-хиллара: „Лор, Iайха хьайна дарба де“. Тхона хезад Капернауме Iа гойта тамашийна хIамаш. Из де деза Iа хьай махка а».
24. «Нийса яхий Аз, – аьлар дIахо Иийсас, – мадарра бакъда ший мехка пайхамар тIаэцаш ца хилар.

25. Бокъала ях шуга: Илез-пайхамара замагIа кхаь шераи ялх беттаи догIа ца делхаш, геттара чIоагIа берригача мехка моцал эттача хана моарош боацаш биса дукха кхалнах бар.
26. ХIаьта цу кхалнаха цхьаннена а Дала тIавайтацар Илез, Сидон-мехка уллувча Соарапте йисача мар воацача цхьаннена мара.
27. Дукха хала цIока доха лазараш долаш нах бар Израиле ЭлашаI-пайхамар волча хана. Бакъда, кхыча къаман цхьа Сирера НаIаман воацачунна дарба данзар цо».
28. Уж дешаш хезача, цу цIагIа мел вар эгIазваха хьальуралийлхар.
29. Цар шахьарера араваьккхар Иийса. Из шахьар тIалатгача лоам йисте хьа а воалаваь чукхосса гIерташ бар уж.
30. Бакъда Иийса цу наха юкьера хьа а ваьнна, ший наькъя тIа дIавахар

Жинаш кхеставеш вола саг

31. Галилай мехкарча Капернаум цIи йолча шахьаре вера Иийса. Дала лаьрхIача шоаттадийнахьа гуллама цIагIа наха хьехам бора Цо.
32. Масса вар а цецваьле, Цо деча къамаьлага ладувхаш хулар, хIана аьлча, шийтайпара низ болаш дар Цун къамаьл.
33. Гуллама цIагIа жино телхавь цхьа саг вар. Иийса бIарга вайча цу саго цIогIа хьакхар:
34. «ХIана гIерт Хьо тха гIулакхашта юкье Назаретера Иийса? Хьо хIана венав укхазе? Тхо хIалакде венавий Хьо? Сона хов Хьо малав-Далла Везар!» – яхаш.
35. Иийсас из саг кхеставеча жинага амар дир: «ДIасаца! Цунна чура арадала!» – аьнна. Цига хиннача наха юкье из саг Iо а теха, цунна чура жин арадалар, цу сага зе а ца деш.
36. Из деррига дейнараш цецбаьлар, лоацабелча санна латтийсар уж. Цар вIаши хеттар: «Из фуд да а? Из ма тамашийна хIама да! Жинаш Цун амарга ла а дийгIе, сага

чура ара мадовлий. Царна тЕхьа доалде низ дІакхоач Цун», – яхаш.

37. Ийсайх дола хабараш дувца даьлар гонахьарча моттигашка.

Ийсас дукха адам тоаду

38. Ийса гуллама цІагІара ара а ваьнна, ШамІа волча цун цІагІа вахар. ШамІий уст-нана чІоагІа йІовхал йолаш яр. Ийсайга дийхар цунна дарба де аьнна.

39. Цу кхалсага тІа а этта, йІовхалга дегІах дІакъаста, аьнна амар дир Цо. ЙІовхал а лазар а дІадаьлар из кхалсаг хьал а гІетта хьаьшашта ноанал де эттар.

40. Сарахьа малх чубузача хана наха цамогаш дола дукха адам доладир Ийсайна тІа. Царна хІаранена кулгаш тІа а дохкаш дарба дир Цо.

41. Дукхача адамех жинаш дІакъоастадир: «Хьо Даьла ВоІ ва», – яхаш цІогІарч деттар жинаша, хІаьта Ийсас царга Ше Дала лаьрхІа вола кьоабалваьр волга царна холга алийтацар.

Ийсас ЯхІуд-мехка хьехамаш ду

42. ШоллагІча дийнахьа, Іуйрийна адам доацача яьссача метте вахар Из. Бакъда, дукха нах из лаха бахар. Из коравачул тЕхьагІа дІа ма гІо яхаш дехардора цар Из соцаве гІерташ.

43. Бакъда Ийсас аьлар: «Даьла Дуненах лаьца хоза кхаь боаржабеш кхьча моттигашка кхача веза Са, хІана аьлча, Со цу балха вайтав».

44. ЯхІуд-мехка а тайп-тайпарча моттигашка гуллама цІеношка хьехамаш дора Цо.

Ийсайна духьалара мурдаш

5 Цкъа Геннисарет яхача Іама йисте латгаш вар Ийса. Дукха адам дар Цунна гонахьа гулденна, Даьлера долча дешашка ладувхар духьа Цунна улув гІерташ.

2. Ийсайна берда йисте латгаш зІамига ши хи кема дайра. Цу чура Іо а баьнна чкъаьрий лувцараш шоай цхаралаш цІендеш бар.

3. ТІаккха цхьан хин кеман чу а ваха, даьга – из вар ШамІа – Ше берда йистера кемаца кІезига дІавига аьлар Цо. Цу кема тІа а хайна наха хьехам бе волавелар Из.

4. Ший къамаьл чакхдаьлча Цо ШамІийга аьлар: «Хий кІоаргагІа долчахьа дІадахийта кема! Цига шоай цхаралаш чутовса хьай новкъосташца!»

5. ШамІас жоп делар: «Сийдола Устаз! Сийсара сахаллалца болх баьб оаха, бакъда хІама-м лаьцяц. Дале а, Іа из аларагІа цхарал хи чу-м тоссаргба аз».

6. Цхаралаш чу а тайса, цар Іалаьмате дукха чІаьрий лийцар, сов дукха уж хиларагІа цхаралаш дохача кхаьчадар.

7. Шоай новкъосташка дІа а кхайка, уж шоашта новкъостала оарцагІа а бийха шинна кема тІа хьалтІадаьхар цар чкъаьрий. Уж сов дукха хиларагІа кемаш дозало хи чу Іочуувзар.

8. Из бІаргадайна ШамІа-Кипас* Ийсай когашка а вежа, дехар дир: «Аьла! ДІагІовалар Хьо сона юхера, кьинош дола саг ва со, аьнна».

9. ХІана аьлча, уж лаьца чкъаьрий бІаргадайна ШамІа а цун новкъостий а чІоагІа цец-амабаьннабар.

10. Иштта, цецбаьнна бар Заьуддина ши воІ Йоакъапи Яхьяи – ШамІий новкъостий. Ийсас аьлар ШамІийга: «Кхера везац хьона! ХІанз денз дІа адамий дегашка фуд ховш хургва хьо».

11. Кемаш берда йисте хьал а даьха, ШамІеи цун новкъостийи шедар цига, дита Ийсайна тЕхьа этта дІабахар.

* 5:8 *Kuna* – из кхартІо ба, иштта цІи енна хиннай Ийсас ШамІийна.

Щека лазар дола саг тоавар

12. Цкъа цхъан шахъаре вар Иийса. Цу шахъаре вар цхъа саг, цѐка лазар дар цун, Иийса шийна вейча, Цунна хьалхашка бартал а вежа дийхар цу саго: «Аьла! Хьайна лейча тоавергвар Ia», – аьнна.

13. Иийсас цунах кулг а Iетта аьлар: «Сона лов хьо тоавалар, цѐнвалар». Цу сахъате цу сага дегI тоаденна дIаэттар.

14. Юха Иийсас аьлар цунга: «Укхох лаьце цхъаннена а хIама ма дувцалахь. Iалама саг волча а гIой, хье цунна бIаргавайта, хье тоаваларах цхъа сагIа даккха, Муса-пайхамара тIадилла хилара тарра из массанена а гургдолаш, тIаккха наха ховргда хьона хьо тоавенналга».

15. Бакъда, Иийсайх лаьца хабараш дувцаш да ди тIехъа дукхагIча наха, Цунна тIа дукха адам доагIар Цунга ладувгIа а дарбаш дайта а.

16. ХIаьта, Иийса ше каст-каста адам доацача дIа а вахе Далла дуIаш деш хулар.

17. Цкъа Иийса наха хьехаш волча хана, царех цхъабараш парушхой оалаш бар, вожаш Iалама нах бар, уж бехкабар Галилаера, ЯхIуд-мехкара, Иерусалимера – массайолча шахъарера, иштта Иийсайца Везача Даьла низ бар, цунца наха дарбаш дора Цо.

18. ДегIа маьженаш лела а ца луш, матта уллаш вола унахо волавеш цхъа нах баьхкар. Из Иийсайна хьалхашка а вилла цунна дарба дайта ловш бар уж.

19. Бакъда, Иийса чуволча цѐн вIалла дIатIакхоачалга дацар, совдукха адам гулдаларагIа, цудухъа шоай унахо а ийца шорттига цѐн тхов тIа хьалтIа а баьнна, массехк тховнах Iочубалара моттиг мукъаяьккха, тховнах гIолла Iочу а кховдаваь, Иийсайна хьалхашка Iувиллар цар из унахо.

20. Иийсайна гуш дар уж шийх мел тешаш ба, тIаккха Цо цу сагага аьлар: «ДоттагIа! Хьона кьиношта гештдаьд».

21. ТIаккха парушхой а Иилманхой а дувцаш бар: «Цу Саго Даьла эгIазкхувл, хIана аьлча, Дала Ше мара наьха кьиношта гешт дергдац», – яхаш.

22. Бакъда, Иийсас цар дагардар-уйла ховш аьлар: «Иштта уйлаш хIана ю оаш?»

23. Фуд аттагIа? Хьа кьиношта гештдаьд оалаш, хьа а гIатте дIагIо хьо лелалуш ва оалачул?

24. ХIаьта Сона лов шоана дIахайта, Адама ВоIа дунен тIа цунна кьинош дита цун кара да», – аьнна, цамогаш волча сагага Цо аьлар: «Аз хьога ях хьалгIатта, хьаэца хье тIаилла хьай мотт, волле цIа гIо!»

25. Цу сахъате цамогаш вар, царна хьалхашка хьал а гIатта, ший мотт а ийца, цIавахар, Далла хоастам а беш.

26. Шемелвар чIоагIа цецваьннавар, Даьлера болча низах дегаш диза цар йоахар: «Вайна тахан дайнар тамашийна хIама да!»

Леви хьакхейкар

27. Цул тIехъагIа ара а ваьнна, хьавоагIаш йоал йоаккхаш вола Леви цIи йола цхъа саг вайра Иийсайна, Леви ше йоал гулъеча моттиге хайна вагIар, тIаккха Иийсас цунга аьлар: «Сона тIехъа хьавола!»

28. Леви деррига Iо а тесса Иийсайна тIехъа дIавахар.

29. Левес ший цIагIа Иийса лаьрхIа доккха той оттадир. Дукха адам дар цига. Йоал йоаккхаш бараш а кхы нах а бар царца дика хьегаш.

30. Парушхоша а Иилманхоша а Иийсай мурдашта раьза боацаш йохар: «Йоал йоаккхаш болчарца а кхыболча кьинош тIадолчарца а цхъана молаш, дуаш хIанад шо?»

31. Царна жоп луш Иийсас аьлар: «Могаш болча наха эшац, цамогача наха эш лор.

32. Даькъала болчарга ала венавац Со, кьинош летачарга леладаьчох дехкедаьле Далла тIадерза ала венав Со».

Марха кхабарах лаьца

33. Парушхоша а Илманхоша а наха юха аьлар Иийсайга: «Яхьйй мурдаш каст-кастта марха кхоабаш, ламаз деш ба, иштта ба парушхой мурдаш а, бакьда хьа мурдаш цу хана хIама юаш а молаш а ба».

34. Иийсас царна жоп делар: «Масала, саг йоалаяь моттиг хилча, из саг йоалаяьчун новкъостий из шоашта юкъе мел вагIа хургбий марха долаш?»

35. ХIаьта ха йоагIаргья саг йоалаяьр царна юкъевоацаш, цу хана кхоабаргда цар марха а».

36. Юха Иийсас царна цхьа хьаькъал долаш дувцар доаладир: «Цхьанне цIенача барцкъах чIегилг йоаккхаргьяц, из цIеначох дIа а хоттаргьяц, хIана аьлча цIена барзкъа а толхадергда цо, е къаьнача барзкъа тилла керда зиг а товш хургдац.

37-38. Цхьанне а доттаргдац керда чхьагIар тишача цIока тIормига чу, хIана аьлча кердача чхьагIаро тиша тIормиг буаргда, тIаккха чхьагIар IогIоргда.

39. Цхьанне а ширадаьнна чхьагIар менначул тIехьагIа кхы кердадар маргдац, хIана аьлча цо аргда: „Ширдаьннар дикагIа да“».

Иийса а Дала лаьрхIа шоатта ди а

6 Цкъа шоатта дийнахьа кIа дIадийнача ара гIолла хьавоагIаш вар Иийса. Цун мурдаш кIина канаш хьа а доахаш, хьекха а деш буртилгаш дуаш бар.

2. Из дайнача цхьаболча парушхоша аьлар: «Из фуд оаш дер? Дала лаьрхIаца шоатта дийнахьа де мегаш мичад из гIулакх».

3. Иийсас царна жоп делар: «Оаш дийша деций Дауда ше а ший новкъостий а мецбалча даьчох лаьца?»

4. Из гIурба деча чаьтар чу а вена, Дала Ше къоабалдаь ялат хьа а ийца диад, шийца хиннача новкъосташта а деннад. Бакьда из ялат Iалама наха мара даа мегаш хиннадац.

5. Адама воI Дала лаьрхIаца шоаттаден а Аьла ва», — белгалдир Иийсас.

Кулга лазар дола саг

6. Кхыча шоатта дийнахьа гуллама цIагIа чу а вена, наха Даьла хьехамаш деш вар Иийса. Цига аьтта кулг докъаденна цхьа саг вар.

7. Парушхой а Илманхой а чIоагIа Иийсайга бIарг локхаш бар, шоатта ди хиларга хьежа доацаш, цо дарба ду е дац хьожаш юха из бехке вар духьа.

8. Иийсайна ховш дар цар дагардар. Цо аьлар кулг докъаденнача сагага: «Хьал а гIатте массанена юкъе дIаотта». Вож хьалхашка ваьнна дIаэттар.

9. ТIаккха Иийсас аьлар Шийна тIехьа хьежаш хиннарашка: «Аз хетт шуга: фу де йиш я Дала лаьрхIаца шоаттадийнахьа: дика е во, сага вахар кIалхардаккха е из хIалакде?»

10. ТIаккха массанена бIара а хьежа, Цо аьлар кулг докъаденнача сагага: «Хьакховдаде хьай кулг!» Вокхо дIакховдадир — из цу сахьате тоадалар.

11. Парушхой а дина Iалама нах а сов эгIаз бахарагIа духьала кхекхаш шоайла къамаьлаш деш бар, Иийсайна фу дергда ца ховш.

Шийтта викал харжар

12. Иштта цхьан дийнахьа Далла дуIа де аьнна лоам тIа ваьлар Иийса. Ерига бийса яьккхар Цо Далла дуIаш деш.

13. ШоллагIа ди хьахилча Цо Ший мурдаш хьа а бийха царна юкъера шийтта харжар. Царех Цо викалаш аьлар. Уж бар:

14. ШамIа, тIехьагIа Иийсас Кипа аьнна цIи тиллар, цун воша Iандар, Йоакьап, Яхья, Филипп, Варфоломей,

15. Матвей, Фома, Алфей — Йоакьапа воI, ШамIа-зелот*,

* 6:15 *Зелотхой* — уж бар Иудейски дина доакьашхой Рим паччахьалкхенна чIоагIа духьала болаш, хIаьта ШамIа а царех хиннав Иийсай мурдашта юкъе валлалца.

16. Иакова воI Иуда, иштта тIехъагIа Иийса векха Искархо яха Иуда.

Иийсас дукхача наха хъехам бар а дарбаш дар а

17. Иийса Ший викалашца лоам тIера кIалвоалаш нийсача моттиге сецар. Цига укхан мурдаш а дукха нах а бар ЯхIуд-мехкара, Иерусалимера, фордан йистерча Цори а Цадане а цIи йолча шахъарашкара.

18. Уж Иийсага ладувгIа а шоашта дарбаш дайта а баъхкабар. Цо иштта харц жинаша кхестабеш болча наха дарбаш дора.

19. ХIаравар Иийсайх кулг тоха гIерташ вар хIана аьлча укхох хъабалача низо царна дарбаш дора.

Къоабал дар а балаш кхайкадар а

20. Ший мурдашка а хъажа Иийсас аьлар: «Ираз долаш да шо, къедараш, хIана аьлча, Даьла Дуне да шуца.

21. Ираз долаш да шо хIанз меца дараш, хIана аьлча, дIахо йодача хана Дала диза хулийтаргда шо. Ираз долаш да шо хIанз делхаш дараш, хIана аьлча, дIахо йодача хана делаш леларгда шо.

22. Ираз долаш шо наха гоама долча хана, цар шо лелхадеча хана, футтардеча хана, шун цIи бIехъе гIертача хана, шо Адама ВоIах тийша а тийша дIаоттарах из хилар бахъан долаш.

23. Из ди хъатIакхъача дог гIоздаккха, хIана аьлча, йоккха йоал хургъя шоана сигаленашкахъ, хьалха пайхамарашца иштта харцо лелаеш вай лакхехъа бувцача наьха дай а хиннаб.

24. Бакъда къа да шун хьалдараш, хIана аьлча, хIанз-м самукъадаьнна вахар да шун.

25. Къа да шун хIанз дизараш, хIана аьлча, дIахо йодача хана меца хургда шо. Къа да шун хIанз долаш дараш, хIана аьлча, дIахо йодача хана шо меца хургда. Къа да шун хIанз делараш, хIана аьлча, тIехъа тIайоагIача хана шун бIаргех хи тIадамаш легаргда.

26. Къа да шун масса наха шох лаьца дика дар дувцаргдолча хана, хIана аьлча, иштта харц-пайхамараш а хестабаьб цу наьха даьша.

Шоай моастагIий беза

27. Шуга Сайга ледкъачарга ях Аз: шоай моастагIий беза, шоаш гоамадарашта дикадар де.

28. Шоашта наIалт кхайкадаьраш Даьлагара беха. Шийна халахетар дечох лаьце дуIаш де.

29. Хъайна цхъан басилгах тIоара тохе, вож басилг къала оттае. Нагахъ санна цхъанне хъайна тIадувха кхоллар Iодаккхар дехе, юхейиса коч а дIале.

30. ХIара дехаш волчунна цо дехар дIале. Нагахъа санна хъай доалахъардар саго дIаййца леладой из юха ма деха.

31. Нахаца уж шоашца хилча дика хетаргдолча бесса хила.

32. Нагахъ санна шо дезаш бараш шоана безаш хуле, из Даьлагара йоал йоагIаш хIама дац, кхыметтел, къинош летарашта а беза шоаш безараш.

33. Нагахъ санна шоашта новкъостал дерашта мара оаш новкъостал ца дой, из Даьлагара йоал йоагIаш хIама дац кхыметтел, къинош летараша а ду из.

34. Нагахъа санна шоашта юхалургдолчунна мара оаш дийхар ца лой, из даьлагара йоал йоагIаш хIама дац кхыметтел, къинош летараша а лу из, къинош летараша тIехъагIа царгара юха хъаэцаргдолаш.

35. Бакъда шоай моастагIий безаш хила, царна новкъостал деш, дийхар луш хила, цар юха дергдолча гIулакхага сатувсаш ма хила. ТIаккха шоана еш йола йоал еза хургъя: шо Веза-Воаккхача Даьла бераш хургда, хIана аьлча, Даьла Ше а къахетаме ва ше даьча дикан хам беча а из ца беча а нахаца.

36. Къахетаме хила, шоай Да къахетаме волча бесса.

37. Цхъанне а кхел ма е, тIаккха Дала шун кхел а ергъяц. Цхъаккха а бехке ма ве, Дала шо а бехке дергдац. КъинтIера довла наха, Дала шоана гештдергда.

38. Шоашка долчоҳ доаҷачунца декъаш хила. Оаш дІалуш баьккха кьоаг тІехбохкийтаргба шоана Дала, юхаметтаоттадергда, шо нахаца камаьрша хуле, Даьла а комаьрша хургва шуца.

39. Іийсас цхьа хьаькъале дувцар доладир царна: бІаргаш дайначунна бІаргаш дайнар дІавугалургвий, уж шаккхе а ор чу вожаргвечиь?

40. Мурд ший аьлал лакхагІа хургвац, дийша ваьлча дІанийслургва из ший устазаца.

41. Хьай веший бІарга чу йоалла нувх хьона хІана гу, хьай бІарга чу боалла хи ца гуш?

42. Мишта аргда Іа цунга: воша хьай бІаргара нувх дІаяккхийта сога, нагахь санна хьона хьай бІаргара хи гуш ца хилча? Ши духьа дувцар! Цкъа хьалхагІа хьай бІаргара нувх дІа а яьккхе, хьай бІарга са тоделча, тІаккха веший бІаргара нувх мишта яккха еза ховргда хьона.

43. Дикача гаьно во сомаш лургбац, воча гаьно дика сомаш а лургбац иштта.

44. Гаьнаш ший сомашка хьежжа йовз. Массанена а хов кьарцхала гаьн тІара сомаш гуллургбоацилга, иштта мара дитта гаьн тІара комсаш а гуллургьяц.

45. Дикача сага дег чура дикадар доагІа, воча сага дег чура водар доагІа. Сага дагардар цун метта йиххье хул.

46. Сох „Аьла! Аьла!“ ма яхий оаш, Аз яхарде раьза хІана дац шо?

47. ХІара Со волча воагІаш вар, Са дешашка ладувхаш вар, уж кхоачашдеш вар — Аз гойтаргва шоана из хьанна тара ва.

48. Из цІа деча сага тара ва. Цу саго кІоаргга аькка а аькка тІой чудийтта лард чІоагІьяй. Хий хьалтІа а даьнна цу цІенна чухийдача, из цІа меттахьа доаккхаденнадац, хІана аьлча лард чІоагІа йолаш лертгІа хьалдаьд из.

49. ХІаьта Сога ла а дийгІа, Аз яхар ца даьр — из лард йоацаш цІа даьчоҳ тара ва, хий хьалтІадаьнна, из чухийдача, из деха даьннад, цунах боккха боарз мара буссаргбац».

ТІемахой хьакима чулатта саг тоавалар

7 Ший нахага ала мелдзар дІааьнначул тІехьагІа Іийса Кьапарнаум яхача шахьаре кхаьчар.

2. Цига цхьа римхой кулгалхо вар вахаш. Цу хьакима дукха везаш вар цунна чулатташ вола саг, из геттара чІоагІа цамогаш а хинна, вала воаллаш уллаш вар.

3. Іийсайх дар шийна хезача, из волча жугтий боккхий нах бахийтар цо дехарца, шийна чулатта саг кІалхар воаккхавалар, аьнна.

4. Боккхий нах Іийса волча а баькка, Цунга геттара чІоагІа деха айттар: «Из хьаким Іа гІо де мегаргволаш саг ва, — аьлар цар.

5. — Цунна деза вай кьам, цо вай гуллама цІаде новкьостал даьд».

6. Іийса царца хьаким вахаш волча вахар. ЦІенна ераш гарга кхаьчача хьакимо ший новкьостий духьал бахийтар Іийсайга дІаала аьнна: «Аьла хьайна хало ма е! Со иштта башха саг вац хьо са тхов кІала валлала.

7. Со се цудухьа лоархІаванзар Хьона духьала ва. Бакьда, Іа цхьа дош аьлча са унахочунна гІойле хургьяр.

8. Со а сай лоІаме вац сона а цхьанне декхар тІадулл. Са кулга кІала а тІемахой ба. Аз цхьаннега дІагІо аьлча из дІавода, вокханга укхаза хьавола аьлча из хьавоагІа. Аз сайна чулаттачунга: „Ер гІулакх де аьлча, цо из ду“».

9. Цу дешашка ла а дийгІа, чІоагІа цецваьннача Іийсас Шийна тІехьа боагІача нахага аьлар: «Аз ях шуга, кхьметтел израилхошта юкье а вайнавац Сона, из саг санна Сай низах тешаш вола саг».

10. БІина кулгалчоҳ бахийта нах цІабаьккача, хьакима чулатта саг тоавенна вайра царна.

Жерал йисача кхалсага воI дийнвалар

11. Цул тЕхьагIа дукха ха ялалехьа Иийса Наин цIи йолча шахьаре вахар. Цун мурдаш а кхы дукха нах а бар Цунца цига.

12. Цу шахьарен коанаIарашка Ер кхаьчача хана, Укхана духьал нах кхийтар. Уж шахьарера венна зIамига саг вахьаш боагIар. Из веннар жерал ягIача кхалсага цаI мара воаца воI вар. Цу кхалсага тЕхьа хьадоагIаш дукха адам дар.

13. Из кхалсаг шийна бIаргаяйча, цунах чоагIа кьахийтар Аьлана. Цо аьлар цунга: «Ма елха!»

14. ТIа а ваха из веннар дIахьош, из тIауллача улгах кулг техар Цо. Веннар вахьаш боагIа нах сайцар. Иийсас аьлар: «КIаьнк, хьога ях Аз: хьагIатта!»

15. Веннар дийн а венна, ура а хайна, йист хилар. Иийсас из наьнага дIавелар.

16. Массавар а йист ца хулаш цец-амагIбаьнна латтийсар, уж Далла хоастамбе айттар. Цьхаболчар йохар: «Сийдола пайхамар венав вайна юкье, – вокхар йохар: Даьла венав ше кьобалдаьча халкьа оарцагIа».

17. Уж кьамаьлаш дар Иийсайна гонахьа берригача ЯхIуд-мехка а цунна гонахьа а дувцаш.

Яхьяс боккхий нах бахийтар

18. Яхьйй мурдаша дийцар цунна Иийсас даьчох лаьца

19. Яхьяс царех шиь хьа а вийха, Аьла волча вахийтар. Цунга хатта: «Хьо вий ва везаш вар, е кхычунга хьежаргда тхо?» – аьнна.

20. Вахийтача шинне Иийса волча а вена аьлар: «Нах хих чакхбоахача Яхьяс дахкийтад тхо Хьога хатта: ВоагIаргва аьннар Хьо ва е кхычунга хьежа деза тхо? – аьнна».

21. Цу хана Иийсас дукха нах тоабир халача лазарах, воча жинех, дукхача бIарга са дайнарашта бIарга са хилийтар Цо.

22. Вайтача шиннега Цо аьлар: «ДIа а гIой, Яхьййна дувца укхаза шоашта дайнар а хезар а. Барга са доацарашта бIарга са лу Аз, астагIа бараш нийса дIалелийт Аз, хала цIека лазараш хиннараш берзабу Аз, кьорачарна хIама хозийт, байнараш дийнболийт, кьечарга Хоза Кхаь кхейкабу.

23. Ираз долаш ва Сох шеквоацар».

24. Яхьяс бахийта нах дIабахача, Иийсас Шийна гонахьарча нахага Яхьййх лаьца дийцар: «Сенга хьажа дахадар шо яьссача ара? Мух хьаккхачахьа уйла йолча сагага хьажа-м дахадацар шо?»

25. ХIаьта сенга хьажа дахадар шо? КIаьда дувхар тIадувхача сагага хьажа-м дахадац шо? Бакьда, таро йолаш деза дувхар тIадувха нах паччахьа гIалашка ба.

26. ХIаьта, хьанга хьажа дахадар шо? Пайхамарга хьажа дахадецарий шо? Юха а ях Аз шуга: Яхья пайхамар хинна а Iац.

27. Цунах яздаьд: „Аз Хьона хьалха Сай саг вайт. Цо Хьона нийса никь булларгба“.

28. Юха а ях Аз шуга: дерригача дунен адамашта юкье Яхьййла лакхагIа саг вац. Бакьда, Даьла Дунен тIа зIамагIчул зIамагIвар а цул лакхагIа хургва».

29. Иийсайга ладувхаш хинна нах, йоал йоаккхаш бараш а тЕхь, Даьла лоIам тIа а ийца, из кьобал а ваь, Яхьййга хих чакхбахийта баьхкар.

30. ХIаьта, парушхой а Iилманхой а Даьла лоIам тIа ца эцаш хих чакх ца боалаш биссар.

31. «Хьанца нийсбе мегаргба цу моча тЕхьен нах, хьанна тара ба уж? – Аьло аьлар.

32. – Аз дувцаргда шоана уж хьанна тара ба. Уж базар тIа ловзаш лелача берашта тара ба, цар шоайла йоах: „Оаха шоана зурма локхар, бакьда шо халха даланзар. Оаха шоана гIайгIане ашараш лекхар шо дийлханзар“.

33. ХIана аьлча, хих нах чакхбоахаш вола Яхья вера, цо кхача а баацар е чоагIар а малацар. Оаш цунах оалар: „Цунна чухь во жин да“.

34. Цул тІехьагІа Адама ВоІ вера. Цо сискал юъ, малар а мол, тІаккха оаш оал Цунах: „Из яара а малара а тІакхувш ва, йоал йоаккхачар а кхыболча кѳинош летарий а доттагІ ва“.

35. ХІаьта, Даьла бакъдар тІаийцачо, ший гІулакхашца из бакъдолга хьагойт».

Ший кѳиношта геит дайта кхалсаг

36. Цъхан парушхочо шеволча шутІа хьийхар Іийса. Іийса из парушхо волча а ваха, цун шунах кхийттар.

37. Цу шахъаре во цІи йоаккхаш цъха кхалсаг яр, дукха кѳинош долаш я из йоахар цар цунах. Іийса парушхо волча хьоашалха ва аьнна хеза цига ера из, кхабалга чу дегІа хьокхаш дола хоза хьаж йоагІа даьтта а дахьаш.

38. Іийсай когашка дІа а аьттта елхаш бІаргашкара хи тІадамаш цун когашка ІотІаухийташ, юха ший мосашца уж бокъабеш. Царна барташ доахаш, цар тІа хоза хьаж йоагІа даьтта хьекхаш йоаллар.

39. Из бІарга дайна, Іийса хьоашалха вийхача парушхочо ший дагахьа уйла йир: «Нагахьа санна, из Саг пайхамар валаре, цунна ха дезаш да из кхалсаг фу саг я а цун малагІа кѳинош да а».

40. Юха Іийсас аьлар цунга: «ШамІа, хьога цъха хІама ала ловра Сона». Вокхо жоп делар: «Алал хьай, Устаз!» – аьнна.

41. Цъхан йоалах ахча телача сага декхарийла волаш хиннав ши саг ЦаІ пхи бІаь дото эппаз, шоллогІавар, шовзткъеи итт эппаз.

42. Бакъда, царга дІадала из ца хилар бахъан долаш шиннена а дитад цо из. Хьанна везаргва из дукхагІа?

43. «ДукхагІа декхар даьлчачоа везаргва-кх», – жоп делар ШамІас. «Іа нийса лаьрхІар», – аьлар Іийсас.

44. ХІаьта, кхалсагагахь дІа а вийрза аьлар Цо ШамІийга: «БІаргагой хьона ер кхалсаг? Со хьа цагІа венавар, Іа сона хий даланзар когаш била. ХІаьта, цо ший бІаргех Іоухача хица била а била ший

45. мосашца бокъабир уж. Іа со вІайха тІаэцанзар, хІаьта из Со укхаза мелав Са когашта барташ доахаш я.

46. Іа са кертах даьтта хьакханзар, цо хоза хьаж йоагІа даьтта хьекхар Са когашта.

47. Аз аргда хьога хІанз: цунна дукха кѳинош дитад, цудухьа иштта боккха ба цун безам. КІезигагІа кѳинош дитачунна кІезигагІа веза».

48. ТІаккха аьлар цунга Іийсас: «Хьона кѳинош дитад».

49. Юхебисача хьаьшашта хийтар: «Малав Из кхыметтел кѳинош а дуташ?»

50. Бакъда, Іийсас кхалсагага аьлар: «Хьо хье тешаш хиларо кІалхарьяккхай хьо, маьрша дІагІо».

Іийсайна тІехьа айтта боагІа кхалнах

8 Цул тІехьагІа, Іийса чакхваьлар шахъарашка а юрташка а Даьлера боагІа Хоза Кхаь кхайкабеш. Цунна мугІахьа вар Цунна улув Цо хьехам луш хинна шийтта викал.

2. Кхы а Цо жинех а лазарех а паргІата баьха массехк кхалнах а: Шийна чура ворхІ жин дІадаьнна йола, Магдалина аьнна цІи дІаяхийта йола Марем а,

3. ХІарона цІенна кулгалдеш волча Хьозай цІен нана Янна а, Шуша а иштта дукха кхыбараш а. Цу кхалнах шоашка долча рузкъах дакъа луш гІо дора Іийсайна.

Ахархочох лаьца дувцар

4. Іийса волча тайп-пайпарча шахъарашкара дукха нах баькхар. Цо царна цъха хьаькъале дувцар дийцар:

5. «Цъха ахархо ший кхай тІа фу тасса вахар. Цо ший болх дІаболабича цъадола фу наькъа йисте Іолийгар, цудухьа уж когашта кІал а дахар, цул совгІа хьазилгаша а диар.

6. Кхыдола буртилгаш кхертІой дадача Іолийгар. Цар зІиргаш гучадаьлча уж докъаделар хий ца тоьарах.

7. Кхыдараш кІарцхалашта юкъе нийсдаларагІа уж цар кІал дихьа хьатІа ца доалаш дисар.

8. Кхыдараш дикача лаьтта нийсделар. ХьалтIа а даьнна, дIадийначул бIазза дукхагIа ялат делар цар». Из дувцар чакх а даьккха, Иийсас чIоагIа аьлар: «Хозаш мелволчунна дIахозийла ер».

Дувцачун маIан довзийтар

9. Цун мурдаша хьаттар Цунга, фу маIан долаш да из дувцар аьнна.

10. Иийсас аьлар: «Шун таро я Даьла Дунен кьайленаш шоашта йовза, хIаьта кхычарна Аз уж иштта долча дувцарашца йовзийт. ХIаьта, царна бIаргагушшехь а уж гац, хозашшехь а кхетац.

11. Ишта, маIан долаш да из дувцар: буртилг Даьла дош да.

12. Наькьа йисте даьда буртилгаш уж Даьла дош хезарашта тара ба, бакьда хьаденача шайтIас цар дег чура из дош дIахьу, уж Даьлах тийша а тийша тIех ца бовлийтар духьа.

13. ХIаьта, кхартIош тIа лийгараш – уж Даьла дош хезача, гIадбаха тIаэцарашта тара ба, бакьда овла бац цар, цудухьа цхьайолча хана уж теш, цар тешам мелаб ха йола ха хьэттача уж юхабовл.

14. КIарцхалашта Iолийгараш тара да Даьла дош хезача рузкьах дизача вахара уйлаш даим чуйоссарашта, цудухьа цар зIиргаш хьа тIа цадоалаш дус.

15. Хьаьта, дикача лаьтта нийсденна фу – уж ба Даьла дош шоай цIенача дег чу лоаттадераш, цар сатем хиларах ялат а хьатIадаьлар.

Лакха айяь йоага цIи

16. Цхьанне а ше сега цIи е менге кIал а оттаергьяц е цу тIа горшок а йогIаргьяц, из чувоагIачоа гургIолаш лакха айергья.

17. Кьайле цхьаннена а ца ховш юсаргьяц. Цхьаккха лочкьадаьр а гуча ца доалаш дусаргдац.

18. Аз дувцача Даьла дешашка оашош ладувхара уйла елаш. ХIана аьлча, долчунна кхы а лургда, хIаьта доацаш волчунгара шийга да мотташ дар а хьадоаккхаргда».

Иийсай нана а вежарий а

19. Иийса волча гучабовла Цун нанеи вежарийи баьхкар. Бакьда, Цунна гонахьа дукха адам хиларца тIакхача таро хиланзар цар.

20. Цхьанне цунга аьлар: «Хьа нанеи, вежарийи ба ара Хьох бIарг тоха ловш».

21. Иийсас жоп делар: «Са нанеи вежарийи уж ба Даьла дешага ла а дувхаш из кхоачашдеш бараш».

Иийсас хи тIа баьнна мух соцабу

22. Цхьан дийнахьа Ший мурдашца хина кема тIа а хайна Цо аьлар: «Iамал дехьарча берда тIа даргда вай». Уж хи тIа гIолла боккхача Iама берда йисте дIабахар.

23. Уж боагIача хан хина кема чу Иийсайна наб кхийтар. Хи тIа чIоагIа мух а баьнна хина талгIех кема хьалдизар. Уж кхерамеча хьале бар.

24. Мурдаша сомаваьккхар Иийса: «Устаз! Устаз! Вай хIалак хулаш мадоагIий!» Цо хьала а гIетте мух а талгIеш а дешаца совцайир. Гонахьа сатем эттар.

25. ТIаккха Цо царга хьаттар: «Мичад шун тешар?» Кхерабенна цецбаьнна шоайла хетташ бар уж: «Малав из? Цо хина а миша а доал ду, цу мишо а талгIеша а Цунга ладувгI».

Жинаша кхеставеш вола саг тоавар

26. Уж Галилайна духьаларча берда тIа уллача ГIарас – областе баьхкар.

27. Иийса берда тIа ваьлча, Цунна духьала шахьарера жинаш кхеставеш вола цхьа саг вера. Из дукхача хана денз тIа хIама а цаювхаш, цIагIа а ца вахаш, байна нах бадача хьагIар чу Iеш вар.

28. Ийса бIарга вайча Цунна хьалхашка вежар из. Саго мухь тега аьлар: «Фу эш Хьона согара Ийса, Везача Воаккхача Даьла ВоI, аз дех Хьогара ма кхеставе со».

29. Жино дукхача хана денз кхеставеш вар из зIанарашца дIавийка лоравича а уж хоададий жино яхардеш, цхьа адам доацача яьссача метте дIаводар из. Ийсас хоам бир жинага, цу сага чура арадала аьнна.

30. Ийсас кхы а хаьттар цунга: «Мала яхаш ва хьо?» Цо аьлар: «Эзар», хIана аьлча дукха жинаш дар цунна чуденна.

31. Цу жинаша дехар дир Ийсайга, шоаш лаьтта кIал ма кховса аьнна.

32. Цига лоам тIа яжаш дукха хьакхарч яр. Жинаша дийхар Ийсайга шоаш царна чудалийта аьнна. Цо царна пурам делар.

33. Жинаш сага чура ара а даьнна хьакхарчашта чудессар. Лакхача берда тIара хи чу а лилха Iам чу йихеяхар хьакхарч.

34. Iунаша из шоашта дайначул тIехьагIа удаш дIа а баха, шахьарашка, юрташка дIакхайкадир.

35. Хиннар фуд хардухьа адамаш даьхкар Ийса волча. Ийсайна тIа – баьхкача царна вайра шийна чура жинаш арадаьнна саг. ТIа хIама йийха а волаш, хьаькьал чухь волаш, Ийсай когашкахь Iеш вар из. Хьабаьхкараш чIоагIа цецбаьлар.

36. Хиннар дайначар дийцар царна жинаш толхаваь саг мишта тоавир.

37. Цу ГIаьсарча-областерча массаболча бахархоша, шоаш чIоагIа кхерабенна хиларца дехар дир Ийсайга, шоаш бита а бита дIагIовалар Хьо аьнна. Из кема тIа а хайна юхавийрзар.

38. Цо жинаш шийна чура дIалехкача саго дехардир Ийсайга ше а вайтвалар Iа Хьайца аьнна. ХIаьта, из шийца вайтанзар Ийсас.

39. «ЦIа а гIой хье Дала кхетам чу воалаварах дувца Iа», – аьлар. Цу саго дIа а ваха шахьаре бахача нахага шийна Ийсас даьча дарбах дийцар.

Яира йоI а цамогаш йола кхалсаг а

40. Ийса Галилае юхавеча, адамо Из дегаш гIоздаьнна тIаийцар, шоаш цунга хьежаш хиларагIа тарра.

41. Гуллама цIагIа кулгалхо вола Яир вера цунна тIа. Гора а вежа дийхар цо: «Ший цIен тIавоагIавалар Хьо», – аьнна.

42. ХIана аьлча цун мара йоаца, цаI шийтта шера енна ялайоал лаш уллар. Ийса дIаводаш цунна гонахьа дукха адам дар. Из халла мара чакх цавоалалуш.

43. Цу хана наха юкье цхьа кхалсаг яр, шийтта шера цIий ца соцаш бала озаш, лорашта ший деррига ахча дехка цар яь гIойле а йоацаш.

44. ТIехьашка гIолла тIа а ена, Ийсай барцкьех кулг техар цо. Цу сахьате цун Iоуха цIий соцадир.

45. «Мала вар сох кулг техар?» – аьнна хаьттар Ийсас. Цхьанне а дарий данзар Петрас аьлар: «Устаз! Нах ма бий хьона гонахьа, цар Хьо дIатетт, иштта Iоттаденнад ХьохI кулг а».

46. ХIаьта Ийсас аьлар: «Сох цхьанне кулг Iетгар, хIана аьлча Сона хоаделар Айса саг тоаваь».

47. Кхалсаг ше гучаяьнналга хайна гарре эгаеш тIа а ена Ийсайна хьалхашка Iоежар. Массавар а волаш дийцар цо ше Ийсайх кулг хIана техад а цу сахьате ше тоаенналга а.

48. ТIаккха Ийсас аьлар цунга: «Кхалсаг, хьа тешаро тоайир хьо. ДIагIо паргIатта».

49. Ийса кьамаьл даь а валалехьа гуллама цIен кулгалхочун цIагIара тIа а вена цхьан саго аьлар: «Хьа йоI еннай. Аьлана хало е эшац».

50. ХIаьта, Ийсас из кьамаьл хеза аьлар Яирага: «Кхера ма кхера, хIаьта теша, тIаккха хьа йоI дийнлургья хьона».

51. Яирай цIагIа а вена Цо цхьаннена а шийца йиIиг цIагIа йслча чувала пурам даланзар, Петраи, Яхьайнеи, Якьапаи йиIий даьнеи наннеи мара.

52. Цига енначох белхаш бар берригаш а шоашта хьалдетташ. Бакъда, Иийсас аьлар: «Маделха из еннаяц шоана, тхайса улл из!»

53. Уж цунах бела айттар хІана аьлча царна ховра из енналга.

54. ХІаьта Иийсас цун кулг хьа а льяца мухь техар: «ЙиИиг хьалГатта!»

55. ЙоІа чу саделар, из цу сахьате хьалГеттар. Иийсас цунна яа хІама ле аьлар.

56. Даи нанеи чІоаГІа цецдаьннадар. Иийсас аьлар царга хиннар цхьаннега а ма дувца.

Шийтта викал вахийтар

9 Ший шийтта викал хьа а вийха, Иийсас царна низ а бокъо а елар адамашта чура деррига жинаш дІадаха а цамогаш барех нах тоабе а аьнна.

2. Цо бахийтар уж Даьла Дуненах дар кхайкаде а адамашта дарба де а.

3. «Шоаш новкъа довлаш шоашца е Іаса, е тІормиг, е яа хІама е, ахча ма эца, хувца барцкъа ма эца», – аьлар Цо царга.

4. «Шоаш дІакхьача цІаГІа Іе, цу шахьарера арадовлалца.

5. Нагахьа санна, цхьаннахьа а шоаш тІа ца эце, шоай когаш тІара хІамаш тІехь егае, цу шахьарера арадовлаш дом хьалатаргбоацаш. Шо тІа ца ийцача наха из кхоачам болаш хургда».

6. Иийсай мурдаш дІабахар юрташкара юрташка а болхаш, Хоза кхаь кхайкабеш массаболча наха дарбаш деш лелар уж.

ХІарон веа хьайзар

7. Иийсас а Цун мурдаша а дечох льяца хабар мехка дьлаГІа доал кхоачаш волча ХІарона хезар. Из сабарах веа хьайзар, хІана аьлча, цхьаболчар йоахар Иийсайх венначара Яхьа дийнвеннав.

8. Вокхар Илез-пайхамар дийнвеннав йоахар, кхоалаГІчар-дІаяхача заман чу хиннача пайхамарех ца дийнвеннав йоахар.

9. ХІарона ше-шийга хеттар: «Яхьй аз корта баккха ма аьннадарий, тІаккха из саг малав теш, цунах льяца уж хІамаш наха дувца?» Цо аьттув лехар Иийса вовза.

Пхи эзар саг вузавар

10. Викалаша, юха а баьхка, дийцар Иийсайна шоаш даьчох льяца. Уж а ийца царца цхьана хилардухьа, Бет-Сайда цІи йолча шахьара юхевахар Иийса, нах боацача моттиге.

11. ХІаьта, из мичахьа ва а хайна, дукха адам дера Цунна тІехьа, Иийсас уж тІаийцар. Цо Даьла Дуненах льяца а дийцар иштта цамогарашта дарбаш а дир.

12. Ди сайрангахьа лестача Иийсай шийтта викало тІа а вена аьлар Цунга: «Адам дІадахийта деза. Лоалахарча юрташка отарашка баха, шоашта бувша моттиг а яа хІама а лохаргья цар. Вай дола моттиг, цхьаккха а цІа доацаш, яьсса я», – аьлар.

13. ТІаккха Иийсас аьлар царга: «Оаш бузабергба уж». Мурдаш цецбаьлар: «Вайга пхи маькхи ши чкъаьреи мара мичаб. ДІадаха царна яа хІама эц оаха?» – аьнна.

14. Цига гулбенна хиннараш кхалнахи бераши доацаш пхи эзар гаргга маІа нах бар. ХІаьта Иийсас аьлар Ший мурдашка: «Уж бийкъа а бийкъе, шовзткъа итт-итт саг волча тоабашка Юховшабе».

15. Цун мурдаш Цо аьннача бесса Юхайшар.

16. Шийга хинна пхи чІаьпалги ши чкъаьреи хьа а ийца, сигал хьал хьежа из кхача къоабалбеш дуІа дир Иийсас. ТІаккха маькх а чкъаьрий а дІакховдадир ший мурдашка наха дІадекъа аьнна.

17. ХІама дІа баьнна дисар хьагулдаьчул тІехьаГІа шийтта яьшка хьал йизар дааро.

Иийсайх лаьца дийцар

18. Цкъа нах боацача моттиге дуІаш деш Из воаллача хана, Шийна уллув хиннача мурдашка Цо хаьттар: «Со малав аьнна хет-хьогІ наха?»

19. Цар жоп делар: «Цхьаболчар Хьо нах хих чакхбоахаш вола Яхья ва йоах, вокхар Хьо Илез-пайхамар ва йоах, кхоалагІчар бІаь шерашка хьалха дийнвенна пайхамар ва йоах».

20. «Тіаккха шоана фу хет?» – аьнна хаьттар Иийсас. Кипас жоп делар: «Хьо Дала лаьрхІа везваь вайта Кьоабалваьр ва-кх», – аьнна.

21. Цо царна тіадиллар из цхьаннена ма хайта, аьнна.

22. Цо аьлар Адама ВиИий дукха Іазап, халонаш ла езаргья, из тіаэцаргвац боккхагІчар а дина керте латтараша а Іилманхоша а. Из вувргва, хІаьта кхоалагІча дийнахья Дала Из дийнвергва.

Иийсай мурдий декхар

23. Тіаккха Иийсас аьлар массарга а: «Сона тіехья ва ловш вар, шийх дог а дилла, Іазапа а Іоажала а кийча волаш, ший кхел шийца яхья раьза волаш хила веза хІара денна.

24. Нагахья санна, ший са кІалхар даккхара сагата волчо из доадергда, тіаккха Са духья са дІаденначо из кІалхар доаккхаргда.

25. Фу пайда ба сага деррига дуне цун хилар, цо ше хІалаквича, шийна зе дича?

26. Со а Са дешаш а бахьан долаш наха хьалхашка эхь хеташ волчих Адама ВоІа а эхь хетаргда, Ший сий лакхдергда, Даь а Даьла малейкех а.

27. Мадарра ях аз шуга, укхаза латташ бола цхьабараш Даьла Дуне голлца лергбац».

Иийса хувцавалар

28. Из къамаьл хинна бархІ е ийс ди даьнначул тіехьягІа Шийца Кипа а, Яхья а, Йоакъап а волаш, Иийса дуІа де лоам тіа хьалваьлар.

29. ДуІа деча хана цун юхь цІаьхха хувцаелар, тіадувхар чІоагІа кІайделар, тіа біарг ца социлуш.

30. Цунна юххе дІаэттар нур лепаш ши саг. Уж ши саг Мусаи Илези вар.

31. Цу шинне а Иийсайга къамаьл дир. Цар дийцар Иийсайна Иерусалиме дунен тіара дІаваха везарах лаьца.

32. Кипа а цун новкъостий а чІоагІа наб кхийтта бар. Сомабалча царна дайра Иийсай а Цунна улув лаьтгача шин сага а нур лепаш.

33. Уж ши саг дІаваха этгача Кипас аьлар: «Устаз! Ма дика да вай укхаза! Кхо чаьтар де вай Хьонеи, Мусайнеи, Илезаи?» Цунна шийна а хацар ше фу дувц.

34. Кипа къамаьл даь а валалехья, царна гонахья сийрда морх эттар. Иийсай кхо мурд кхеравелар, цу морха чухьнахья нийсбелча.

35. Морха юкьера оаз хезар: «Аз харжа, Сона дукха веза, Са ВоІ ва Из. Цунга ладувхалаш!»

36. Оаз дІатийча царна Иийса ше латташ вайра. Мурдаша шоашта дайнар къайла дихьар, цу хана цхьаннега а ца дувцаш.

Жинаш кхеставеш вола саг

37. ШоллагІча дийнахья уж лоам тіера чубаьхкар, Иийсайна духьал ера адамий йоккха тоаба.

38. Наха юкьера цхьанне чІоагІа цІогІа техар: «Устаз! Дех Хьога, хьяжа са кІаьнкага! Из са цаІ мара вац!»

39. Каст-кастта цунна чудолча жинаша кхеставу из. КІаьнк цІогІа а хьекхе, вехкавале лаьтта кхет, багах чопаш араух. Иштта, цунна низ бе безам боацаш мара дІадалац из жин.

40. Аз Хъа мурдашкара а дийхадар из жин эккхаде аьнна, бакъда царна хІама де маганзар».

41. Ийсас аьлар: «Маьржа яІ, тувладенна, харц никъ хъаййца адамаш! Мел хургва-хьогІ Со шоана юкъе? Мел ла деза теш Са шо? Хъавоалаве хъай къаьнк!»

42. Къаьнк хъатІа воагІача хана Јотох лазар а дайте. Хъаьта, Ийсас жинага арадала аьнна амар а дий, кІаьнк тоаваь даьга дІавелар.

43. Массавар а Даьла боккхача низах чІоагІа цецваьнна вар. Ийсас дечох дерригнех а цецбаьнна латтийсар уж цу юкъа Цо ший мурлашка аьлар:

44. «Дикка ладувхалаш, диц ма делаш Аз шоашка яхар: Адама ВоІ наьха кара гІоргва».

45. ХІаьта, мурдаш кхийттанзар Цо яхачох. Цу дешай маІан царех лочкъадаьдар. Ийсайга фуд аьнна хатта уж лоархІабанцар.

Малав керттеравар?

46. Мурдаша къовсам баьккхар, шоашта юкъе керттера вар малав аьнна.

47. Ийсас цар дагар ха а ховш, бер хъа а ийца, Шийна юххе дІа а оттадаь,

48. аьлар: «Са духъа ер бер тІаийцачо Со тІаэцаргва. Со тІаийцачо, Со Вайтар а тІаэцаргва. Цудухъа шоана юкъе эггара кІезига вар а эггара керттера вар а ва».

Шоана духъалвоацар шугахъа ва

49. ТІаккха Яхъяс аьлар Ийсайга: «Устаз! Тхона цхъа саг вайнав Хъа цІерах наха чура харц жинаш дІадоахаш. Из соцаве гІертадар тхо, хІана аьлча из тхо санна Хьона тІехъа этта воацандаь».

50. Ийсас жоп делар: «Из санна вар соца ма ве! ХІана аьлча, шоана духъала воацар шугахъа ва!»

Ийса а Шамрана-мехкара юрт а

51. Ше сигала хъальэца веза ха тІакхаьчача Ийсас чІоагІо йир Иерусалиме ваха.

52. Цо Ший хуллаш хъалха бахийтар цхъан шамронхой юрта, Шийна эшачунна кийчо яйтардухъа.

53. Бакъда, цу юртарча наха Ийса тІа ийцанзар, хІана аьлча, гуш дар Из Иерусалиме водаш, тІаккха шамранхоштей жугташтей юкъе башха бувзам бацар.

54. Из болх кхетабеча Цун мурдаша Йоакъапа, Яхъяс аьлар: «Аьла! Хьона лой, оаха сиглара цІи лаьтта йоссаергъя, ер нах хІалакбайтаргба».

55. ХІаьта, Ийсас юхавийрза царна из де бокъо яланзар.

56. ТІаккха Ийса а Цун мурдаш а кхыча юрта бахар.

Ийсайна тІехъаоттар

57. Уж новкъа гІолла боагІача хана, цхъан саго аьлар Ийсайга: «Хьона тІехъа воагІаргва со, Хьо миччахъа воде а».

58. «Цогалий а оалхазарий а чуІе бІенаш да, бакъда Адамлен ВоІа корта оагІорабаккха моттиг яц», – аьнна, жоп делар цунна Ийсас.

59. Кхыча сагага Цо аьлар: «Сона тІехъа хъавелла!» ХІаьта цу саго дийхар: «Аьла! Пурам да сона цкъа цІа а ваха, сай венна да дІаволла».

60. «Байнараш байначарна бита, хІаьта Іа Даьла Дунен чура дар кхайкаде», – аьлар цунга Ийсас.

61. Кхы цхъан саго аьлар Цунга: «Аьла! Со Хьоца воагІаргвар, пурам да сона цкъа цІагІар барашца Іадика ювца».

62. Ийсас жоп делар цунна: «Нохара ткъам хъа а лаьца, юха хьожаш вар Даьла Дунен чу хилара пайдане вац».

Иийсас кховзткъеи итт мурд дІахъожавар

10 Цул тІехъаІа Иийсас ший мурдашта юкьера кхы а кховзткъеи итта саг харжар. Шийна хьалха шишша цхъана Ше ваха везача шахъарашка, масса йолча моттигашка дІахъожабир Цо уж.

2. Цо аьлар царга, новкъа боахаш: «Хъажал, мел дукха адам кийча да хургдолча дунен тара дар тІаэца. Уж, кхедаь латта ялат санна ба, хІаьта из ялат чуэца болхлой тоьац. Ялат долча Даьга деха из чуэца кхы а болхлой бахкийта аьле.

3. ДІадоле! Бертий орданга юкье Іаьхарий санна, дІадохийт Аз шо.

4. Шоашца е ахча даа – мала е хувцаш кога тІа ювха хІама хьа ма эца, новкъа моаршал хоатташ е цхъаннеца совца а ма совца.

5. Шоаш чудаьннаца цІагІа цкъа хьалхагІа ала: „Машар хилба укх фусаме!“

6. Нагахь санна, цу чу Іеш вола фусам да машар безаш саг вале, оаш кховдабаь машар цо дІаэцаргба, нагахь веце – шун машар юха хьабоагІаргба.

7. Цу цІагІа Іе хьаденнар дуа а дуаш мола а молаш, хІана аьлча болхлочунна баьча балхах йоал йоагІа. Цу юртара шоаш арадовлалца фусамаш ма хувца.

8. Шоаш тІаийцача моллагІча шахъаре шоашта еннар яа,

9. цамогаш бола нах тоабе, Даьла Дуне гарга кхоачаш латт аьле хоам бе нахага.

10. Шоаш тІа ца ийцача шахъаре гІолла дІа кхайкаде:

11. „Шун гІалий тІа тхоай маьчаш тІа билла дома а кхыметтел шоана юха бегабу оаха. ХІаьта ховш хилалаш укх гІалий тІара бахархой: Даьла Дуне шоана гарга кхаьчад“.

12. Аз ях шуга: къематдийнахьа Седам-шахъарерча наха аттагІа хургда шо тІа ца ийцача нахачул.

13. Даькъаза я хьо, Кьероз шахъар! Даькъаза я хьо Бет-Сайда шахъар!* Нагахьа Цори, Цадане, шо долча хинна тамашийна хІамаш хиннадаларе, цигара нах тхьоврре а дехке баьнна, цудухьа тІолхаш тІа а йийха Іовкъарал шоай корта билла хургбар.

14. Цудухьа къематдийнахьа Цорерча а Цаданерча а наха шойла аттагІа хургда.

15. ТІаккха хьо, Къапарнам, хьо езьяь сигала йоаккхаргья моттий хьона? Йоаккхаргьяц жожагІата цІерал кхоссаргья».

16. ТІаккха Ший мурдашка Иийсас аьлар: «Шуга ладувхачо Сога ладувгІ, шо тІацаэчачо, Со тІаэцац. ТІаккха Со тІа цаэчачо Со Вайтар а тІаэцац».

Кховзткъеи итт мурд юха верзар

17. Иийсас вахийта кховзткъеи итт мурд юхавера, самукъадаьнна, воаккхийвеш. «Аьла, – йоахар цар, – жинаша а оаха яхар ду, Хьа бокъон цІерах оаха амар дича».

18. Иийсас аьлар: «Из бакьда Сона бІаргадайра ди тохаш санна сиглара иблис чудежа.

19. Аз шоана низ беннаб кхерам боацаш лехьашта, гизгашта, иблисах хьамел даьнначоа когаш тІатеха тІагІолла дІадаха, шоама цхъанна а хІамо зе дергац.

20. ХІаьта жинаша оашош яхар деш хиларах доккхал ма де, шоай цІераш Дала сигал дІаязъярах даккхий де оаш».

Иийса воаккхийвер

21. Цу хана Даьла Сино хозахетарах кер бузабаьча Иийсас аьлар: «Аз хоастам бу Хьа, Са Да, сигален а лаьттан а Аьла, берригача хьаькъал долаш а дийша а хиннача нахах

* 10:13 Уж ши шахъар Галилай Іама юххе яьда нийсьеш хиннай Цораца Цаданеца. Цори, Цадане баха нах цІена никь ца лелабеча, бІехача сий дайнача нахаш лоархІаш хиннаб.

лочкъадаъ хиннар, кегий бераш санна болча эсала наха
Ia гучадаккхарах. Иштта ба-кх Хъа дика лоIам!»

22. Tаккха Ший мурдашка Цо аьлар: «Деррига а Сай
Дас хьаденнад Сона. Цхьаннена а хац ВоI малав, Даьна
мара, цхьаннена а хац Да малав ВоIа мара, е ВоIа из
хейта ловрашта мара».

23. Юха мурдашкахъа дIа а вийрза царга аьлар Цо:
«Ираз долаш нах да шо, хIана аьлча, шоай бIаргашца ер
деррига гу шоана.

24. Ях Аз шуга: дукха пайхамараш а паччахъаш а ловш
бар ер шоана дайнар го а шоана хезар хаза а, бакъда
царна да а дайнадац е хаза а хезадац».

Къахетаме шамранхо

25. Юха хьалха а ваьнна цхьан Илманхочо хьаьттар Iийсайга
цунах фу доал хьожаш: «Устаз, цIаккха а хадаргдоаца
Даьла волчара вахар сай хилийта фу да деза аз?»

26. «Товрата тIа фу яздаьд? – духъала хьаьттар Iийсас. –
Iа мишта кхетаду из?»

27. Вокхо жоп делар: «Даггара, сица хъай дерригача
хъаькъалца берригача хъай низаца веза Аьла, хъай
Даьла. Хъайна уллурвар а веза хье санна».

28. «Нийса жоп далар Iа, – аьлар цунга Iийсас, –
иштта да а де Iа, тIаккха хьо лергвоацаш ваха кхеллав
хьона Даьла дунен тIа».

29. ХIаьта Илманхочо бехказа валар духъа хьаьттар:
«Tаккха малав сона улурвар, мала везаргва сона?»

30. Цунна жоп луш Iийсас дийцар: «Цхъа саг хиннав
Иерусалимера Ерихан шахъаре хъавоагIаш. Новкъа зуламхой
тIабеттабеннаб цунна. Наькъа воагIачунна тIера хIамаш
Io а яьха, цунна валлала чIоагIа етта а йийтта, из Iокхессача
вита а вита, дIабахабар уж.

31. Tаккха цу новкъа хъавоагIаш хиннав цхъа дина
да. Из новкъа улла саг а вайна, наькъал дехъа оагIора а
ваьнна тIехваьнна дIавахав.

32. Из иштта дайнад Леви цIи йолча тайпан Даьла
цIагIа болх беш волча сага, наькъал дехъа а ваьнна,
дIавахав из а.

33. Юха лозаваь саг уллача кхаьчар араваьнна лелаш
вола шамранхо. Из саг бIарга а вайна, цу наькъахочох
къахийтар цунна.

34. Цо тIа а ваха даьттаца а чхьагIарца а цунна човнаш
йила а йила, дIайихкар. Юха ший лозаваьр вира тIа а
хоаваь, гостинице хъа а воалаваь, цунга хьожаш хилар.

35. ШоллагIча дийнахъа ше дIаводаш, гостиница фусам
даьна ши дото эппаз а денна, цо аьлар: „Укханга хьожаш
хила, нагахъ санна Iа ахча дукхагIа дIадохийте, хуле
юхавеча кхы а дIатIалургда аз“.

36. Малав хьона хетачогIа кIалвиссачоа уллурвар?»

37. Илманхочо жоп делар: «Цунах къахсийттар ва-кх».
Iийсас тIаккха аьлар цунга: «ДIа а гIой иштта де Iа а».

Марта а Марем а йолча хьоашалгIа

38. Шоай новкъа гIолла боагIаш, цхьан юрта кхаьчар
Iийса а цун мурдаш а. Цига Марта цIи йолча кхалсаго
тIаййцар уж ший фусаме.

39. Цу кхалсага Марем цIи йолаш йиша яр. Марем
Аьлан когашкахъ а хайна Цунга ладувхаш яр.

40. ХIаьта, Марем дукха яа хIама кийчье гIерташ удаш
лелар. Tаена Iийсайга аьлар цо: «Аьла! Укх са йишийна
раьза вий Хьо? Ер болх беррига сона тIа а бита ма ягIий
из? Сона новкъостал де ала цунга?!»

41. «Марта, – аьлар Iийсас, – хьо дерригане бала
болаш я,

42. хIаьта оаш де дезар цаI мара дац. Марема дикагIдар
хержад из цунгара цхьанне а доаккхаргдац».

ДуIа де Iомадар

11 Цкъа Iийса Ше кхаьчача моттиге дуIа деш вар. Из
дуIа даь ваьлча мурдех цхьанне дийхар: «Аьла! Тхо
а Iомаде, Яхъяс ший мурдашта ма Iомадаьдий».

2. Ийсас аьлар царга: «Оашош ду!а деча хана иштта ала: „Тха Сийдола Да! Хьа цИи сийлахь хайла! Сигаленашка санна лавташка а Хьа оарц, Хьа низ боссалба.

3. Х!ара дийнахьа напаг!а далахь тхона

4. Тха кьиношта гешт делахь, тхоашта декхарийла болчарна оаха гешт ма-дарра. Хьарам х!амах ма хьокхадалийталахь тхо“».

5. Юха Ийсас аьлар царга: «Масала, шун цхьанне доттаг!а ва. Бийсана юкье из волча а даха оаш цунга ях: „Доттаг!а! Юхалург кхо маькх я тхона,

6. са новкьост наькьа воаг!аш со волча сецав, цунна хьалхашка дахьа ялат дац сога“.

7. Вокхо чура хьаара кхайкаш ала тарлу: „Вита со, са ни! д!акьайлай со а бераш а дийша дада. Са хьа а г!етта хьона маькх яла йиш яц“.

8. Аз ях шуга, нагахь шун доттаг!ал лаьрх!а цо шоана маькх ца лой, оаш юха а ца довлаш, юха а юха а из йийхача цо хьал г!етта, шоана из лургья.

9. Цудухьа Аз ях шуга: дехаш хила – шоана лургда, лохаш хила шоана корадергда, на!арах х!ама тоха, из шоана хьаеллалургья.

10. Х!ама дийхачун да, лехачунна кораду, ни! техачунна, из хьаеллалу.

11. Малаг!ча дас лургба ший во!а шийгара маькх йийхача цун меттел кхера? Нагахьа цо чкьаьра бехе, цун меттел б!ехал?

12. Нагахьа цо фуаш дехе, цун меттел дохьаж тоха гизг?

13. Цу тайпара нагахь шо ц!ена дегаш долаш дече а дика г!улакхаш де ховш хилча шоай берашта, т!аккха тешам болаш Сий долча Дас Ший Деца Са лургда дехачунна».

Ийса а Бай!ал-зебулла а

14. Цкьа чудесса сага мотт соцабеш хинна жин эькхадир Цо; из арадаьккхача мотт ца лувш хиннар, из лебе волавелар, нах цецбаьлар.

15. Царех цхьабараша йоахар: «Харц жиний аьлас – Ба!ал-зебулас низ беннаб Цунна уж лелхаде».

16. Т!аккха вокхар Ийсайх фу доал зийначул т!ехьаг!а дехардир сигалара цхьа белгало яйта тхона аьнна.

17. Цо царна дагардар фуд а ховш аьлар царга: «Моллаг!а йола бартбоаца паччахьакхе йохаргья, барт боаца дезал х!алак хургба.

18. Нагахьа иблис шийна гонахьарчарца барта дече цун паччахьалкхе латгаргий? Аз из шуга ях, Ба!ал-зебулай низаца Аз жинаш д!адоах яхаш оаш кхейкадендаь.

19. Нагахь Аз Бай!ал-зебулай низаца жинаш лелхадой, шун наха хьан низаца лелхаду уж? Цар шоаш аргда шо бакьдоацилга!

20. Аз Даьла низаца лелхаду жинаш. Х!аьта из Даьлера Дуне шоана кхьача хилара белгало я.

21. Нагахь ший ц!а лорадеш вола саг дег!а онда а герзах виза а вале, цун доалахьа дар д!адахьара кхерам бац.

22. Бакьда цул ондаг!вар т!а а кхийтта, из эшавой, фусам-даьгара цо иштта тешабеш хинна герз хьа а доаккхаргда, боахам д!ахьоргба.

23. Соца воацар Сона духьала ва. Соца уж гул ца беш вар уж д!а – юха бекьаболийташ ва».

Харц жин юхадахар

24. «Адаман чура ара даьле харц жин хий доацача яьссача метте г!олла шийна фусам лохаш а лийле, из кора ца йича, цо ши-шийца оал: „Юха а дена сай ц!аг!а чуг!оргда со“.

25. Юха деча цунна цу ц!аг!а нув хьакха, из ц!ендаь хул.

26. Т!аккха цо дахе шийла вог!а дола кхы а ворх! жин доаладу. Уж цу адаман чухь дах. Х!аьта сага хьалха хинначул а ч!оаг!аг!а во хул».

Бакъдола ираз

27. Ийса къамаъл деш воаллаш наха юкърча цъхан кхалсаго цIогIа техар: «Даъкъала я Хьо керахь лелаваъ, Хьона накха хьекха кхалсаг».

28. ХIаьта Ийсас аьлар: «Кхы а чIоагIагIа даъкъала ба Даьла дешага ладувгIаш, из кхоачашдеш бараш».

Тамашийна болх гойта аьнна дехар

29. Дукха адам дар Ийсайна гонахьа гулденна тIателаш. Из дувца волавелар: «Телха я хIанзара тIехье. Цо йоах тамашийна белгало гойта, бакъда царна цъхаккха а белгало хургъяц, Ювназ – пайхамаро гойта белгало йоацар.

30. Нунав-шахьарерча бахархошта Ювназ-пайхамар санна, хIанзарча тIехьенна Адама ВоI белгало хинна дIаоттаргва.

31. Къулбахьарча кхалсаго-паччахьо къематдийнахьа цу ноахалца дийн а венна, укх тIехьен нах бехке бергба, хIана аьлча, из цъхан дунен миIингера ера Сулейма-паччахьага хьабкъалерча дешашка ладувгIа. ХIаьта укхаза шуцара вар Сулейма паччахьал везагIа ва.

32. Нунавара бахархой Дала кхелъеча дийнахьа гIовтвргба хIанзара нах бехке бе, хIана аьлча уж дехке баьннабар шоаш леладаьчох Ювназ-пайхамара кхайкам баьчул тIехьагIа. ХIаьта укхаза шуцаравар Ювназ-пайхамарал везагIа ва».

ДегIа сердало

33. «КIерам ше хьалсагача цъханне а оттабац къайлагIча, е кхы йола хIама тIаегIа из оттабу бIаргагургболча, хIана аьлча хьачувоалачоа сердало еза.

34. ДегIа сердало я бIаргий сердал. Нагахьа бIаргаш цIена хуле, деррига дегI а цIена хургда. Нагахьа санна бIаргаш кхаьла дале, дегI баьде хургда.

35. Паккха хьажалахь хьай дегIацара сердалонах боадо ца хилийта.

36. Нагахьа хьай дегI сердалох диза дале, цун цъхаккхе маьже боадонах еце, Хьо лотабаъ кIерам санна сердало луш хургва».

Ийсас парушхошта а Илманхошта а духьал къамаъл ду

37. Ийса къамаъл даъ ваьлча цъхан парушхочо ше волча хIама яа чувийхар. ЦIагIа чу а ваьнна хIама яа волавелар Иийса.

38. Парушхо цецваьлар Цо Iадатах доагIача бесса хIама яалехь кулгаш ца диларах.

39. ХIаьта, Ийсас парушхочунга аьлар: «Оаш, парушхоша тIагIолла кад, Iаг буле, а чура цIаьрмата а Даьла вицвенна а да шо.

40. Iовдала дараш, тIерадар кхеллачо кхелладац чурадар а?

41. СагIийна хIама луш хила шоашка долчо, тIаккха хургда деррига а цIена.

42. Къа да шун парушхой! Оаш шоай доалахь долчо кхыметтел шоай коарча баьца тIара италагIа дакъа а Даьла цIагIа дIалац. ХIаьта, шоана бицбеннаб Даьлера безам а Цун нийсхо а. Шо из шаккхе а де дезаш дар.

43. Къа да шун парушхой! Гуллама цIагIа магIадаьнна дагIа лов шоана, базара майдан тIа массане а шоашка моаршал хаттар лов шоана.

44. Къа да шун! Боарзаш шаьрденнача кашамашта тара да шо, уж кашамаш дий ца ховш цу тIа гIолла когаш тIабетташ лел нах».

45. Цъхан Илманхочо аьлар: «Устаз! Цу дешашца тхона а халахетар ду Iа!»

46. Ийсас жоп делар: «Шун а да къа, Илманхой! ДIа ца бохьалу мухь наха тIабулл оаш, хIаьта оашош пIелг-пIелга а тохац.

47. Къа да шун шоай пайхамарашта деза кашамаш ду оаш, бакъда уж боабараш шун дай ба.

48. ХІаьта из шоана хов, дале а шо раьза да шоай даьша леладечунна, хІана аьлча цар боабабь пайхамараш, оаш царна кашамаш ду.

49. Цудухьа Хьабькьал долча Дала аьннад: „Аз уж болча пайхамараш а викалаш а бохийтаргба, хІаьта цар цхьабараш боабаргба, вожаш мехках боахаргба“.

50. Укх тІехьара дуне кхеллача хана денз Јодаха масса волча пайхамарий цІий хьадехалда укх ноахалгара,

51. ХІабуллагара саҒа доаккхача моттигаи Даьла Ценнеи юкье вийнача Закречунга кхаччалца белгала Аз ях шуга, оаш жоп лургда цу дерригнех а.

52. Кьа да шун Иилманхой! Хьабькьалга бода никь байзар шоана, бакьда цунна тІехьа шоаш а даланзар шо е цхьабараш а бахийтанзар оаш».

53. Иийса дІавахар. Цул тІехьаҒа Іалама нах а парушхой а тайп-тайпарча хаттарашца шоаш кІорда бойташ тІехьабьлар Цунна,

54. моллагІча деша тІехьа лаьца а из лаца Ғерташ, цул тІехьаҒа бехке вергволаш.

Ши духьа дувцарех лоралелаш

12 Цу хана эзараш адамаш гулделар шоайла чІоаҒа тІатеҒаш. Иийса цкьа хьалха ший мурдашка кьамаьл де волавелар: «Парушхой тийша болх совбаларах, цар шидухьа дувцарах лоралелаш, е царна тара шоаш а ма хилалаш.

2. Цхьабь цаІ хІама дац кьайлагІа ховргдоацаш, цхьабь цаІ лочкьадаь хІама дац гучадаргдоацаш.

3. Оаш боадонгахьа аьннар сердалонгахьа хозаргда. Оаш цаҒа аьннар, лерге даха шорттига тховнаш тІера кхайкадергда.

Хьаных кхера веза

4. Аз ях шуга, Са доттаҒий, саҒ ве низ болчих ма кхера, дегІ хІалакдаларал совҒа цунна кхы хІама дулалургдац.

5. Аз аргда шуга хьаных кхера веза: шо кхера деза, саҒ венначул тІехьаҒа из жожаҒатен цІерал кхосса низ болчих. Белгала ях шуга, Цунах кхера!

6. Пхе хьазилгах ши шай мара доаккхаргдий? ХІаьта Далла царех цхьаккха а дицденнадац.

7. ХІаьта, шун керта тІара масса бола чо дагарбаь ба. Цудухьа шо ма кхера! Массадолча хьазилгел дезаҒа да шо!»

Адамий ВоІ наха хьалхашка кьоабалвар

8. Кхы дІахо Иийсас йоахар: «Аз ях шуга! Со наха хьалхашка кьоабалвеш вар, Адама ВоІа Даьла малейкашта хьалхашка кьоабалвергва.

9. ХІаьта, наха хьалхашка Сох цаІ дІакьасте Со а малейкашта хьалхашка цунах кьастаргва.

10. Адама ВоІа духьала дош аьнначоа а гешт дергда, хІаьта Даьла Синах водар ала хьежачоа мегийтаргдац.

11. Нагахьа санна, шоаш гуллама цаҒа хьакима е Іаьдала, болхлочоа духьала оттаде доаладой сагот ма делаш, фу ала деза хьогІ яхаш.

12. Даьла Сино цу хана аладезар Јомадергда шоана».

Сонтача хьалдолча сагах дола дувцар

13. Наха юкьера цхьанне Иийсайга аьлар: «Устаз! Са вешийга тха даьх дисар соца декьа оалдалара Іа!»

14. «Јадувхалахь, — аьлар цунга Иийсас, — Со хьан викал ваьв шоана юкьерадар декьа а из кьоастаде а?»

15. Цул тІехьаҒа Цо массанега а аьлар: «Хьажалаш, тІех дукха рузкьа хилара тІехьа ма довлалаш, хІана аьлча сага вахар цунга дукха рузкьа дар аьнна цунах тийша дац».

16. Иийсас чІсаҒа цхьа дувцар дийцар царна: «Цхьан вІаьхийча сага дІадийна ялат хьийкьа хиннад.

17. Фу дича бакьахьа дар-хьогІ яха уйлаш еш хиннав из. — Мича хьоргба иззала хьувкьам.

18. Тпаккха цо аьннад: „Аз фу дергда аьлча: ер киркаш дIа а яьха йоккхий яраш хьалъергья, деррига ялат цига дIахьоргда, сай мел дола рузкъа а хьагулдергда,

19. тIаккха аз сайга аргда: хIанз хьога шортта рузкъа да, из тоъаргда дукхача шерашка. СалаIа, даа, мала, хьай вахарах хьалвиза!“

20. ХIаьта Дала цунга аьннад: „Ювдала саг! Тахан хьа са эца боагIаргба. Хьанна дусаргда Iа мел Юадаьр?“

21. Иштта хургда хIаранена, Далла ца гулдеш шийна рузкъа мел гулдерашта».

22. ХIаьта, Ший мурдашка Иийсас аьннад: «Цудухьа ях Аз шуга: шо сагота ма хила, шоашта яа хIама езаргьяр аьнна, е тIадувха барзкъа дезаргдар аьле.

23. ХIана аьлча сага вахар цу барзкъал е дуача хIамал лоархIамегIа да.

24. Хьажал къайгашка: хIама дIа а ювц цар е чу а эцац цар, е доа бац цар е киркаш яц цар, бакъда Дала кхоаб уж. Шо цу оалхазарел дуккха дезагIа да!

25. Мелла чIоагIа тохаваларагIа малагIчун вIаштIехь даргда ший вахар бIарг цIацIкъам тоххала а дIаьхде!

26. Нагахь санна шоай иззал кIезига хIама а вIаштIехь доалаш ца хилча, сенна ю оаш доаккхагIчун уйла?

27. Хьажал мишта хьахул зизаш е къа а хьегац е тха оалхаш а дац. Бакъда, аз ях шуга, ший мел йоккха таро яле а, Сулейма-паччахьа царех цхьаккха миссел кийчвеннавац.

28. Нагахь санна, тахан йолаш йола, хIаьта кхоана пишка чу тессача доагарголаш зизаш, баьцовгIаш Дала иштта хоза кийчъеш хилча, шо Даьлах кIезиг тешараш мел дукхагIа кечдергда мотт шоана?

29. Цудухьа даа, мала дар аьнна тоха ма ле, из дацар аьнна сагот ма де.

30. Даьлах ца тешаш дунен тIа мел болча наха уйла ю цун. ХIаьта, оаш из де йиш яц, хIана аьлча, шун Даьна хов шоана фу эш.

31. Эггара хьалха Даьла Дунен тIа бода никъ лаха беза, кхы тIа эшар Дала шоана лургда.

32. Ма кхера Са уматах дола Iула хьисапера кIезига нах, Даьла лоIам ба шоана Дуне дала.

33. Шоай рузкъа дIа а доккаш, мискачарна сагIа ле. Леладеш тишлургдоаца бохчаш кийчде шоашта. кхоачалургдоаца рузкъа сигаленашкахь лаха: цига цунна тIа къу а кхоачаргвац, е из нецаша а дуаргдац, хIаьта

34. шун хозле йолча шун дог а хургда.

Тхьовсанза бола Iуй

35. Юкъ а йихке, шоай кIерамаш лотабий масса хана кийча хила.

36. Саг йоагIачара шоай фусам да цIаварга хьежа, Фусам дас цIа а вена, ниI техача, цунна из цу сахьате хьаелла кийча хургбола нах санна хила.

37. Ираз долаш ба фусам дай цIакхьача тхьайса ца баьда Iуй. Бакъдар ях шуга: цо ший тIера хIама Ю а яьккха уж шийна гонахьа Ю а ховшабаь царна гIулакх дергда.

38. Ираз долаш хургба уж нагахь санна фусам да цIакхьача мичча хана мара из цаварагIа ах бийса яьлча дале а кхы тIехьагIа дале а, уж тхьайса баьдабеце.

39. Халаш, нагахь санна фусам даьна моллагIча хана ший цIагIа къу чуваргвий ховре, цо из юха тохаргвар.

40. Шо а хила кийча, хIана аьлча Адама ВоI шоана дагадоацача хана юхавоагIаргва».

41. Тпаккха Кипас хььттар: «Аьла! Из тхона, Хьа мурдашта доагIаш да е массанена лаьрхIа дувцаш да Хьа?»

42. Аьло жоп делар: «Хьаькъал долаш а мутIахьа а вола лай малав цIагIа, из фусам дас кхыча Iушта тIахьажа оттавой, царна шоай ханнахьа кхача луш вар из вий?

43. Ираз долаш ва из шийна тIадилла гIулакх деш из волча хана цунна фусам да тIакхоаче.

44. Бакъдар ях шуга, фусам дас из ший берригача боахама тIехьа хьажа оттавергва.

45. ХІаьта, нагахь санна лай шийна ловчча бесса ший доалахьарча наха етташ, царга гІелал яхьаш хуле, са фусам да-м цІа маца воагІаргва хац яхаш дуаш молаш

46. лелача хана цунна вІалла дагадоацаш фусам да цІаваоге, цо из таІазар а даь дІахецаргва тешам байна саг хиларагІа тарра.

47. Ший фусам да лоархІар цун лоІам бавзар, бакьда из кхоачашбе ца хьожар дукха йитта вусаргва.

48. Нагахь санна, чулоаттавеча Іуно шийна ха а ца ховш, етта езаш хІама дой, цунна дола таІазар кІезигагІа хургда. Дала Ше дукхагІа денначунгара дукхагІа хьадехаргда, дукхагІа тийша дитачунгара дукхагІа бехктокхаме оттавар дехаргда.

Иийса а декьадалар а

49. Укх лаьтта цІи йоссае ловш венав Со, из сихагІа лотаялар дезаш ва Со!

50. ХІаьта балийна фордах чакхвала везаш ва Со, из хиллалца сатем бац Са!

51. Шоана мотта хургда, Со укх дунен чу машар бахьаш венав? А! – Аз ях шуга – Декьадалар дахьаш венав!

52. ХІанз денз дІа иштта хургда: нагахь санна, цІагІа пхи саг вале кхоь шиннена духьала, шиь кхаьннена духьала хургва.

53. Да воІа духьала хургва, воІ даьна духьала хургва, нана йоІа духьала хургья, йоІ нанна духьала хургья, маьрнанна несийна духьала хургья, нус маьрнанна духьала хургья».

Заман белгалонаш кьоастаяр

54. Юха Иийсас йоахар нахага: «Малх боалехьа морхаш яйча, догІа доагІаргда оал оаш, из иштта хула а хул.

55. ХІаьта кьулбехьара мух хьокхе, йІовхал оттаргья оал оаш, из иштта хула а хул.

56. Ши духьа дувцараш! Сигален а лаьттан а белгалонаш хов шоана, хІаьта укх заман белгалонаш кьоастае хІана хац шоана?

Шоай довхочунца та

57. Хила дезачун уйла хІана яц оаш оашош?

58. Шоай довхочунца кхеле долхаш, новкьа цунца барта даха хІана хьажац шо, хІана аьлча цо шо кхелахочунна тІадооладергда, кхелахочо шо набахтен тІавиллачунга дІалургда, цо шо набахта чудохкаргда.

59. Белгала ях шуга, шоай тІеххьара дар дІаделча мара цигара арадаргдац шо».

*Дехке а дайле, Далла гІулакх де хьажа,
шоашта хІалак хила ца лой*

13 Цу хана цхьа наха Иийсайна тІа а баьхка, дийцар Даьла коа боабьаца Галилаерча нахах. Пулата амарах, сагІа доаккхача юкьа уж боабьа хиларах.

2. Шийна тІехьабьакачарга Иийсас аьлар: «Иштта байна уж нах кхьча галилаенал кьинош совдвлаш бар-м моттац шоана?

3. Иштта дац из, бакьда – шуга ях Аз, – нагахь санна, леладаьчох дехке а даьнна, шо Далла гІулакх дара тІа ца дерзе, уж санна хІалакхургда шо а.

4. Е шоана-м хета тарлу Шилона вІов тІаежа, венна воалла барайтта саг Иерусалиме бахача кхьча нахал дукхагІа бехке ба, аьнна?

5. Иштта дац из, бакьда – Аз ях шуга, – леладаьчох дехке а даьнна Далла гІулакх дара шо тІа ца дерзе шо а уж санна хІалакхургда».

6. Цхьа хьаькьал дола хІама дийцар царна Иийсас: «Цхьан сага комсий беша сомий га хиннай. Цкьа цох сомаш латабий хьажа веча уж корабаьбац цунна.

7. ТІаккха комсах лелаеча ший болхлочунга аьннац цо: „КхоолагІа шу да со укх гаьнага хьежа, бакьда, сомаш латац укх тІа. Хоодаий дІаяккха из, цо зехьа моттиг дІалувцаргїоацаш“.

8. Болхлочо цунна жоп деннад: „Аьла, кхи а цхьан шера йита ер. Аз гонахье аьхка а аьхка, кхо а тесса болх бергбар.

9. Мегад, хьатІадоагІача шера сомаш лата мег укх тІа? Нагахь санна ца лате, га дІайоаккхаргъя Іа“».

Шоатта дийнахьа кхалсаг ерзаяр

10. Цхьан шоаттадийнахьа наха гуллама цІагІа хьехам беш вар Іийса.

11. Букара йийрза букъ хьал ца нийслуш йола цхьа кхалсаг яр цу чу, барайтта шера жиний лазар долаш.

12. Из бІаргаяйча, шийна хьатІа а йийха, Іийсас цунга аьлар: «Кхалсаг! Хьо хьай лазарах мукъаяьлар».

13. Кхалсага тІагІолла кулгаш лаьцар Цо. Вож цу сахьате хьалнийсьенна дІаэттар, Далла хоастам а беш.

14. Из деррига бІарга дайнача гуллама цІен хьакимо, Дала дездаь дайтача шоаттадийнахьа Іийсас даьча дарбана раьза воацаш, чубехкача нахага аьлар: «Ялх ди да кхыча гІулакхашта. Цу деношка дувла шоашта дарба дайта, дала дездаь дайтача шоаттадийнахьа ца а доагІаш».

15. Цо аьнначоа жоп луш Аьлас цунга аьлар: «Ши духьа дувцараш! Шоай сиргІа е вир хьа а даьста, Дала дездаь дайтача шоаттадийнахьа хий молде дигаций оаш?

16. Барайтта шера иблисо йийхка лаьтта ИбрахІим-пайхамара тІехьенах йола ер кхалсаг лазарах хьа а яьста, Дала дездаь дайтача шоаттадийнахьа Іазапах мукъаяла хІана мегац?» – аьнна.

17. Цо из аьлча, эхь хийтар Цунна духьала хиннача наха. Чухь мал хиннар хозахетар хинна вар Іийсайна уж тамашийна гІулакхаш карагІдовларах.

18. Цул тІехьагІа хьаттар Іийсас: «Сенца диста мегаргда Даьла Дуне?»

19. Из саго ший беша дІадийнача зІамигача гих тара да. Цу гих, хьа тІадаьлча, йоаккха га хул, кхыметтел сигаларча оалхазараша цун ткьовронаш тІа бІенаш дехка а».

20. Кхы цІаькхаз а хьаттар Іийсас: «Кхы сенца диста мегаргда Даьла Дуне».

21. Из морза тІадама тара да, кхалсаго бод хьокхабеш дуккхача хьоарах техад из. Морз хьоараца дІаийнад, бод оаркхув дизза хьалсейсаб».

Готта никъ

22. Шахьарашка, юрташка гІолла чакхвулаш, Иерусалиме водаш вар Іийса. Наькъа водаш наха хьехам бора Цо.

23. Цкъа цхьанне хьаттар Цунга: «Иштта, кІезига ба хьогІ кьалхара бувлараш?» Іийсас аьлар:

24. «Готтача наІарех чакхдовла хьажа, хІана аьлча Аз ях шуга, чакхбовла гІертачарех дукхагІа бараш чакхбовлалургда».

25. Шо арахьа дусаргда фусам дас ниІ дІакъайлача. Цу наІарах хІама етташ, оаш дехардергда, хьаелла тхона яхаш, бакъда цо аргда: „Сона шо довза а довзац, шо мичара даьккад а хац“.

26. ТІаккха аргда оаш: „Хьоца йиа дар тхо, хьоца менна а дар тхо, Іа тха улицаш тІа хьехамаш даьдар тхона“.

27. Бакъда, Цо аргда: „Аз ях шуга, Сона шо довза а довзац, шо мичара даьккад а хац. ДІадовла Сона юхера, харц нах!“

28. Даьла Дуне тІа а ийца уллув болчарна юкъе ИбрахІим а, Исхьакх а, Йоакъап а, иштта беррига пайхамараш а бІаргабайчае, оаш махьарч деттаргда, цергаш хьекхоргъя, хІаьта шо цу меттера лохкаргда.

29. Малхбоалера, малхбузера, гІинбухера, кьулбехьара баьккача наха Даьла Дуне тІаийца, Далла уллув болчарна юкъе хиннача тойне шоай моттигаш дІалувцаргъя.

30. Уж моргаш ба, укхаз а тІехьа хинна цхьабараш, цига хьалхарча мугІаре хургболаш, иштта цхьабола хьалхарча мугІаре хиннараш тІехьа хургба».

Иерусалимах кьахетар

31. Цу дийнахьа цхьаболча парушхоша тІа а баькка Іийсайга дийцар: «Аравала, дІагІо укхазара, ХІарон хьо ве гІерташ ва».

32. Цо царга аьлар: «По а гюй ала цу аькхага: Аз жинаш лелхадергда, наха дарбаш дергда тахан а кхоана а хІаьта кхоалагІча дийнахьа Сай болх йисте боаккхаргба Аз.

33. Бакьдар аьлча, фуннагІа хуле а, Со тахан а кхоана а ломма а наькьа ваха везаш ва, хІана аьлча пайхамара Иерусалима арахьа валар хила йиш йолаш дац.

34. Иерусалим, Иерусалим, хьайна бахкийта пайхамараш боабер, хьайна Дала бейтача пайхамарашта кхерий деттар. Дукхаза уйла хиннай Са хьа бераш, оалхазаро ший кІоригаш санна, сай ткьам кІала хьагулде, бакхда шоана, Иерусалима наха ланзар из!

35. Шун цІа даьсса дусаргда. Ях шуга: Со кхы гургвац шоана, цхьа ха а ена оаш „Даькьала ву Везача Аьлан цІерагІа воагІаш вар“ аллалца».

Цюка кІала хий этта саг тоавар

14 Цхьан шоаттадийнахьа цхьа лоархІаш вола парушхо волча хьоашалха вена хІама яа йийзар Иийсай. Вожаш Из зувш хиннаб махулла.

2. Цига Цунна духьала вена хиннав лазар дола саг,

3. тІаккха Иийсас хьаттад Иилманхошка а парушхошка а шоаттадийнахьа дарба де мегий аьнна.

4. Вожаш йист хиланзар, Иийсас кулг хьекха верзаваь дІавахийтар унахо.

5. ТІаккха царга хьаттар: нагахь шун цхьанне воІ е уст гІув чу бежача цу чура сихха хьалдаха хьожаргдечий шо шоаттади дар аьнна доацаш.

6. Укханга ала хІама доацаш бисар уж.

7. ХьоашалгІа баьхкачар хьалхара моттигаш дІалувцаш дайча цунна доагІаш кьамаьл дир Иийсас:

8. «Нагахь санна, хье хьоалчагІа вийха вале, магІа баьрчче Ю ма ха, хІана аьлча хьол бехкхех вола саг хьийха хила тарлу цига.

9. Хьо вийхачо тІа а вена хьога аргдоацаш: „Меттиг ле цунна“, тІакха наха хьалхашка юхь Іаьрж этта, эггара тІехьарча метте Юха везаргва хьа.

10. Бакьда, хье кхайка венавале, хьавеча тІехьарча метте Юхалахь, хьога кхайкачо хьатІа а вена аргдолаш: „ДоттагІа, магІа вала“, тІаккха хьайца багІачарна хьалхашка сий долаш хургва хьо,

11. хІана аьлча, ше лакхве гІертар лохвергва, ше лохве гІертар лакхвергва».

12. Ше хьоашалха вийхачунга аьннад Иийсас: «Марта е пхьор Іайха деча хана, хьай доттагІий, вежарий, гаргара нах, бІаьхий лоалахой ма бежа, хІана аьлча цар торо я хьо чувеха, шоашта даь дика юха де а.

13. Бакьда, Іайха шу оттадеча хана хьабеха кьебараш, мискаш, астагІабараш, бІаргашдайнараш.

14. Даькьала хургва хьо, хІана аьлча, цар из деррига хьона юхадала таро хурьяц. ХІаьта, Даьлах тешаш бола нах малха боалача дийнахь из деррига Дала юхалургда хьона».

ХьоалчагІах лаьца хьаькьале дувцар

15. Из хезача, Цунна уллув хиннача цхьанне аьлар: «Иразе ва Даьла Дуне тІаийцар!»

16. Цо цунга аьлар: «Цхьан саго дика шу оттадаь дукха хьаьший хьабийхаб.

17. ХІама яа ха хьатІаэттача ший лай вахийтав цо хьаьший хьабеха: „Деррига кийча да ала“, – аьнна.

18. Цхьа барт бича санна, берригаш бехказа бувла болабеннаб. Хьалхарчо аьннад: „Аз лаьтта ийцад ваха цунга хьажа везаш ва со, бехк ма баккхалахь“.

19. Цхьаькхане аьннад: „Аз итт уст ийцаб, цар дукь мишта леладу хьажа веза са, дехар ду хьога, бехк ма баккхалахь“.

20. КхооалагІчо аьннад: „Аз саг йооалаяьй цудухь ва йиш яц са“.

21. Юхавенача цун лаьво из долчча бесса дІадийцад фусамдаьга. ТІаккха эгІазвахача цо аьннад ший лаьга: „Воле, сиха шахьаре массанахьа гІолла дІа а вахе

хъбаолабе къебараш, мискаш, астагIа бараш, бIаргаш дайнараш“.

22. Шийга аьннар даьчул тIехьагIа, лаьво аьннад: „Фусамда! Iа аьннар KHOачашдаьд аз, кхы а моттиг йисай“.

23. Фусамдас аьннад лаьга: „Наькъ тIа а ваьле юрта такилг, карт мел йолча чакхваьле хъабахка безалга дIакхетабе хъайна мел вейнар са цIа диза хургдолаш.

24. Ях Аз шуга: хьийха хиннарех цхьанне са шунах мотт тохаргбац“».

Иийсай мурд хилара мах

25. Иийсайца йоккха тоаба йоагIар. Юха а виьрза, аьлар Цо царга:

26. «Хъа а вена Са мурд хила ловчоа, ше, ший да, нана, бераш, йижарий, вежарий, кхыметтел ший вахар а цадезаш хила веза.

27. Ший дог дилла, Сона тIехъа ца воагIар Са мурд хила йиш йолаш вац.

28. Масала, шох цаI вIов хьалъе ловш ва, Iо а хайна лоархIаргдещий цо из хьалъяра ший дIагIоргдар, ахча тоьаргдий гIишло чакхьяккхара?

29. Нагахь санна, из иштта ца хуле, лард дIаеллача вуссаргва из, кхы дIахо балхаш де ца могош. Цунна бIара хъежаш шеварг веларгва,

30. яхаргда: „Ер саг вIов хьалйотта волавеннавар, бакъда, йисте яккха ца а могош висар“.

31. Иштта, паччахьаца тIом бе водача паччахьа, цкъа Iо а хайна уйла е езаргья, могоргдий хьогI сона итт эзар сагах латгача бIуца ткьо эзар бIухочох латгача кхича паччахьа эскарал котвала, аьнна.

32. Нагахь санна, лоархIавергвеще ший викалаш бохийтаргба цо машар бе аьнна, моастагIа гарга кхачалехъа.

33. Цунна тарра, шох цхьаннех Са мурд хургвац, шоай доалахь мел долчох шо ца къасте.

34. Тух дика хIама я. Бакъда, цун дирал йой сенца метта оттаергья из?

35. ТIаккха цхьанна хIамана пайдана дац из, кхыметтел лаьттах тоха а, дIакхосс из! Хозаш мел волчоа дIахозилда».

Бейнача устагIах лаьца хъаькъале дувцар

15 Иийсайга ладувгIа дукха боагIар йоал гулъераш, кхыбола къинош дола нах.

2. Парушхоша а Иилманхоша а раьза боацаш йохар: «Укх саго къинош даь нах тIаийбарал совгIа, царца Iо а хай хIама юь!»

3. ТIаккха Иийсас ер кица доладир царна:

4. «Шох цхьанне бIаь устагIа ба, хIаьта царех цаI байнаб цун. Юхе биса безткъе ткъеста бажа ара а бита, из цаI лаха гIоргвещий из, ший бейна устагIа хъакорабалца?

5. Корабаьчул тIехьагIа, гIад а ваха из балмаш тIа а билла чувеча,

6. лоалахой а доттагIий а хъа а бийха аргда: „ГIадгIо соца: сона сай байна хинна устагIа корабаьб!“

7. Цунна тарра сигала дуккха йоаккхагIа гIозал хургья къинош дола цхъа саг дехке ваьлча, дехке бовла ца безача наькъ тIа ба мотгача везткъеи ткъеста сагал.

Дейнача ахчах лаьца хъаькъале дувцар

8. Е хъаэцаргья итт дото сомах цхъа сом додаь кхалсаг. Лампа хьал а сага цагIа нув хьекхаргбещий цо из корадаллаца?

9. Корадича нешаш а лоалахой а хъа а бийха аргда: „Соца са дегагIозле екъа, корадаьд сона додаь хинна сом“.

10. Сох тешалаш, иштта дега гIозле я Даьла малейкашта дехке ваьннача къинош долаш хиннача сагах».

Вейнача кIаьнках лаьца хъаькъале дувцар

11. ДIахо Иийсас дийцар: «Цхьан даь ши воI хиннав,

12. зIамагIчо даьга аьннад: „Вай боахамах сона доагIаш дола дакъа хъада“. Дас къонгашта доагIаш дола доакъош дIаденнад.

13. Массехк ди даьлча зIамагIвар, шедар дехка а дехка, ахча ийца гаьнарча мехка дIавахав. Цу метте сакъердаш, пайда боацаш ха дIайихъай цо, шийга мел хиннар дехкад.

14. Шийга мел хиннар цо дехкачул тIехъагIа, цу мехка моцал эттай, таро йоацаш висав из.

15. ТIаккха цу мехкарча цхъан сага чуэттав из. Вокхо хъакхарч йоажае вахийтав из.

16. Хъакхарча дуаш дола зIиргаш даа а кийча хиннав из, кхыметтел уж а луш хиннадац цунна.

17. ТIаккха шийна тIакхаьчачун уйла яь аьннад цо: „Ма дукха лай ба-кх са даьна чулатташ, биззалца йиача а хIама юхе юс царна. ХIаьта, со укхаза моцала вала воал.

18. Да волча юха а ваха аргда аз: ‘Далла а хьона а хьалхашка бехке ва со.

19. ХIанз хьа воI ва яха йиш яц са. Хъай лайх цаI ве сох“.

20. Из а аьнна сихха даьна дIатIавахар из. Даьна гуча хана гаьнна вар из, къахийтар даьна воIах. Дас ведда тIа а ваха, фоартах Iооллавенна, барт баьккхаб воIа.

21. ВоIо даьга аьннад: „Са да, Даллеи хьонеи хьалхашка бехке ва со. Кхи хьа воI ва аьнна ала йиш йолаш вац со“.

22. Бакъда, дас лаьшка аьннад: „Жи дикагIа дола дувхар хьа а дай тIадувха укханна, пIелгах гIоз болла, (Хьалхарча ханашка фусамдас ше чIоагIагIа лоархIача сага пIелгах боллаш хиннаб гIоз) когаш тIа маьчаш ювха.

23. Iотехе вай тоаденнача Iасилга урс хъакха. Той дергда вай.

24. Са воI ма вий ер: венна ма вариь ер, хIанз дийнвеннав, вейначар кораваьв“. Цул тIехъагIа той оттадаьд цар.

25. ХIаьта, воаккхагIа вола воI цу хана кхай тIа хиннав. ЦIаваогIаш цIенна гарга веча халхардеш а мукъам а хезаб цунна.

26. Хьа тIа а вийха, цхъан лаьга хьаьттад цо: „Фуд укхаза хиннар“, – аьнна.

27. Вокхо жоп деннад: „Хьа воша цIенах кхийттав, хьа дас толашагIа бола вай уст бийнаб из могош маьрша цIаварах“.

28. ВоккхагIа вола воша сов эгIаз ваха цIагIа дIачу цаводаш Ийनाव. ТIаккха араваьнна да дехарде эттав.

29. „Даьга, – аьннад воIо, – аз массехк шера болх баьб хьона, лаьво санна, цкъаь – цкъа Iа аьннар цадеш Ийнавац со. Iа сона кхиметтел газа бIийг а йийнаяц, сай новкъосташца аз сакъердаргдолаш.

30. ХIаьта, ер хъай воI цIавеча – толашагI бола уст бийр Iа, хьа мел бола боахам кхакъпащца цо биа боллашехь а!“

31. Бакъда дас аьннад цунга: „ВоI, хьо масса хана соца ва, са мелдар хьа да.

32. Хьо-м гIадваха ма везий хьа воша венна маварий, ер хIанз дийнвеннав, вайначар кораваьв“.

Тешаме воацача лайх лаьца дувцар

16 Ший мурдашта Ийсас кхы а цхьа хьакъале дувцар дийцар: «Цхъан хьал долча сага боахама доал деш лай вар. Фусам даьна хезад лайс цун боахам боабав дIабоаккхаш латт аьнна.

2. Лай кхейка хьа а вийха фусам дас хьаьттад: „Из фуд сона хьох лаьца хозаш дар? ДIа а вахе хъай балхах жоп дала кийчле, кхи дIахо хьога сай боахам лелабайта раьза вац со“, – аьнна.

3. ТIаккха урхалхочо уйла яьй: „Аз фу да деза? Фусамдас балхара дIаваоккхаш ва, лаьтта аха ваха са низ бац, сагIа деха эхь хетт.

4. ХIа! Сона хов фу де деза, укхазара дIаваьккхача кхича фусаме чуэцаргволаш“.

5. Цхьацца вехаш ший фусам даь декхараш дохкараш хьабийхар цо. Хьалхарчунга хьаьттар: „Хьо мал декхарийла ва са фусамдаьна?“

6. Вокхо жоп делар: „БIаь пед зейтдаьтта“. Урхалхочо аьлар цунга: „Ер хъайна декхар тIадола каьхат а ийце, сихха Iо а хай дIаязде: бIаьннена меттел шовзткъеи итт“.

7. Юха кхычунга хьаьттар: „Хьо мел дала дезаш ва са фусамдаьна?“ Цо аьлар: „БIаь гали кIа“. Урхалхочо

аьннад: „Хьай декхар тIадола каьхат хьа а ийце дIаязде: дезткъа гали хьаде“.

8. Фусамдас хоаставаьв тешаме воаца лай, сел кхетаме из хиларах. Ба а ба укх дунен тIа Даьла нурел болча нахал чоагIагIа кхетараш.

9. Аз ях шуга, укх дунен тIарча рузкъах пайда а эцаш шоашта доттагIий лаха. Юха из хьал шох дусаргдолча хана, Дала Ший даима латгача цIагIа тIаэцаргда шо.

10. КIезигача хIаман тIехьа тешаме вар, доаккхача хIаман тIехь а тешаме ва, хIаьта кIезигчун тIехь воацар доаккхачун а вац.

11. Нагахьа санна, шо цадоагIа рузкъа гулдеш тешаме хиннадеце, хьано шох тийша дутаргда боккъала мах бар?

12. Наьхадар шох тийша дита йиш ца хилча, шундар хIано лургда шоана?

13. Шин фусамдаьна гIулакх дулалургдац цхьан Iуна. Цунна цхьа фусамда везаргва, вож везаргвац, е цхьаннена хьесталургва, хIаьта вокхох вашаргвац. Цудухьа ахчана а Далла а гIулакх дулалургдац шоана».

Товрат а Даьла Дуне а

14. Ахча дукха дезаш бола парушхой из деррига хоза а хозаш Iийсайх белаш бар.

15. ХIаьта, Цо аьлар: «Шо наха хьалхашка дика хила гIерташ да. ХIаьта Далла хов шун дагардар. Адамашта мах болаш хетар Далла хьарам хетт.

16. Яхьа дунен чу валалехьа а хиннад Товрат а пайхамараш а, цу хана денз нахага кхайкабу Даьла Дуненах лаьца Хоза Кхаь. Цу юкье ваха гIертар цу юкье а вода.

17. Бакьда, Товрата тIара цхьа мугI бовле сигале а лаьтта а вIашагIкхетаргда.

18. Ший фусам нана йоллашехь а харцахьча наькъ тIа ваьннар, из хьарам гIулакх леладеш ва, хIаьта йита ягIа кхалсаг йоалаечо а хьарам никь хьаэц.

Лазарах и, вIаьхийча сагах и дола дуьцар

19. Цхьан хана цхьа вIаьхий саг хиннав, геттара чоагIа барзкъа тIадувхаш кечлуш, боккъала дола цIей хIара денна шийна деш хиннав из.

20. ХIаьта веррига кIомаргаша а ваьккха, ЛаIазар яхаш цхьа къе саг хиннав. Из иллав вIаьхийча сага коанаIарашка,

21. шийна хIама юаш йихе йиса тIехкаш кхоачаргьарий хьогI яхаш, жIалеш хьа тIа а удаш цунна кьомаргех мотт хьекхаш хиннаб.

22. Юххера а веннав къе саг. Из малейкаша сигала ИбрахIима юххе магIа ваьккхав. Хьал дола саг а веннав, дIавеллав из а.

23. ХIаьта жожагIатен чухь унзара Iазап озаш ше волча хьале ши бIарг хьалакхача гаьннара ИбрахIима юххе ЛаIазар вайнав цунна.

24. ВIаьхийча саго цIогIа хьакхад: „ИбрахIим са да! Кьахетам бе сох! Хьавайта соволча ЛаIазар, хила Iетте пIелг бошаний са мотт шелбе ала цунга. Доаккха таIазар ма дий сона тIалаттар. Укх цIерал воагаш!“

25. Бакьда, ИбрахIима жоп деннад: „Дагадохал са воI Iа дуненахь дIаййцад дика мел дар, хIаьта ЛаIазарга халагIа мел дар кхаьчар. ХIанз цунна укхаза паргIато яьннай, Iа хьай бала оз.

26. Цул совгIа тхона а шоана а юкье бух боаца ор да: нагахь санна, тхо долчара бараш шо долча кхача безам хилча а уж шо долча дихьа доалалургдац е шо тхо долча а кхоачалургдац“.

27. ВIаьхийча саго аьлар: „ТIаккха аз дехар ду хьога, са да, тха цIагIа вахийта ЛаIазар.

28. Са кхы а пхи воша ма вий. ЛаIазара аз леладаьр ма леладе алийта са вежарашка, укхаза балийна, унзарча моттиге уж кхоачаргбоацаш“.

29. ИбрахIима жоп делар: „Царца Мусай Товрат а пайхамарий йоазонаш а да. ЦутIа яхар дайта!“

30. „А, са да ИбрахИм, – аьннад вIаьхийча саго, – нагахь санна веннар воагIе мара уж кьинош лехьде юха совцаргбац“.

31. Бакьда ИбрахИма аьлар: „Нагахь санна цар Мусайга е пайхамарашка ла ца дувгIе, кхеталургбац кашар гIетта веннар воагIе а“».

*Шийхваларах, гештдарах, тешамах,
декхарах лаьца*

17 Иийсас аьлар Ший мурдашка: «Сагах кьалотаргдола бахьан шеко йоацаш массаза а хургда. ХIаьта, даькьаза ва ше бахьан долаш кьа латийташ вар.

2. Цу эсалча зIамга бераш санна болча нахах цхьан сагах а кьалотийтачул хьайран кхера кач элла, ше форда чу кхоссавалар гIуйле я.

3. Шоаш лоралелаш! Нагахь хьайх вошас кьа лотадой, бехк баккха цунах, хIаьта из дехке воале гешт де цунна.

4. Нагахьа хьай вошас дийнахьа ворхIаза хьайна во болх бой, хIаьта ворхIаза хье волча вена: „Со дехке ваьннав“, – оале, гешт де цунна».

5. ТIаккха викалаша аьлар Аьлага: «Алсам баккха тха тешам».

6. Аьлас аьлар: «Нагахь санна шун тешам зIамига буртилг миссел баларе оаш цу комарий диттага аргдар: „Хьай овла тIехь хье яьле, форда чу йогIале!“ Цо оаш яхар дергдар.

7. Масала, шун цхьанне лаьтта оахаш е жа доажадеш Iу ва. Из арара балхара цIавеча, цхьанне а аргдац оаш цунга: „Хьавола, укх метте Iо а хайна хIама яа“.

8. Оаш цунга иштта аргда: „Сона яа хIама кийчье, юкъ йихке са гIулакхага хьажа со йиа а менна а валлалца, тIаккха Iайха яа а яа, мала а мала“.

9. Шийна тIадиллар Iуно кхоачашдича, цунна баркал аргдац оаш.

10. Иштта оаш а шоашта Дала тIадилла гIулакх кхоачашдой ала: „Тхо-м духхьала Iуй мара дац: оаха тхоашта тIадилла гIулакх кхоачашдаьд“».

ЦIока лазар дола итт саг тоавар*

11. Иерусалиме водаш, Шамрана, Галилай а шинна мехка доазон тIа гIолла хьавоагIашвар Иийса.

12. Из цхьан юрта чуволача хана Цунна духьал кхийтар дIацадоалаш цIока лазар дола итт саг. Гаьна сайца

13. махьарч дегтар цар: «Иийса! Устаз! Кьахетам бе тхох!» – яхаш.

14. Уж бIаргабайча Иийсас аьлар: «ДIа а дахе, Iалама наха шоаш гойта». Цамогаш бола нах дIаболхашехь, новкьа шоай цамогарах цIенбалар.

15. Царех цаI ше тоавенналга хайча мухь бетташ Далла хоастамбеш юхавийрзар.

16. Иийсайна хьалхашка бартал а вежа, Цунна баркал яха эттар из. Из шамранхо вар.

17. ТIаккха Иийсас хьяттар: «Итт саг тоаваланзарий лазарах? Вож ийсса мичахьа ва?»

18. Далла хоастамбе венар хийрача халкьа юкьера вена ер саг мара веций?»

19. ТIаккха цу шамранхочунга аьлар Цо: «ХьалгIатта дIагIо. Хьо сох тешаш хиларо лазарах кIалхараваккхар хьо».

Даьла Дуне гаргадар

20. Цкьа парушхочо хьяттар Иийсайга: «Даьла Дуне маца тIакхоачаргда?» – аьнна. Цо жоп делар: «БIаргашца Даьла Дуне гора белгало хургьяц.

* *ЦIока лазар дола нах* – уж чIоагIа халача, дарба хулаш доацача лазаро кхестабу нах ба. Уж мо бола нах кьаьстта бахаш хиннаб, кхьча нахаца халайиш йолаш хиннабац. Из лазар Дала сага тIаIазардар духьа дейтарех лоархIаш хиннад.

21. Цхъаннега а оалалургдац: „Из укхаза да“, е „Дла метте да“, хАна аьлча Даьла Дуне шоана юкье да».

22. Тлаккха Ший мурдашка аьлар Цо: «Цхъа ха йоагIаргъя Адама ВоI цхъан дийнахъа мукъах горга оаш сатоссаш, бакъда из шоана гургвац.

23. Шуга аргда: „Укхаза“ е „Дламетте ва“, шо дIа ма довлалаш.

24. ХАна аьлча еррига сигале цхъан йистера вокх йисте кхаччалца сийрдаьккха ди тохаш санна дуне сийрдаьккха хургва Адама ВоI Ше лаьтта воссача дийнахъа.

25. ХАьта из ди тIакхачале, дукха балаш ла дезаргда цун. ХАнзарча ноахала тIехъено тIаэцаргвац Из.

26. Нохъа-пайхамара деношка хиннача бесса хургда Адама ВоI юха венача деношка а.

27. Нах дуаш, молаш, истий кхувлаш, маьре ухаш бар Нохъа-пайхамар ше фордан кема тIа а хейна хьалвоала ди тIакхаччалца. ХАьта цул тIехъагIа хий а хьийдда, берриг нах хIалакхилар.

28. Из дар Лот волча дийнахъ а: дуар, молар, эцар, дохкар, лаьтгаш дIадувра, цIенош хьалдора.

29. Бакъда Лот Цаданера арваьннача дийнахъа сиглара догIа санна дийлхача сангало а цIеро а дерриг адам хIалакдир.

30. Из хургда Адама ВоI воагIача дийнахъа а.

31. Цу дийнахъа тхов тIа вар, ший хIамаш хъаэца Ю кIал ца водаш цига висар гIойле я, хАьта, кхай тIа балха хиннар юха чу ма воагIалва.

32. Дагадохал Лота фусамнанна хиннар (ХАьта Дала Лотага цун дезалга а Цадан шахъарера арабаьлча кхы юха ца хьожаш дIагIо аьннад. Бакъда Лота фусамнана юха хъежай, цу сахъате шийла бIоагIа хинна дIаэттай).

33. Ший вахар кIалхардаккха дагадехачо из хIалакдергда, хАьта из хIалакдечо из Iалашдергда.

34. Беллгала ях шуга: цу бийсана цхъан цIагIа бийшарех цаI дIахьоргва, шоллагIвар вусаргва.

35-36. Цхъана хъайра Iахъар Юхъаш йолча шин кхалсагах цхъа дIахьоргъя, шоллагIяр юсаргъя».

37. «Мичахъа хургда из, Аьла?» — аьнна хьаттар Цун мурдаша. Иийсас аьлар: «Дакъа долчча хьаргIа къайгаш а гуллургъя».

Жерал йисача кхалсагах а кхелахочох а лаьца хъаькъале дувцар

18 Иийсас Ший мурдашта цхъа хъаькъале дувцар дийцар, уж даима дуIаш деш хургболаш, дог эккхаргдоацаш:

2. «Цхъан шахъаре вахаш цхъа кхелахо хиннав. Из Даьлах ца кхераш а нахах эхъ ца хеташ а хиннав.

3. Цу шахъаре яхаш жерал йиса кхалсаг хиннай. ХIара денна кхелахочун каш тIа а ухаш цунга дехараш деш хиннад цо: „Сай доьхочунца болча къовсаеме нийсхон тIа кхоачаелахъ со“, — яхаш.

4. Цхъа ха яллалца цунна новкъостал ца деш Иийнача кхелахочо юххера а уйла яьй: „Даьлах ца кхере а нахах эхъ ца хете а

5. цу кхалсага новкъостал де деза — кх аз хIара дийнахъа хъа а ухаш се кхеста ца вайта“», — аьнна.

6. Аьлас аьннад: «Уйлаш елаш цу харц кхелахочо дувцвчох лаьце.

7. Кхы вIалла дече дийнахъ а бусса а шийга кхайкаш бола, Ше харжа болча наьха бокъо лораергъяц Дала, цар духъа сихлургвац Из? Цар дехара сиха жоп лургдац Цо?

8. Ях аз шуга: Цо нийсхон тIа кхоачийтаргба уж, лораергъя цар бокъо. ХАьта Адама ВоI дунен тIа веча, короргбий-теш Цун Даьла нийсхонах тешаш бола нах?»

Паруихочох а йоал гульеш волчох а лаьца хъаькъале дувцар

9. Шоайх тоам а хеташ, кхыбараш ца безарашта цхъа хъаькъал дола хIама дийцар Иийсас:

10. «Ши саг вахав Даьла цIагIа дуIа де, цаI парушхо, вож йоал гулъеш вар. Парушхочо дIа а этта дуIа деш хиннад:

11. „Даьла хоастам ба Хьона, со ер нах санна воацаш, харцон тIехьа воацаш, кулга цIена волаш, харц наькъ тIа воацаш, хIаьта ер йоал гулъеш вар санна воацаш.

12. КIира шозза марха а кхоаб аз, сайна хьа тIа боагIача пайдах итталагIа дола дакъа сагIийна а лу аз“, – яхаш.

13. Гаьно латташ вар йоал гулъеш вар, кхьиметтел сигала ши бIарг халхьожабе ца вухьаш, ший наькхьа тIа бий бетташ йохар цо: „Даьла! Къахетам бе сох, къинош летача сагах!“

14. Белгала ях шуга, цу шиннех Дала къахетам баь цIавахар йоал гулъер ва. ХIана аьлча, хIара ше лакхера хетар лохвергва, ше геттара лоха хийтар лакхвергва».

Иийса а бераш а

15. Иийса волча кегий бераш доаладора, Цунга уж къоабалдеш тIагIолла кулг хьакхийта. Бакьда мурдаша бераш хьачудайтацар.

16. ХIаьта Иийсас мурдаш Шийна хьатIа бийха аьлар царга: Царна духьале ма е, цу мочар да Даьла Дуне.

17. Белгала ях шуга: Даьла Дуненна бер санна гIадводаш воацачоа из бIаргагургдац.

Хьалдола хьаким

18. Цьхан хьакимо хаьттар Иийсайга: «Дика Устаз! Аз фу де деза цIаккхьа а чакхдаргдоаца вахар хилийтара?»

19. «Сох „Дика Устаз“ хIана ях Iа? – хаьттар Иийсас – Цхьаккхьа а вац дика, цхьа Даьла воацар.

20. Даьла лоIамаш хой хьона, харц наькъ тIа ма лела, саг ма ве, хIама ма лочкъае, харц тешал ма де, да-нана лархIа».

21. «Бера хана денз из дерриг кхоачашдеш хьавоагIаш ва со», – аьлар хьакимо.

22. Из хезача Иийсас аьлар: «Кхь цхьа хIама эш хьона: хьай доалахь дар деррига дIа а дехка цунах хьайца ахча

къечарна дIа – юха декъа, тIаккхьа сигала жовхьар хургда хьа. Цул тIехьагIа Сона тIехьа вола».

23. Хьаким гIайгIане вийрзар из хезача, хIана аьлча из чоагIа хьал долаш саг вар.

24. Иийсас цун веа хиларга хьежа аьлар: «Мел хала да хьал долча сага Даьла Дуне тIаэца.

25. Инкала маьха Iургах гIолла чакхьяла аттагIа да, хьал долча сага Даьла Дуне тIаэцачул».

26. Из деррига хезараша хаьттар: «Малав тIаккхьа кIалхара варгвар?»

27. Иийсас жоп делар: «Адамашта ца дулалур, Далла дулалургда».

28. ТIаккхьа Кипас аьлар: «Тхо да-кх деррига дита Хьона тIехьа эттараш...»

29. Иийсас аьлар: «Беллгала ях шуга: Даьла лоIам къоабал бара ший цIа а, да-нана а, бераш, йиша-воша а, ший цIеннана а дитачунна цо дитачул дуккхьа дукхагIа да».

30. ХIаьта, тIайоагIача заман чухь Даьлацара цIаккхьа а чакхдаргдоаца вахар хургда.

Иийсас кхозлагIа Ше кхалхарах а дийнваларах а дийцар

31. Ший шийтга мурд хьа а вийха, Иийсас аьлар: «Вай хIанз Иерусалиме долхаш да, цига деррига кхоачашхургда Адама ВоIах пайхамараша дIаяздаьр.

32. Из хийрача халкъа дIалургва. Уж цунах белаш, из кхеставеш, Цунна тIа шодамарч етташ хургба.

33. Цар цунна шод еттаргья, юххера а вургва, хIаьта кхоалагIача дийнахьа Из юха дийнлургва».

34. Цо дийцадох мурдаш кхийттанзар. Цу деша маIан къайле йолаш дар.

Ерихан-шахьара уллув бIаргий са доаца сагIадехарг тоавар.

35. Иийса Ерихан-шахьара уллув кхаьчача хана, наькъа йисте сагIа дехаш вар цхьа бIаргаш дайна саг.

36. Уллув гюлла тѣхбувлача наьха гѣар хеза цо хьѣттар: «Из фуд?» – аьнна.

37. Цунна жоп делар: «Назаретера Иийса ва из тѣхвоалаш вар», – аьнна.

38. Тѣаккха бѣаргаш дайначо мухь хьѣкхар: «Дауда тѣхьенах хьѣваьнна воІ Иийса! Кьѣхетам бе сох!» – аьнна.

39. Иийсайна хьѣлха боагѣача наха чувхавора из, гѣар ма е яхаш. Хѣаьта, цо кхы а чѣоагѣагѣа цѣогѣа хьѣкхар: «Дауда тѣхьенах хьѣваьнна воІ Иийса! Кьѣхетам бе сох!» – яхаш.

40. Иийсас юха а сеца из саг Шийна хьѣтѣа воалаве аьлар. Из хьѣтѣа кхѣьчача хьѣттар цунга:

41. «Согара фу эш хьона?» – аьнна. Бѣаргаш дайначо аьлар: «Аьла, бѣаргий са хилар лов сона».

42. Иийсас аьлар цунга: «Бѣарга са гуш хила хьѣйна! Хьѣо тешаш хиларо кѣалхара ваьккхав хьѣо».

43. Цу сахьате бѣаргаш дайначун са метгадера. Из Иийсайна тѣхьѣа вахар, Далла хоастам а беш. Из деррига бѣаргадайна нах даггара Далла хоастам бе айттар.

Иийса а Закай а

19 Цул тѣхьѣагѣа Иийса Ерихан-шахьаре а кхѣьчача цига гюлла чакхвоалаш вар.

2. Цу шахьаре вахаш вар йоал гулъерий хьѣаким а волаш, хьѣл дола цхьѣа саг. Цун цѣи Закай яр.

3. Закайна чѣоагѣа ловра Иийса бѣаргавовр, бакьѣа дегѣа зѣамига хилар бахьѣан долаш наха тѣагѣола хьѣожалацар из.

4. Ведда хьѣлха дѣа а ваха, цхьѣан комарий гаьн тѣа хьѣл тѣа ваьлар из, тѣхвоала Иийса бѣаргавовр дезаш.

5. Закай волча тѣа а вена, лакхе хьѣл а хьѣжа Иийсас аьлар: «Закай сѣхха Ювала! Хьѣо волча саца веза Са тахан».

6. Вокхо сѣхха Ю а ваьнна хозахетарца тѣаийцар Иийса ший фусаме.

7. Из дерриг бѣарга дайна, раьза боацачар шоайла хабараш дора: «Кьѣинош летача сага фусаме хьѣоашалха вахар-кх Из».

8. Закайс аьлар Аьлага: «Аьла! Аз ах боахам кьѣечарна дѣалургѣа, нагахьѣа санна аз цхьѣанна а хѣаман тѣхьѣа сагагара совлен йоал яьккхѣаьле, хинна зе диазза метта оттадергда!»

9. Иийсас аьлар: «Тахан кьѣхетам бессаб хьѣа фусаме, хьѣа дезале, хѣана аьлча хьѣо а Ибрахѣима тѣхьѣенах ваьнна воІ ва.

10. Адама воІа дайнар, дисар лаха а кѣалхардаккхѣа а вена ва».

Итт дошо ахча лѣьца дувцар

11. Ладувѣачарна Иийсас цхьѣа хьѣакьѣале хѣама дийцар. Из Иерусалима уллув воландаь, халкьѣа хийтар шоаш сатувса Даьла Дуне хѣанзехь гуш хургѣа.

12. Иийсас дувца доладир: «Паччахьѣа цѣен тѣара цхьѣа саг хиннав гаьнарча мехка ваха аравоалаш, ший мехка ший паччахьѣа бокьѣонаш чѣоагѣа яь юхаверзардхьѣа.

13. Ше дѣавахале, ший Іуй хьѣа а бийхѣа, царга итт дото ахча дѣа а денна аьннад цо: „Со юхавале ер ахча пѣйдана хулача хѣамана хьѣожаде“.

14. Хѣаьта цу мехкарча наха везаш вацар из саг. Цар цунна тѣхьѣа шоай викалаш бахийтар, шоай лоІам дѣахайта: „Тхона ловш дац из саг паччахьѣа хилар“, – аьнна.

15. Паччахьѣа хинна ше юхавѣча цу саго хьѣабийхар ший Іуй. Царга ший ахчахѣа фу пѣйда хилар аьнна хьѣттар цо.

16. Хьѣалхарча Іуно ва а вена аьлар: „Аьла! Хьѣа цхьѣан дошо ахчо итт дошо ахча пѣйда баьб“.

17. Фусамдас аьннад цунга: „Дика да хьѣо дика Іу ва. Хьѣо кѣезигача хѣаман тѣхьѣа тешаме хилар бахьѣан долаш, хьѣа кулгий кѣал итт шахьар лу аз“.

18. Шоллагѣчо аьннад: „Хьѣа цхьѣан дошо ахчо пхи дошо ахча пѣйда баьб“.

19. Фусам дас аьннад цунга: „Хьѣона хьѣалхарча даькьѣе пхи шахьар лургьѣа аз“.

20-21. Хьѣавенача кхоалагѣчо аьннад: „Аьла! Ер да хьѣа дошо ахча, се хьѣох кхерандаь йовлакхѣа юкьѣе делладар аз из, хѣана аьлча хьѣо кьѣиза саг ва: Іайхѣа дѣа ца йиллѣачара

хІама хьаэц Іа, Іайха дІа ца дийначара хьайна ялат хьокх Іа“.

22. Паччахьа аьлар цунга: „Іайха – хьайна кхел йир Іа, маькара Іу! Хьона ховра со кьиза саг вий а, айса дІа ца йиллачар хІама хьаэцаш а айса дІа ца дийначара ялат хьокхаш а волга.

23. Тпаккха со цІа вале цу ахчах сона пайда хІана бинзар Іа, тІера йоал йоаккхаш из юха лург денна а?“

24. Тпаккха улув латтарашка аьлар цо: „Хьаэца цунгара дошо ахча, дІале из итт дошо ахча пайда баьчунна“.

25. Цар аьлар: „Аьла! Цунга итт дошо ахча долаш ма дий“, – аьнна.

26. Паччахьо жоп делар: „Аз ях шуга: долчунна кхи а лургда, доацачунгара, цунга дар а хьадоаккхаргда.

27. Аз шоашта тІехь паччахьалдар цаловш хинна са моастагІий хьа а боалабий, укх метте сона хьалхашка етта“».

Іийса Иерусалиме вода

28. Из дувцар дийчачул тІехьагІа, Іийса дІахо вахар Иерусалиме бода ший никь бе.

29. Зайт-даьтта гув оалача юхе ядача юрташка Вифагийнеи, Вифанийнеи юхе шоаш болча хана Іийсас ший ши мурд вахийтар,

30. царга аьнна: «Духхьала уллача юрта гІо, цу юрта дІачу отгача дІадийхка латташ кьона вир гургда шоана, цу тІа кхы а саг хайнавац.

31. Хьа а даьсте хьадоаладе из укхаза. Нагахьа шоашка хоатте: „Санна доаст оаш из хьа аьнна?“ – иштта жоп лургда оаш: „Из Аьлана дезаш да“».

32. Аьлас бахийтача мурдашта Цо аьннача бесса из корадир.

33. Цар вир хьадаьстачул тІехьагІа, цун даьша хьаттар царга: «Оаш хІана доаст вир хьа?»

34. Вокхар аьлар: «Из Аьлана дезаш да».

35. Цар из Іийса волча хьа а доаладаь, цунна шоай тІехьанахьа дувхаду барзкъа тІа а тесса, цу тІа Іийса хоавир.

36. Из водар, хІаьта цар шоай барцкъашца Цунна хьалха никь буллар.

37. Зайт-даьтта лоам тІара никь мухалегІа бодача метте дукха мурдаш бар, уж берригаш а самукьадаларца мухьарч детташ Далла хоастамаш де болабелар Цо шоашта даьча доаккхийча гІулакхех.

38. «Даькъала ва Везача Аьлан духьа воагІаш вола Паччахь! Сигала барт ба, лакхахь хоастам ба!» – яхаш.

39. Наха юкьера цхьаболча парушхоша аьлар Іийсайга: «Устаз! Совцабе Хьай мурдаш!»

40. Цо жоп делар царна: «Беллгала ях шуга: нагахь уж совце, кхартІоша махьарч деттаргда».

Іийсайна Иерусалиме бола кьахетам

41. Кхы а гарга гІертачул тІехьагІа Іийсайна бІарга яйра шахьар. Из вилхар цунна хургдолча таІазарах.

42. Цо аьлар: «Нагахь санна, хьона хье дикан тІа воалавергвола никь бовзаре! ХІаьта тахан ложкъа баь ба – кх из хьа бІаргех.

43. Цхьа денош доагІаргда, моастагІаша го а баь хьона гонеахьа тІема ханара карт еш, хьо юкьевелла кьовлаш.

44. Хьо йохаергья, хьа бахархой а хьона чу боабергба. КхартІо тІа кхартІо бутаргбац, из деррига а хургда хьайна Даьла чувессалга хьона ца хар бахьан долаш».

Даьла цІа хІамаш йохкача нахах цІендар

45. Даьла ЦІен коа а вена, цигара сагІийна доадеш дола хьайбаш доккаш бола нах лелхабе волавелар Іийса.

46. «Яздаь да, – йохар Цо царга, – Даьла Йоазон тІа: „Са цІа дуІан цІа хургда“, – аьнна, хІаьта оаш укхох зуламхой бІи баьб».

47. Иийсас хІара дийнахьа Даьла цІагІа хьехар. Дина керте латтараш а Иилманхой а боккхий нах а, Иийса хІалакве ловш бар.

48. Бакьда, царна шоаш фу дича бакьахьа да хацар, хІана аьлча дерриг адам Цунна улувра дІадалацар, хІара Цун дешага ладувгІаш.

Иийсайна карарчих шеко яра хаттар

20 Цхьан дийнахьа Иийса Даьла цІагІа наха хьехамаш деш, Хоза Кхаь кхайкабеш волча хана, Цунна хьа тІа а баькка дина керте латтараша, Иилманхоша боаккхагІарца цхьана хаьттар:

2. «Ала тхога, малагІча бокьонах ду Іа из? Хьан еннай Хьона цу тайпара бокьо?»

3. «Аз а лургда шуга цхьа хаттар, – аьлар Иийсас, – оаш а да Сона жоп.

4. Яхьайна хих нах чакхбаха енна бокьо сиглара яр е адамашкара яр?»

5. Табаьккараш вІаший барт бе эттар: «Нагахь санна вай: Сиглара яр, – оале, таккха Цо хоаттаргда: „ХІана тийша дац шо Яхьайх?“

6. Нагахьа вай адамашкара яр, оале, наха вайна кхартІой деттаргда, хІана аьлча уж тешаш ба Яхьа пайхамар хиларах».

7. Цар жоп делар: «Хац тхона», – аьнна.

8. Иийсас аьлар: «ТІаккха Аз а аргдац шуга, малагІа бокьонца деш да Аз дешдар».

Комсий беша болча болхлоех дола хьаькьале дувцар*

9. Юха Иийсас наха цхьа хьаькьале хІама дийцар: «Цхьан саго комсаш йийна хиннай. Уж лелае болхлошка дІа а енна, дукха хана денз цІагІа хиннавац из.

* Комсий беш Даьла Йоазонаш тІа Израила халкьа сибате лоархІаш хиннай.

10. Комсаш хьахулача хана цо ший комсаш тІара ийца пайдах цхьа дакьа хьагулде аьнна комсаш лелаерашка Іу вахийтав. Бакьда, комсаш лелаераша йийтта а йийтта цхьаккха хІама доацаш юхавайтав из.

11. ТІаккха кхывола Іу вахийтав цо, из а йийтта эхь даь, хІама доацаш юха вайтав.

12. ТІаккха юха а кхоалагІа вола Іу вахийтав цо, из а лозаваь ара кхессав.

13. ТІаккха комсий дас аьннад: „Фу дича бакьахьа да аз? Сай боча воІ вохийтаргва аз, цунах эхь хета мег царна“.

14. Комсаш лелаераш из бІарга вайча, шоайла яха болабеннаб: „Из тІехье я! Ве вай из, тІехьле вай хургйолаш!“

15. Комсий бешара ара а ваьккха, вийнав из. Фу дергда царна комсий беша дас?

16. Цо юха а вена боабергба уж, хІаьта комсий беш кхычарна дІалургья». ЛадувгІачар аьлар: «Из иштта ма хилийта!»

17. Иийсас лаьрххІа царга хьежа хаьттар: «Фу маІан долаш да Даьла Йоазоси дешаш: „Гишло еш пхьараша дІакхесса кхералг цІенош хьалдара керттара кхера хинна дІаэттаб?“

18. Цу кхартІох ког мел кхийттар, ваттІаргва, хІаьта из Іо тІа кхийттар цо кІалахьоргва».

19. ХІаьта, дина керте латтараш, Иилманхой цу ханна Из лаца беннабар, царна хейра из шоашта доагІаш Цо аьнналга, бакьда нахах бахьанзар уж.

20. Цудухьа Иийсайна тІехьа хьажа болабелар уж тІавайта массехк саг, моллагІча деша тІехьа ваьнна а из гІалатваларга, Іаьдала дІаваларга сатувсаш, уж маькара нах гонахьа хьувзар Цунна, шоаш дика бараш ба а мотгийташ.

21. Хаьттар мотт беттачар: «Устаз! Хьа дешаш а, хьехамаш а нийса дий хов тхона цхьаннена а тоамбар де

ца хьожаш, кхетам болаш нийса Юмаву миштта ваха веза Даьлагахьа.

22. Алал, бокъо лой тхона римлаьнхой паччахьана йоал яла е лац?»

23. Иийсас цар цѐна йоаца уйлаш яйза, аьлар царга:

24. «Хьагайтал Сона дото ахча. Хьан сурт, хьана цѐи я цу тѐа?» «Римлаьнхой паччахьа я-кх» – аьлар цар.

25. «Цудухьа паччахьадар паччахьана дѐале, Даьладар Далла ле», – аьлар царга Иийсас.

26. Цар аьттув баланзар наха юкъе дешаца Из лаца. Цо иштта жоп даларах цецбаьнна латтийсар уж.

Дийнваларах лаьца

27. Цунна хьа тѐа вера садукьоех массехк саг (уж тешацар венна саг дийнваларах) тѐаккха укх тайпара хаттар делар:

28. «Устаз! Муса-пайхамара яздаьд вайна, нагахь саг велча, цун цѐн нана дезалхо воацаш йисача, венначун вошас из кхалсаг йоалае еза ший веший тѐехье метта оттаяра.

29. Ворхѐ воша хиннав. Хьалхарчо саг йоалаьй, бакьда из леча хана дезалхо хиннавац цун.

30. Шоллагѐча вошас йоалаьй ший вешийх йисар. Из а веннав кхы дезалхо воацаш.

31. Кхоолагѐчо йоалаьй из, иштта ворххѐе а веннав цхьа бер а доацаш.

32. Юххера а из кхалсаг еннай.

33. Масала, уж дийнбелча хьан цѐн нана хургья из, ворхѐанега из маьре а хинна хилча?»

34. Иийсас аьлар царга: «Укх дуненчу истий а боалабу, маьре а болх.

35. Хѐаьта хургдолча Дунен тѐа баха а дийнбала а деѐараша саг йоалаьц, е маьре а болхац.

36. Цудухьа Дала уж юха дийнбаьб, хѐана аьлча малейкашта нийссабола Даьла дезал ба уж, бала йиш йолаш бац.

37. Хѐаьта байнараш белгала дийнлураш хиларах Муса-пайхамаро гайтар кекан кел йоагѐаца хана. Мусас Везача Аьлах Ибрахѐима а, Исхьакха а, Йоакѐапа а Даьла аьннад.

38. Бакьда Даьла – байначар Даьла вац, дийначар ва. Цунна берригаш а дийна ба».

39. Тѐаккха цхьаболча Илманхоша аьлар: «Дика аьннад, Устаз».

40. Цул тѐехьагѐа Цунга хѐама хатта цхьаккха а лоархѐавацар.

Дауда Воѐах лаьца

41. Тѐаккха Иийсас аьлар царга: «Мишта оалалу наха Дала лаьрххѐа вайта Кѐоабалваьр Дауда Воѐ ва?»

42. Дауда Забура тѐа ше ма йоахий: „Веза Аьлас аьннад са Аьлага: ‘Са аьтта кулга оагѐорахьа вагѐа.

43. Аз Хьай моастагѐий Хьай когашка Юбахккаллца’“.

44. Нагахьа санна, Дауда Цунах Аьла аьлча, цун Воѐ мишта хул Из?»

Илманхойх лорвалар

45. Массавар а Иийсага ладувхаш вар, хѐаьта Цо Ший мурдашка аьлар:

46. «Илманхой лоралелаш. Уж дѐаьха дувхараш дийха лел, базар тѐа шоашка моаршал хаьтгача хоза хет царна, гуллама цѐагѐа а, той долча магѐа а баьнна багѐа лов царна.

47. Уж бахьан долаш жерал багѐа кхалнах шоай долчок боал, цул тѐехьагѐа шоаш наха гойтардухьа дукха ха йоаккх цар ламазаш деш. Хѐаьта, иштта болчарна лира таѐзар хургда».

Жерал ягѐаца кхалсага сагѐа

21 Иийсайна дайра хьалдолча наха Даьла цѐн коа латгача ахча гулдеча яьшка чу ахча чутувсащ.

2. Мар воацаш ягѐа кхалсаг а яйра Цунна. Цу кхалсаго шиь зѐамига цѐаста ахча Юдиллар.

3. «Бакъдар ях шуга, – аьлар Иийсас, – цу кхалсаго денна сагIа массане а денначул доаккхагIа да.

4. Вокхар шоашта хIама хьатIадара луш да, хIаьта цо ший таро йоаццашехь а, шийна яа хIама эца юхе ца дуссашехь а Юдиллар».

Даьла цIа дохоргхиларах лаьца

5. Даьла цIенах лаьца, из малагIча дикача, дезача кхартойх, малагIча совгIатех хоздаьд лаьца дувца гулбеннарарш болабелча Иийсас аьлар:

6. «Шоана хIанз хоза мел хетар хоарцаргда. Цхьа ха йоагIаргья укхаза кхартIо тIа кхартIо ца бусаш».

Къематдийнахьара белгалонаш а ла деза балаш а

7. «Устаз, – хьатгар Цунга, – маца хургда из? ХIаьта сенах ховргда тхона из кастта хургдолга? МалагIа белгало хургья?»

8. «Шоаш Iеха ма дайталаш, – жоп делар Иийсас. – ХIана аьлча, дукха бараш Са цIерагIа боагIаргба, хIаьта цар яхаргда: „Из Со ва! Ха а хьакхьай!“ МагIолаш царна тIехьа!

9. Шоашта тIемах, нах гIовттарарх хезача унзара ма довлалаш. Из хьалха хила дезаш да, хIаьта тIехьардар иштта сиха хургдац».

10. Цул тIехьаIа Иийсас: «Нах наха духьала, паччахь паччахьана духьала гIовттаргба,

11. чIоагIа лаьтташ агаргда, дукхача моттигашка, хала лазараш, моцал оттаргья, хIаьта сигаленашка унзара хIамаш, сийдола белгалонаш хургья.

12. Бакъда из хилалехьа хьалха, шо лувцаш, лелхадаь леладергда. Со бахьан долаш набахта товсаргда, гуллама цIен кулгалхошка, хьакимашка, паччахьага дIалуш леладергда.

13. Из деррига а хургда шоана шоаш хьадоаладаьрашта хьалхашка Сона тешалде йиш йолаш.

14. ЧIоагIа дагодалаш: хьалххе а уйла ма елаш мишта бехказа даргда,

15. Аз шоана лургда хьакъале дешаш шун довхой низ кхоачаргбац хьакъала а дешашта а шоана духьала отта.

16. Кхыметтел даьша-ноаноша, вежараша, гаргарча наха, новкъосташа дохаргда шо. Цхьабараш шох боабаргба.

17. Со бахьан долаш массанена а гоама хургда шо.

18. Бакъда, шун керта тIара кхыметтел цхьа чо Иобожаргбац.

19. Духьала овтталуш хила – цунца боккъонцахьа массазара вахар хургда шун.

Иерусалим хоарцоргхиларах лаьца

20. БIухоша гобаь Иерусалим яйча халаш: из харцара йола ха хьатIакхьачалга.

21. Цу хана ЯхIуд-мехкара бараш лоамашкахьа байдача бакъахьа ба; Иерусалиме бараша из сихагIа йитача бакъахьа я; арахьа бараш шахьаре юха чу ца баьхкача бакъахьа ба.

22. ХIана аьлча, яздаьр кхоачашхула, чIир лехара денош хьа кхьаца ха я из.

23. Къа да берах барий, накха хьокхарий цу деношка! Йоаккха гIайгIа йос лаьтта. ЭгIазло IотIа елхаргья халкъа:

24. цхьабараш урса иралах легарба, шоллагIабараш тайп-тайпарча мехкашка лаьца дIабугаргба. Иерусалим кхьаца наха когашта кIал лоаттаергья шоай ха дIаяллалца.

Адама ВоI дунен чу валар

25. Малха тIа, бетта тIа, седкъаш тIа тамашийна белгалонаш хургья. Ловзабаьннача форда талгIеша еча гIарах кхераденна адам дунен чу сагаттдеш хургда.

26. Дунен тIа доагIаш латтачох унзара баьнна, чухь синош доацаш нах Iолегаргба сигаленаш меттахьар ювландаь, тIадоагIар фуд ца ховш.

27. ТIаккха гургва царна: сийленца, возоленца низаца визза морхашта тIагIолла воагIа Адама ВоI.

28. Из хулача хана шоай букъалгаш хьалнийсде, кортош хьалъайде паргIато юхе я!»

Комарий гаьнах лаьца масале дувцар

29. Иийсас укх тайпара хьакъале дувцар дийцар царна: «Хьажал комарий гаьнага а, иштта масса йолча гаьнашка а.

30. Царна гIа тохача хана, шоана царна бIарахъежача хов бIаьсти гарга гIерталга.

31. Иштта из бIаргодайча шоана а хоалу Даьла Дуне гарга долга.

32. Бакъдар ях Аз шуга, ер ноахал дIадалалехъа из кхоачашхургда.

33. Сигаленаш, лаьттанаш лар йоацаш довргда, Са дешаш дIадовргдац.

Дийша ма ахка

34. Хьажалаш, даарца, маларца корта бохабаь, дахара долча хьашташца шоай дегаш дIа ма лувцийталаш, цу денна шоаш кийча хилийталаш.

35. ЦIаьхха, цаI лаца яь кIийле санна хургда из ди дунен чу масса долча адамашта.

36. Геттара сома хила, массаза дуIаш де, цу бIехача балах шоаш кIалхара довла низ хургболаш, Адама ВоIа хьалхашка отта кийча хилара».

37. Дийнахъа Иийсас Даьла цIагIа хьехамаш дора, хIаьта сайрана араваьле Зайт-даьтта яхача лоам тIа бийса йоаккхар Цо.

38. ХIаьта деррига адам Iуррехъа Из волча Даьла цIагIа доагIар Цунга ладувгIа.

Иийса ве аьнна баь барт

22 «Пасахъ» яха цIей дар гарга гIерташ, тезача маькха цIей.

2. Дина керте латтараш а Иилманхой а Иийса хIалакве аьттув лохаш бар, хIана аьлча уж халкъах кхерар.

3. ТIаккха искархо аьнна цIи тиллача ЯхIудана иблис чудаьлар. ЯхIуд Иийсай шийтта викалах цаI вар.

4. Цо дина керте латтарашца а Даьла цIен хаьхошшца а тIа а ваха, Иийса царна дIаваларах лаьца къамаьл дир.

5. Самукъадаьнна, цунна ахча дала барт хилар цар.

6. ЯхIуда Иийса царна кара лургва аьнна дош делар. Иийса царна дIавала эттув лохаш воа из, Цунна улув нах боацача хана.

Дезача денна кийчо яр

7. Тезача маькха деза цIей тIакхаьчар. Цу дийнахъа Даьла духъа сагIийна Iаьхар бе безаш бар.

8. Иийсас Кипеи Яхъяи вахийтар: «ДIа а гIой, шинне а вайна пасахъана дуаш дола сагIийнара яа хIама кийчъе», – аьнна.

9. «Мичахъ кийчде лов Хьона из?» – хаьттар цар.

10. Цо аьлар: «Шахъаре чувоаллаш кхабилга чу хий дахъаш воагIа сагIухьалкхетаргва шоана. Цунна тIехъа из ваххача цIагIа чу гIю.

11. Фусамдаьба аргда оаш: „Устазо хетт: ‘Ший мурдашца Даьла духъа сагIийна хIама даа че мичахъа я?’“

12. Цо шоана лакхе тIа кийчъяь йоаккха че гойтаргъя, цу чу кийчо ергъя оаш».

13. Цар дIа а баха, Цо яххача бесса деррига кора а даь, Даьла духъа сагIийна кийчо йир.

Аьлан сайре

14. Ха тIакхаьчача Иийса а Цун викалалаш а сагIах кхета гулбелар.

15. Иийсас аьлар царга: «Сайна бала тIалацале, ер сагIийнара Iаьхар шуца къаьстта баа ловра Сона.

16. Таханарча дийнахъа денз Со кхы гургвац укх моча сагIа деча моттигашка, хIана аьлча, боккъонцахъа долча сагIах Даьла Дунен тIа мара кхы кхетаргвац Со».

17. Ийсас дуІан кад хъа а ийца дуІанца цунах Далла баркал а аьнна, аьлар: «Хъа а ийце шоашта юкье гІолла дІамала.

18. Аз ях шуга: Аз цхьаккха тайпа комсий чхьагІар маргдац, Даьла Дуне тІакхаччалца».

19. Цо маькх хъа а ийца, дуІанца цунах баркал а аьнна, йийкъа а йийкъа мурдашка дІаелар: «Ер маькх Са дегІ да, шун духъа дІалуш дола. Со дага а лаьце ер каст-каста делаш».

20. Шоаш хІама йиа баьлча, Ийсас чхьагІара кад хъа а ийца аьлар: «Укх када чу Аз шо бахъан долаш Іодохийтаргдола цІий да. Цу тайпара Даллеи нахаи юкье керда барт чубосс.

21. Хъажалаш! Со вохкаргволча сага кулг Сачунца цхъана даар тІа кхайдад.

22. Бакъда, Адама ВоІ Шийна хъаьхача наькъ тІа гІолла вода. Из вехкачунна чІоагІа къа да!»

23. Уж шойла хетта болабелар, мала хургва хьогІ вайх иззаморг де дага дехар яхаш.

Керттера вар малав аьнна даь къамаьл

24. ТІаккха мурдашта юкье цатоам эттар, малагІа лархІа веза шоашта юкье керттера, аьнна.

25. ХІаьта, Ийсас аьлар царга: «Халкъий паччахьашта адамашта тІехъа кулгал ду шоаш дика гІулакх деш ба алар а дех.

26. ХІаьта, шоана иштта ма хилда. МоллагІа а шоана юкье лакхагІа вар лохагІа вар санна хилва, хьаким вар — Іу санна хилва.

27. Ай керттера вар малав: юаш вар е цунна эшар тІаяхьаш вар? Юаш вар веций? ХІаьта Со шоана юкье Іу санна ва.

28. Шо Са халонех Соца чакхдаьннад.

29. Аз Дуне дІалу шуга Са Дас из Сона ма-даллара,

30. шо Соца цхъана Са Дунен тІа дуаш а молаш а хургдолаш. Шо шийтта паччахъа гІанда тІа дагІаргда Израила халкъа шийтта тайпана техъ кхел».

Кипа дІакъастарах лаьца дувцар

31. Аьлас аьлар: «Ай ва ШамІа, иблисо шох фудоал хъажа бокъо яьккхай, цига гуш хургда кІа малагІа да, нувхаш малагІаш я.

32. ХІаьта Аз дуІа даьдар, хъа тешаш хилар лаьгІ ца далийта. Іа Іайха, хъе тешара ха хьакхъача хъай вежарий тешар чІоагІделахъ».

33. Цо жоп делар: «Аьла! Со Хьоца набахта ваха а вала а кийча ва!» — аьнна.

34. ХІаьта Ийсас аьлар: «Аз ях хьога, Кипа, тахана Іуйрийна боргІал кхайкале, кхозза Со хъайна вовзац аргда Іа».

35. Юха Цо хьаттар мурдашка: «Аз шо киса ахча а кара тІормиг а когаш тІа ювха хувца маьчаш а йоацаш дІадахийтача хІама ийшари шоана?» «Эшацар», — аьлар цар.

36. «ХІанз шоашта дале ахча а хъаэца, тІормиг а хъаэца, шоашка тур деце коч ехе а тур эца.

37. Аз ях шуга: хІанз укх сахъте Даьла Йѳазонаш тІа яздаьр нийсдала дезаш да Соца: „ТІаккха Из зуламхойх лаьрхІар“, хІана аьлча Са никъ кхоачалуш латт».

38. Цар аьлар: «Аьла! Хъажал тхога ши тур да», — аьнна. «Тоьаргда шоана», — жоп делар Ийсас.

Зайт-даьтта лоам тІа дуІа дар

39. Цигара ара а ваьнна массаза санна Зайт-даьтта лоам тІа вахар Ийса. Мурдаш а бахар Цунна тІехъа.

40. Шоаш дІа кхъача Ийсас аьлар: «ДуІа де, халонашта духъал отта низ балара шоашта».

41. Ше а царна кхера кхоссала йолча моттиге дехъа а ваьнна гора а вежа, дуІа де эттар Из:

42. «Са Да, аз дех Хьогар, кІалхара ваккха со Хъайна лой хІаьта Хъайна ловр мара ма де укх къахъача кадах! ХІаьта а Са лоІам бар ма делахъ, Хъайна ловр мара!»

43. Сигалара Іудессар Цун дог чІоагІдеш дола малейк.

44. Халача хъале, кхы а чIоагIагIа дугIа де эттар Иийса. Цун хьоцар цIий тIодам санна лавтта легар.

45. ДуIа даь а ваьнна, мурдашта тIавахар Из. ПIаигIано дог дохадаь, бийша бадаш корабира Цунна уж.

46. «Шо дийша мишта ухк? – хьаьттар Иийсас. ХьалагIовтта дуIаш де, халонашта духьала овттара низ балара шоаш кIал ца дисийта».

Иийсайна тийша болх бар, Из лацар

47. Иийсай къамаьл чакхдалалехьа адамаш хьадаьккар. Царна хьалха ваьнна воагIаш вар ЯхIуд, шийтта викалех цаI. Иийсайна тIавера Цунна барт баккха.

48. Иийсас хьаьттар: «ЯхIуд, барт боаккхаш бу Iа Адамлен ВоIа тийша болх?»

49. Иийсайца болчар, гIулакх миштад бIарга а дайна хьаьттар: «Аьла, товраш тоха оаха?» – аьнна.

50. Царех цхьанне тур теа дина керте латтарашта чуллатача Iун аьтта лерг даьккхар.

51. ХIаьта, Иийсас аьлар: «Сабар де, тоьаргда!» Цо, кулг Iетта, лерг тоадир цу сага.

52. Юха Ше лаца баьккача дина керта даьшка а, Даьла цIен хьакимашка а боккхийчарга а аьлар Цо: «Со зуламхо-м вац, шо товраш а, хьокхий а даьха укхаза да?»

53. ХIара дийнахь Со шуца Даьла цIагIа волаш Сона тIа кулг мича Iеттар оаш, хIаьта хIанзар яр шун ха я, боадон ха».

Кипас Иийса дIатосс

54. Цар Иийса хьа а лаьца, дина керте латтарий цIагIа чувигар. Кипа а царна тIехьа вар гаьно.

55. Гулбеннараш коа цIи а лотаяь бIоахлуш бар. Кипа а вар царна юкье Iеш.

56. Чулатгача цхьан йоIа вайра из цIера юххе Iеш. ЛаьрххIа Кипага а хьежа, цо аьлар: «Из саг а вар Цунца».

57. ХIаьта Кипас аьлар: «Кхалсаг, сона вовзац Из».

58. КIезиг сабардаьча гIолла цхьанне ер вейна аьлар: «Хьо а ва царех цаI». «А, вац», – жоп делар Кипас.

59. Кхы цхьа сахьат хиллала ха яьлча кхы а цхьанне а тIатоIадаь аьлар: «Ер белггала вар Иийсайца, хIана аьлча ер а галилайхо ва».

60. Кипас духьале йир: «Саг Iа фу дувц хац сона», – аьнна. Цун къамаьл чакх далале боргIал кхайкар.

61. Аьла юха а вийрза нийсса Кипайна тIахьажар. ТIаккха дагадера цунна Аьлан дешаш: «Тахана боргIал кхайкале, Со кхозза дIатоссаргва Iа».

62. Кипа коара ара а ваьнна дег чура вилхар.

ТIемахоша Иийсайна низ бу

63. Иийса лоравеш бола нах Из футтаргвеш, Цунна етташ бар.

64. Цар Цун бIаргаш дIа а дийхке, йийтта а йийтте, хоаттар: «Хье пайхамар вале, дувцал, хьан техар Хьона?»

65. Кхы а дукха Из эсалвоаккхаш дола хIамаш дувцар цар.

Гулламе барт хаттар

66. Iуйрийна хьалххе шоай вIашагIкхетаре гулбелар боккхий нах. Царца бар дина керте латтараш а, Iилманхой а. Уж болча воалавир Иийса.

67. «Дала ЛаьрххIа вайта Кьоабалваьр вале, нийсса тхога хьаала», – йоахар цар. Цо царга аьлар: «Аз шуга дIаоале, шо тешаргдац».

68. Нагахь аз шуга хоатте, Сона оаш а жоп лургдац.

69. ХIаьта, хIанз денз дIа Адамлен ВоI Низболча Далла аьтта оагIорахьа вагIаргва».

70. Уж массавар а хетта болабелар: «Хьо Даьла ВоI ва тIаккха?» Цо жоп делар: «Оаш шоаш ях-кх Со ва».

71. ТIаккха цар аьлар: «Кхы сенна эш укхаза тешаш? Цунна багара хьадаьнна из вайна хезар-кх!»

Ийса Пилата хьалха воалаву

23 Цул тЕхьагIа уж берригаш а хьалгIайтта Ийса а ийца Пилатана тIабахар.

2. Цига Из бехке ве эттар уж: «Тхона ер Саг нах корзагIбоахаш волга хайнад. Укхо Римлаьнхой паччахьана йоал ма ле йоах, Ше Паччахь а, Дала лаьрххIа вайта Кьоабалваьр а ва йоах».

3. Пилата хаьттар Цунга: «Хьо жугтий Паччахь вий?» Ийсас жоп делар: «Iа ях-кх из».

4. ТIаккха Пилата дина керте латтарашка а халкъага а дIахайтар: «Из саг бехке ве цхьаккха бахьан дац са».

5. ХIаьта цар юха а юха а йоахар: «Ший хьехамашца халкъ деррига ЯхIуд-мехка метгахьадаьккхад Укхо. Галилайе дIаволавеннав, хIаьта хIанз укхаза кхаьчав».

Ийса ХIарона хьалхашка

6. Уж дешаш хеза, Пилата хаьттар: «Ер Саг Галилайхо ва?» – аьнна.

7. ХIаьта шийна Ийса ХIарона кога кIал болча мехкара вий хайча, цо Из цу хана Иерусалиме вена волча ХIарона тIахьожавир.

8. Ийса вайча, чIоагIа самукьадаьлар ХIарона, хIана аьлча дукхача хана денз Из бIаргавовр сатувсаш ше хиннадаь. Цунна Ийсах лаьца дукха хIамаш хезадар, цудухьа Цунгара цхьа тамашийна болх го ловш вар из.

9. Цо Ийсага дукха а хаттараш дир, хIаьта Вокхо цхьаккханена а жоп даланзар.

10. Дина керте латтараш, Илманхой а бар цига, шоай ма-хулла Ийса бехке веш.

11. ХIарона а, цун тIемахоша Ийсайх бела а бийла эсала а ваьккха, Цунна тIа лепача кIадах дола дувхар а дийха, Из Пулат волча юха дIахьожавир.

12. ХIаьта цу дийнахьа денз ХIаронеи Пилатеи новкъостий хилар, хьалхагIа уж шоайла моастагIий бар.

Ийсайна ве кхел ю

13. Пилата дина керте латтарашка а, хьакимашка а, халкъага а дIа а хайта уж хьа а бийха,

14. аьлар: «Ер Саг халкъ корзахдаьккха ва аьнна воалаваьв оаш сона тIа. Шо а долаш аз Цунга барт хаьттар, хIаьта оаш Цунна бехк беш тIадождаьр сона цхьаккха а гуча даьланзар.

15. ХIарона а кораданзар Цунна бехк беш дола хIама, цудухьа цо юхавайтав Из. Шоана гучча бесса, Цо из велла хIама даьдац.

16-17. Аз шод а йийтта дIахецагIа Из».

18. Бакьда массане а, цхьанне санна, махьарч хьекхар: «Ве Из! Барраб тхона хьахеца!» – яхаш.

19. Барраб саг верах а, шахьаре зулам эккхийтарах а чувеллавар.

20. Пилата, Ийса дIахеца ловш, кхы а цIаькхазы хаьттар нахага.

21. Бакьда хьекхаш махьарч дар: «ЖIаргах дIатоха Из! ЖIаргах дIатоха Из!» – яхаш.

22. Пилата кхозлагIа а хаьттар: «Во хIама фу даьд Цо? Из велла Цунгара даьнна гIалат дац, корадаь хIама дас Сона. Аз шодамаш йийита дIахецийтаргва Из!»

23. ХIаьта цар чIоагIа махьарч хьекхар, Из жIаргах дIатоха яхаш. Цар махьарч Пилата дIасоцадир.

24. Цо соцамбир цар лоIам кхоачамбе, аьнна.

25. Цар хьадеххача бесса саг вийна а, адам корзагIдаьккха а вола зуламхо дIа а хийца, Ийса царна кара дIавалар Цо.

Ийса жIаргах дIатохар

26. Ийса дIавугача хана тIемахоша, шоай кхай тIара воагIа Кьуринара ШамIа цIи йола саг хьалаьцар. ЖIарга боагIа цунга ги а боллийта, Ийсайна тIехьа дIабахийтар цар.

27. Иийсайна тЕхьа дукха адам доагIар, царна юкье Цунах кьахеташ шоашта хьалдетташ белхаш бола кхалнах а бар.

28. Цо, юха а вирза, аьлар царга: «Иерусалима кхалнах, Сох ма делха, шоайх а шоай берех а делха.

29. Цхьа ха йоагIаргья наха оалаш: „Ираз долаш ба бер ца хулараш а бер цIаккха а данза бараш а, из дакханза бараш а“.

30. ТIаккха наха яхаргда лоамашка: „Тхона тIахарца!“, гувнашка: „Тхо дIахьуладе!“

31. ХIана аьлча тIа гIа даьннача кьонача гаьна из болх беш хилча, екьача гаьнах фу хургда?»

32. Иийсайца ве вугаш ши зуламхо вар.

33. «Титий» оалача метте хьабаьхкар уж. Цига Иийса жIаргах дIатехар ши зуламхо а цаI Цунна аьтта оагIорахьа вож вокх оагIорахьа дIатехар.

34. Иийсас йоахар: «Са Да, гештде укх адамашта, шоаш фу леладу хац акхарна». ТIемахоша, кхадж а тоссаш, Иийсайна тIаювха хIамаш йийкьар.

35. Нах дIа а айтта хьожаш латтар. Хьакамаш Цунах белар: «Кхыбараш кIалхарбоахар Цо! ХIанз Ше кIалхьарваккха, нагахь Из Дала лаьрххIа вайта Кьобалваьр вале!»

36. Иштта тIемахой а бар уллув латташ, бела а белаш. Цар Иийсага миста чхьагIар кховдадир:

37. «Хье кIалхарваккха, нагахь Хье жугтий Паччахь вале!» – аьнна.

38. Иийсана тIагIолла жIарга тIа яздаьдар: «Ер жугтий Паччахь ва», – аьнна.

39. ЖIаргах дIатехача цхьан зуламхочо Иийса футтарвеш йоахар: «Хьо Дала лаьрххIа вайта Кьобалваьр веций? Хье а тхо а кIалхардаха!»

40. ШоллагIчо ший новкьост сецавора: «Даьлах кхераций хь? Из таIазар деций хьона даьр?»

41. Вей шиннена даь таIазар нийса, доагIаш даьд, хIаьта укх Сага цхьаккха бехк бац».

42. Цо аьлар Иийсайга: «Иийса, со дагавохлахь, Хье Паччахьа санна вувча».

43. ТIаккха Иийсас аьлар цунга: «Белггала ях хьога: тахан Соца ялсмале хургва хьо!»

Иийса кхалхар

44. Динахьа делкьа ха яр. Лаьтта цIаьхха боад бера, из кхьаь сахьата лаьттар,

45. хIана аьлча малх лаьца бар. Даьла цIен эггара езаца метте улла кхоллар шин даькьа декьаделар.

46. Иийсас чIоагIа мухь хьакхар: «Са Да! Сай са Хьа кара дIалу Аз!» Из а аьнна Иийса кхалхар.

47. Из деррига дайнача римлаьнхой эпсара, Далла хоастам а баь аьлар: «Из Саг белггала Даьла лоIамагIа вар!»

48. Хьажа баьхка нах наькха тIа кулгаш детташ юха бийрзар.

49. ХIаьта Иийса вовзараш, Галилайра Цунна тIехьа баьхка кхалнах а гаьннара хьожаш латтар.

Иийса дIаволлар

50. Ювсап цIи йолаш цхьа саг вар цига. Из Гуллама юкье а волаш, Даьла лоIаме дика саг вар.

51. Из Иийсайна яьча кхела раьза хиланзар. Из Рамат цIи йолча шахьарера ЯхIуд-мехкара вар. Даьла Дуненга сатувсаш вар.

52. Пилат волча а вена, Иийсай ДегI хьадийхар Ювсапа.

53. Цун ДегI жIарга тIара хьа а даьккха, кIаьдача кIада юкье а делла, лоамах яьккхача тола чу диллар цо. Цу чу цхьаккха даькьа дилланза дар.

54. Из пIаьраска ди дар – Дала лаьрхIача шоатта денна кийчо яра ха тIайоагIаш яр.

55. Галилайра Иийсайца баьхка хинна кхалнах а бахар Ювсапа тIехьа, Иийсай ДегI хьагIар чу дIадуллаш дайра царна.

56. Цар цІа а баьхка хоза хьаж йоагІа даьтта а, кхы йола хьакхараш кийчйир. Шоашта тІадиллача бесса, Дала лаьрхІача шоатдийнахьа салаьІар.

Дийнвалар

24 Гуйрийна хьалххе са тоссача хана кІиран хьалхарча дийнахьа, шоаш кийчдаь даьтта а ийца кхалнах кІинг болча бахар.

2. Царна дайра хьагІар чу дІачувоаллача лаьтта хинна кхартІо тІера дІабаьккха.

3. Чухьанахьа царна Гийса-Аьлан дегІ кораданзар.

4. Юха а уж цецбаьнна латгача хана, царна хьалхашка эттар кьегаш дувхар дувхаш ши саг.

5. Кхерабенна бартал лийгар кхалнах. Шин саго аьлар царга: «Дийна вар байначарна юкье хІана лех оаш?»

6. Из укхаза вац, Из дийнвеннав! Дагадохал Ше кхы а Галилай волаш Цо шоашка аьнна:

7. Адама ВоІ кьинош летача наха дІа кара лургва, жІаргах дІа а тохаргва, хІаьта кхоалагІча дийнахьа дийнлургва».

8. ТІаккха царна дагадехар Гийсай уж дешаш.

9. КІинг болчара юха а баьхка из деррига а цхьайтта мурдача а кхыча нахага а дІадийцар цар.

10. Шийна дайнар викалашка дийцарашта юкье бар Магдалера Марем а, Яннаи, Йоакъапей нана Марем а кхьбола кхалнах а.

11. ХІаьта кхалнаха дийцачох цхьаккха а тийшанзар. Цар дешаш даьсса хийтар.

12. ХІаьта Кипа, хьал а гІатта, ведда кІинг болча вахар. Чухьажача цунна духьал денар юкье ваьлла кІада зигаш дар. Из шийна дайначох чІоагІа цец а ваьнна дІавахар.

Іаммас-юрта бодача новкьа

13. Цу дийнахьа а ши мурд вар Іаммас яхача юрта вахаш, из уллар Иерусалимера диь сахьата гІаш никь балла йола юкь йолаш.

14. Шоаш наькьа болхаш цу шоашта дайначох дувцар цар.

15. Цар из дувчача хана царна хьа тІа а вена уллув ваьнна водар Гийса Ше.

16. Бакьда цар бІаргаш дайча санна дар цу юкьа, цудухьа Из царна вовзанзар.

17. Гийсас кьамаьлдир царца: «Фуд оаш дувцар?» Уж сайцар цхьа мо юхьмараш яь.

18. Царех Кхалайп яхачо аьлар: «Хьо сона гучох, Иерусалиме цаІ мара-м вац хиннар фуд ца ховш?»

19. «ХІаьта фу хиннад?» – хьаьттар Гийсас. «Назаретара Гийсайца хиннар, – жоп делар цар. – Из пайхамар вар. Далла а массадолча адама а хьалха дешаца, гІулакхаца низбола, унзара хІамаш даьр а вар Из.

20. Дина керте латгараша а кхыча хьакимаша а Из веькар ве аьнна кхел а яйта, жІаргах дІатохийтар Из.

21. Тхо чІоагІа тешаш дар Цо Израил-мохк кІалхара боккхарг хиларах. КхоалагІа ди да из деррига а хинна.

22. Бакьда цхьаболча кхалнаха цецдаьхад тхо. Укх Гуйрийна хьалххе, сатоссача хана, ДегІ чу доалла кІинг болча бахача,

23. Гийсай дегІ корадаьдац царна. Хьабаьккача цар дийцар тхона, шоашта хьалхашка цхьанне суртах долаш айтгача малейкаша Из дийна ва аьлар яхаш.

24. Цул тІехьагІа тха цхьабола новкьостий бахар уж хиннача кІинга тІа, кхалнаха дийчача тайпара хилар деррига, хІаьта Гийса царна цига вайнзар».

25. ТІаккха Гийсас аьлар шинна наькьахочунга: «Ма Іовдала шийла дегаш долаш да шо! Ма кхетац шо шоашка пайхамараша аьнначох!»

26. Дала лаьрххІа вайта Кьоабалваьр Ше бола балаш а лайна кхача везаш вецарий цул тІехьагІа вар духьа?»

27. Муса-пайхамаргара дІаволавенна, масса болча пайхамарашка кхоочаш Цунах лаьца Даьла Йоазон тІа аьнна царна дийцар Гийсас.

28. Уж шоаш лаьрхIа хиннача цхьан юрта йисте кхаьчар, Ийсас Ше дIахо водаш хилара кеп оттайир.

29. Бакъда, цар чIоагIа дехар дора Цунга: «Тхоца Евалар Хьо, ди а сайранга додаш латт», – яхаш. Ийса царца цIагIа чувахар, Иердхьа.

30. Царца пхьера дуIа деш бисмал а дийша маькх йийкъа дIаелар Цо царна.

31. Цар бIаргаш хьаделладар, царна вайзар Из. Бакъда Ше гуш хилийтанзар Цо.

32. Цар шоайла йоахар: «Вай дог мишта доагар наькъа доагIаш Цо Даьла Йоазонех вай Юмадеча хана?»

33. Уж цу сахьате хьа а гIайтта Иерусалиме юха бахар. Кхы мурдашца цхьана цхьайтта гулвеннача уж чубаьлча

34. вокхар аьлар акхарга: «Аьла боккъонцахьа дийнвеннав. ШамIана хьалхашка эттав Из».

35. Паккха цар дIадийцад шоаш наькъа болхаш хиннар, шоашта Из мишта вейзар Цо маькхоатача хана.

Дийнвенна Ийса мурдаш болча вар

36. ХIаьта уж из дувцаш баьккача хана – Ийса Ше царна юкъе латт Цо йоах: «Моаршал да шуга!»

37. Сов кхерабенна шоашта хьалхашка латтар цхьа Ии да мотташ.

38. «Сенна эхь хийттар шоана? – хаьттар царга Ийсас. – Цатешам хIанаб шун дегашка?»

39. БIархьажалаш Са кулгашта, когашта – Со ва из. Кулг тохал Сох, тIаккха шоана ховргда Ии дулхах даь доацилга а цун тIехкаш йоацилга а Са санна».

40. Из а аьнна Цо Ший когаш, кулгаш гойтар.

41. ХIаьта уж сов гIадбаха цецбаьнна бала ца могаш ца тешаш латтар. Паккха Цо хаьттар царга: «Цхьаккха тайпа даа хIама дий укхаза?»

42. Цар дIабелар Цунна цхьа чIегилг бетта чкъаьра.

43. Цо из хьа а ийца царна бIаргагуш дIабиар.

44. Паккха Ийсас аьлар царга: «Иштта да шоана Са дешаш, кхы а Се шуца волча хана Аз шуга яьха: Сох лаьца Муса-пайхамара Товрата тIа, кхыча пайхамарий, Забура тIа яздаьр деррига а кхоачаш ца хилча даргдац», – аьлар Цо.

45. Цул тIехьагIа цар хьаькъал кIоаргдир Цо, Даьла Йоазонах уж дикагIа кхетаргболаш.

46. Цо аьлар царга: «Яздаь да, Дала лаьрххIа вайта Кьоабалваьр бала ла а венначара кхоалагIча дийнахьа дийнвала а везаш ва аьнна.

47. Цудухьа Цун цIерагIа массадолча халкъашка, Иерусалимагара дIадоладенна, кхайка деза, кьиношта гештдара леладаьчох дехке дала аьнна, шун кьиношта гештдергда.

48. Шо цу хIаман тешаш хинна дIаовттаргда.

49. Дас лургда аьннар Аз дIакхоачийтаргда шоана, бакъда лакхера низ шоана чубоссалца шо шахьаре совца деза».

Ийса сигала хьалваккхар

50. Царца Иерусалимера ара а ваьнна, Бет-ХIуне-юрта кхаччалца дIавахар Из. Кулгаш хьал а айдаь, уж даькъал бир Цо.

51. Юха уж даькъал а беш, царна гаьна воалаш, сигала хьалваккхар Из.

52. Мурдаш Цунна хьалхашка бартала Юлийгар. Цул тIехьагIа докккача дикахетарца Иерусалиме юха баькхар уж,

53. еррига ха Даьла цIагIа Далла хоастамбеш дIайихьар цар.

Словарь

Адамлен ВоI – ишта Иийсас Шийх оал каст-кастта Хоza Кхаъашка. Цунна нийса маIан дара цхъа тара яц уйлаш. Цхъан оагIорахъа Даниила Хъалхарча хана баъча Барта тIа тIехъагIа Дала Сий а цIи а низ а беннача сигларчох оал из. ШоллагIа дале жугтий меттал из саг яхалга да.

БаIал-Зебулла – жугташа иблисах йоккхача цIерех цаIа.

Вайтар – Цунах дувц пайхамарий а Товрата а книжкаш тIа. Иийсай хана жугтий Къоабалваър варга хъежаш хиннаб Цо шоаш Рима Iаьдалах къалхъара бохаргхиларах а Даъла Дуне оттаргхиларах а. Грекий меттал Даъла лаърххIа вайта Къоабалваър из «Христос» ва.

Гуллам – лакхехъара жугтий барт беш бараш, цу чу 70 саг воагIаш хиннав. Уж а динаца хъашт дараш хиннаб дукхагIа. Гуллама политически хаттараш кхоачашдарал совгIа, суда кхел а еш хиннай. Иийса волча хана гулламо кхоачашде тIаийцар лоархIаш хиннад, паччахъа санна. Из Рима Iаьдала викалаша чIоагIдаъ дале. ХIаьта Римахоша жугтий ди футтар ца бар духъа масса хана а гулламаца лоархIам лелабеш хиннаб.

Гуллама цIа – хIара шоаттадийнахъа Даъла Йоазонаш тIадола книжка дешара а ламазаш дара а жугтий гуллуш хинна моттиг. Иийса волча хана из моттиг хIара шахъаре хиннай, жугтий мел бахача. Гуллама цIагIа вIашагIкхийттача моллагIча доакъашхочун бокъо хиннай цунах цхъа дакъа деша а тIаккха цу тIа фу йоах аьнна гулбеннарашта дувца а.

Дауд – вай дунеш тIа хъакхоллалехъа 10-га бIаьшеренашка ваъхача жугтий тIехъенах волча Израила эггара цIи хеза

паччахъа. Из хиннав Даъла хеставеш дола йоазонаш тІа долча Забура эггара хьалхара тешалдеш дола яздаър. Бокьон а машара а тІехъа волча Дауда лелабаър Даъла лоІам хиннаб. Из бахъан долаш Дала аьннад цунга цун тІехъе дуне мел латгача хана Израила паччахъаш хургба аьнна. Жугтий пайхамарашта ховш хиннад дерригача дунен тІа Даъла никъ хъехаш хургвола Ийса Дауда тІехъенах хъаваьнна хургволга.

Дауда ВоІ – иштта оалаш хиннад Даъла лаъррхІа вайта Къобалваър, хІана аьлча жугтий тешаш хиннаб Из Дауда паччахъа тІехъенах ваьнна хиларах.

Даъла Дуне – хІанз а хургдолча а дунен чу наха а мел долча хІаман доал Даъла кхоачар.

Даъла Йоазонаш – жугташа лоархІаш хинна дина книжкаш. Царех да Товрат, Пайхамарий книжкаш, Забур кхьдола йоазонаш.

Даъла лаъррхІа вайта Къобалваър – жугташа Из лоархІ Дала харжар, белгалваър. Дала.

Даъла цІа – Иерусалимера еза гІишло. Духъала цига мара жугташа Даъла хьохвеш дола сагІа деш хиннадац, иштта цига гІуллуш хиннаб цІей долча дийнахъа. Юхъанцахъа Даъла цІа оала гІишло яь хьалгъа хиннай. Эггара хьалха из яьй вай зама хъахалале 10-гІа баьшере цІихезача Сулейма паччахъо. Ийсай хана хинна Даъла цІа хьалдаь хиннад ЦІихезача ХІарона. Массехк ков декъаш долча даькъах лаьттад цунна гонахъара доазув. Цунна ийченешка массаза а дукха адам гуллуш хиннад. Ийсас яьхача бесса Из дийнвеначул тІехъагІа дукха ха ялалехъа 70 шерашка римахоша дохадаьд Даъла цІа, хІаьта хІанзалца кхы юха метта а оттадаьдац.

Дехкевалар – Далла хьалхашка ший бехк тІа а ийца, хьалхара цІена боаца никъ битар.

ДиьлагІа доаллеладер – юхъанцахъа из хиннад моллагІа йолча паччахъалкхен диьлагІча дакъа доалдар. ТІехъагІа

Рима паччахъалкхенна Палестине доал мел дерашта юкъарахиннай из цІи.

Дина керте латтар – жугтий кертера Іалама саг, Товрата тІа язdechча бесса цунна мара бокъо хиннаяц пхъаца дола Іадаташ леладе, иштта чІоагІа езагІа лоархІача Даъла цІен моттигаш ка чувала а.

Дина керте латтараш – массехк наха лоархІашагІа бола жугтий Іалама нах, политически а лоархІаш болаш. Дукха дина керте латтараш чубоагІаш хиннаб Гуллама. Ийсай хана уж берригаш хІана бац аьнна массехк цІихезача дезалех хиннаб.

Забурах – Псалмах – греки меттал иллеш алар. Из цІи йолаш 150 жугтий дина иллеш да. Царех дукхагІчар тІа валарах, зенах, зулмак кІалхъара ваккхарах Далла хоастамбу, кхычар Цунна сий а безам а бувц е дехараш ду.

Зелотхой – греки меттал уж хъагІ яраш хиннаб. ХъагІ йолча жугтий дина-политически тоаба жугтий Рима Іаьдалах халкъ кІалхъара даккха гІийрта, хала тарлу Ийсай шийтта викалех ШамІеи Кананитеи хьалхагІа цу хилар а.

Иблис – ШайтІа – из духъале лоаттаер ва. Даъла хъашташ кхоачашдерех фу доал хъежар. Цъаннахъа язду Даъла цулла котваларах.

Йоалгульер – Рима паччахъалкхенна доалахъа Палестине йоалгульеш вола юрта бахача нахах цхъаІ хиннав.

Кхыча дина нах – Ийсай хана иштта оалаш хиннад жугташкара дІамеликкхача кхыча къамех, хІана аьлча цу хана жугтий къаман мара Даъла Товрат довзаш хиннадац.

Левиташ – уж хиннаб шоаш Іалама нах беце а, Далла гІулакхаш деча хана Даъла цІагІа иллеца Из хоаставе, е гІурбана доахан кийче новкъосталдеш хиннараш. Цул совгІа цар Јомадеш хиннад Товрат, иштта наха юкъе хъехархой санна хиннаб уж. Из де бокъо хиннай

Израила халкъа шийтта тайпан кертте латгача Леви тЕхенна. Цигара хъайоагIа «левиташ» яха цIи а.

Марха – из цхъан йиллача юкъа хIама ца яар а цаххадаш Даьлагара къахетам бехаш ламазаш дара а ха хиннай.

Пайхамараш – Даьла дош хозаш а из кхычарга дIахейта ховш а бараш. Пайхамараша тIахъехаш хиннаб жугтий леладаьчох дехке а даьле цхъан Далла гIулакх дара, Цун лоIам кхоачашбара, уллуврвар везара, зуламе хIама ца дара. Дукхача пайхамараша дIаяздеш хиннад Дала шоашка гIолла яхар. Иийсай хана жугташа чIоагIа лоархIашхиннад ер зама хилалехъа 8-ча бIаьшере ваьхача Исакхий книжка. Пайхамарашта юкъе книжка ца дита ер зама хилалехъа ийслагIа бIаьшере ваькха ИлияхI лоархIаш хиннав. Цо Даьлах ца тешаш вола паччахъа чIоагIа чучаваьккхав, дуккхача тамашийнача гIулакхашца цIи хеза а хиннав. ТIехъагIа Малахъа яхача кхыча пайхамаро нахага яьхачох зама йоалача хана ИлияхI лаьтта восса везаш хиннав.

Парушхой – Иийса волча хана хинна жугтий Даьлах тешаш нах. Парушхой белгалбоалаш хиннаб, Товра тIара моллагIа дола хIама а чIоагIа леладеш хиннад цар. Уж наха юкъе чIоагIа лоархIаш а иштта шоаш дина тIакхувш хиларах доаккхалдеш а бар.

Пасахъ – керттера жугтий цIей, из цIей цар дездеш хиннад Египета чулатгачара Муса пайхамарас жугтий халкъ кIалхъара даккхар бахъан долаш. Из хIара шера апрель бетта дездеш хиннад. Из цIей долча дийнахъа лаьрххIа Iаьхарг бувш хиннаб.

Саддуккеи – дина кертте латгараш хиннаб. Уж парушхой санна белгалбоалаш хиннаб ди чIоагIа лелабарца. Бакъда парушхоша санна цар лоархIаш хиннадац кхы Деза Йоазонаш, цу юкъе Пайхамарий а. Уж тешаш хиннабац байнараш дийнлургхиларах, хIана аьлча Товрата тIа цунах хIама аьннадац.

Садукъой – Иийсай хана хинна жугтий массехк чIоагIа лоархIа дина тоаба, садукъошта юкъе.

Теза маькх цIей – Пасахъ даьстачул тIехъагIа теза хIама мара ца юаш доккха 7 ди. Цу ворхI дийнахъа йиткъа хъаяь теза маькх мара яа йиш хиннаяц.

Товрат – Библие къаьнара пхи книжка да. Цу тIа язду дуне хъакхоллар, хьалхарча Даьлах тешаш хиннача нахах, царна Даьла оаз мишта хозаш хиннай, Цунна лоIам мишта кхоачашбу. ДIахо цар жугтий къам мичахъара хъадаьннад. Египте из халкъ миштатIалхара даьккхад лай хургдоацаш, цунна Палестина лаьтта мишта кхаьчад. Цул совгIа цу книжка тIа язду цхъан заманчухъ Дала жугтий халкъага даь амар – из да цар Iадаташта а юкъарча вахара а доагIа итта амар. Цудухъа деррига пхи книжка довзаш хиннад «Товрата тIа» яхача юкъарча цIерах. Жугтий дина «Товрат» эггара чIоагIагIа дешаш дола книжка хиннад, цу язъяь еррига бокъонаш лораяр кхоачаш данза даргдоацагчоах цхъа дехкар хиннад. ХIана аьлча керттера тIадиллар Товрата тIа Дала Египтера жугтий арабаьхача Мусайга гIолла кхайкадаьд, из книжка каст-кастта Мусай Товрат оалаш хиннад.

Хих чакхваккхар – из да саг цIенвеш дола ламаз дар а хичу валар а гIулакх. Из Iадат жугташа нах а иштта далла гIулакх деш йола хIама а динаца цIенъеш леладеш хиннад. Хих нах чакхбоахачо Яхъа къинош летараш дехке балара белгало еш хиннай уж хица цIенбеш. Шоатта ди – жугтий деза ди. Цу дийнахъа болх бе йиш хиннаяц, хIана аьлча из Далла хетадаь хиннад. Керда ди жугтий дIадолалуш хиннад малх чубазарца, цудухъа болх бе йиш хиннаяц тIаьрска дийнахъа малх чубазачул тIехъагIа дIаволавенна шоаттаденна малх чубазалца. Иийса волча хана жугтий Товрата хъехархоша список оттаяьй, шоаттадийнахъа де йиш йолча хIаман. ХIаьта шоатта ди мел долча хана жугтий Даьла цIоагIа

СЛОВАРЬ

гуллуш хиннаб ламазаш дара а хъехамаш деш Юла деза книжка дешара а.

Іалама нах – Иерусалиме Даъла цагІа гІулакх деш хиннараш. Жугтий дина керттера дакъа дІалоацар хиннад Даъла духъа сагІа далар. Іалама нах хила йиш йолаш хиннаб Товрата тІа ма аллара Муса нанас ваьча веший ХІарон тІехъенах баьннараш. Іалама нах бийкъа хиннаб 12 тоабах, царех хІара шера шозза шишша кІира Даъла цагІа гІулакх де дезаш хиннай.

Ілманхой – уж Товрат дика довзаш а наха из фуд дІахъеха ховш а бола нах хиннаб. Іийсай хана уж хиннаб жугтий халкъа юкъе дика лоархІаш а йоккха йоацача тоабан а нах.

Іурба ду моттиг – из Товрата тІа язdechа бесса жугаташа гІурба ду моттиг хиннай. Бокъо хиннаяц кхыча моттиге из де. Іийсай хана гІурба деча улга тІа доахан доадеш хиннад, хІаьта духхъала Даъла цагІа гІурбан хъаж чуйоссийташ хиннай.

Хоza Кхаъ

Іийсас бена, Лукийс дІаязбаъ

*Евангелие от Луки
на ингушском языке*

Институт перевода Библии
Лицензия № 01271 от 22.03.2000
101000 Россия, Москва, Главпочтамт, а/я 360

Подписано в печать 15.08.2005
Формат 84×108 1/32. Печать офсетная. Усл. печ. л. 5,88
Тираж 1000 экз. Заказ №

Отпечатано с готовых диапозитивов
в типографии «Принткорп»
ЛП № 347 от 11.05.1999
220141 г. Минск, Староборисовский тракт, 40